# ॥तैत्तिरीय ब्राह्मणम्॥

### ॥ अष्टकम् २॥

॥प्रथमः प्रश्नः॥

#### ॥तैत्तिरीयब्राह्मणे द्वितीयाष्टके प्रथमः प्रपाठकः॥

अङ्गिरसो वै स्त्रमांसत। तेषां पृश्ञिर्धर्मधुगांसीत्। सर्जीषेणांजीवत्। तेंऽब्रुवन्। कस्मै नु स्त्रमांस्महे। येंऽस्या ओषंधीर्न जनयांम् इतिं। ते दिवो वृष्टिमसृजन्त। यावन्तः स्तोका अवापंद्यन्त। तावंतीरोषंधयोऽजायन्त। ता जाताः पितरो विषेणांलिम्पन्॥१॥

तासां ज्रुष्वा रुप्यन्त्यैत्। तेंऽब्रुवन्। क इदिमृत्थमंक्रिति। वयं भांगुधेयंमिच्छमाना इति पितरोंऽब्रुवन्। किं वो भागुधेयमिति। अग्निहोत्र एव नोऽप्यस्त्वित्यंब्रुवन्। तेभ्यं एतद्भांगुधेयं प्रायंच्छन्। यद्भुत्वा निमार्ष्टि। ततो वै त ओषंधीरस्वदयन्। य एवं वेदं॥२॥

स्वदंन्तेऽस्मा ओषंधयः। ते वृथ्समुपावांसृजन्। इदं नों हृव्यं प्रदांपयेतिं। सौंऽब्रवीद्वरं वृणै। दशं मा रात्रींर्जातं न दोहन्। आसङ्गवं मात्रा सह चंराणीतिं। तस्माद्वथ्सं जातं दश् रात्रीर्न दुंहन्ति। आसङ्गवं मात्रा सह चंरति। वारेवृत्र् ह्यंस्य। तस्माद्वथ्स र सर्रसृष्टध्यर रुद्रो घातुंकः। अति हि सन्धान्धयंति॥३॥ प्रजापंतिर्िम्रमंसृजत। तं प्रजा अन्वंसृज्यन्त। तमंभाग उपास्त। सोंऽस्य प्रजाभिरपाकामत्। तमंवरुरुंथ्समानोऽन्वैत्। तमंवरुधं नाशंक्रोत्। स तपोंऽतप्यत। सोंऽिग्नरुपारम्तातांपि वै स्य प्रजापंतिरिति। स र्राटादुदंमृष्ट॥४॥

तद्घृतमंभवत्। तस्माद्यस्यं दक्षिणतः केशा उन्मृंष्टाः। ताञ्चेष्ठलक्ष्मी प्रांजापत्येत्यांहुः। यद्रराटांदुदमृष्ट। तस्मांद्रराटे केशा न संन्ति। तद्ग्रो प्रागृंह्णात्। तद्यंचिकिथ्सत्। जुहवानी(३) मा हौषा(३)मितिं। तद्विंचिकिथ्सायै जन्मं। य एवं विद्वान् विचिकिथ्संति॥५॥

वसीय पुव चेतयते। तं वाग्भ्यंवदञ्जुहुधीतिं। सौंऽब्रवीत्। कस्त्वम्सीतिं। स्वैव ते वागित्यंब्रवीत्। सोंऽजुहोथ्स्वाहेतिं। तथ्स्वाहाका्रस्य जन्मं। य पुवङ्स्वाहाका्रस्य जन्म वेदं। क्रोतिं स्वाहाका्रेणं वीर्यम्। यस्यैवं विदुषंः स्वाहाका्रेण जुह्वंति॥६॥

भोगांयैवास्यं हुतं भंवति। तस्या आहंत्यै पुरुषमसृजत। द्वितीयंमजुहोत्। सोऽश्वंमसृजत। तृतीयंमजुहोत्। स गामंसृजत। चृतुर्थमंजुहोत्। सोऽविंमसृजत। पृश्र्ममंजुहोत्। सोंऽजामं-सृजत॥७॥

सौंऽग्निरंबिभेत्। आहुंतीभिवें माँऽऽप्रोतीतिं। स प्रजापंतिं

पुनः प्राविंशत्। तं प्रजापंतिरब्रवीत्। जायस्वेतिं। सौंऽब्रवीत्। किं भागधेयम्भि जंनिष्य इतिं। तुभ्यंमेवेद हूंयाता इत्यंब्रवीत्। स एतद्भागधेयंमभ्यंजायत। यदंग्निहोत्रम्॥८॥

तस्मांदग्निहोत्रमुंच्यते। तद्ध्यमांनमादित्यों ऽब्रवीत्। मा हौंषीः। उभयोर्वे नांवेतदितिं। सोंऽग्निरंब्रवीत्। कथं नौं होष्यन्तीतिं। सायमेव तुभ्यं जुहवन्ं। प्रातर्मह्यमित्यंब्रवीत्। तस्मांदग्नये सायश्हेयते। सूर्याय प्रातः॥९॥

आग्नेयी वै रात्रिः। ऐन्द्रमहंः। यदनुंदिते सूर्ये प्रातर्जुहुयात्। उभयंमेवाग्नेयः स्यात्। उदिते सूर्ये प्रातर्जुहोति। तथाऽग्नयं सायः हूंयते। सूर्याय प्रातः। रात्रिं वा अनुं प्रजाः प्र जांयन्ते। अह्या प्रतिं तिष्ठन्ति। यथ्सायं जुहोति॥१०॥

प्रैव तेनं जायते। उदिंते सूर्यं प्रातर्जुहोति। प्रत्येव तेनं तिष्ठति। प्रजापंतिरकामयत् प्रजायेयेति। स एतदंग्निहोत्रं मिथुनमंपश्यत्। तदुदिंते सूर्यंऽजुहोत्। यजुंषाऽन्यत्। तूष्णीमन्यत्। ततो वै स प्राजांयत। यस्यैवं विदुष उदिंते सूर्यंऽग्निहोत्रं जुह्वंति॥११॥

प्रैव जांयते। अथो यथा दिवाँ प्रजानन्नेति। ताहगेव तत्। अथो खल्वांहुः। यस्य वै द्वौ पुण्यौ गृहे वसंतः। यस्तयोरन्य र राधयंत्यन्यं न। उमौ वाव स तावृंच्छुतीतिं। अग्निं वावाऽऽदित्यः सायं प्र विंशति। तस्मांद्रिप्रदूरान्नक्तं दद्दशे। उभे हि तेर्जसी सम्पद्येते॥१२॥

उद्यन्तं वावाऽऽदित्यम्ग्निरन् स्मारोहित। तस्माँखू्म एवाग्नेर्दिवां दहशे। यद्ग्नयें सायं जुंहुयात्। आ सूर्याय वृश्च्येत। यथ्सूर्याय प्रातर्जुहुयात्। आऽग्नयें वृश्च्येत। देवताँभ्यः स्मदं दथ्यात्। अग्निज्योतिज्योतिः सूर्यः स्वाहेत्येव साय॰ होत्व्यम्। सूर्यो ज्योतिज्योतिर्ग्निः स्वाहेतिं प्रातः। तथोभाभ्या साय॰ हूंयते॥१३॥

उभाभ्यां प्रातः। न देवतांभ्यः समदं दधाति। अग्निज्यांति-रित्यांह। अग्निर्वे रेतोधाः। प्रजा ज्योतिरित्यांह। प्रजा एवास्मै प्र जनयति। सूर्यो ज्योतिरित्यांह। प्रजास्वेव प्रजांतासु रेतो दधाति। ज्योतिराग्निः स्वाहेत्यांह। प्रजा एव प्रजांता अस्यां प्रति-ष्ठापयति॥१४॥

तूष्णीमुत्तंरामाहंतिं जुहोति। मिथुन्त्वाय् प्रजाँत्ये। यदुदिते सूर्यं प्रातर्जुहुयात्। यथाऽतिथये प्रद्वंताय शून्यायांवस्थायांहार्यर्थं हरंन्ति। ताहगेव तत्। क्वाऽऽह् तत्स्तद्भवतीत्यांहुः। यथ्स न वेदं। यस्मे तद्धरन्तीतिं। तस्माद्यदौष्मं जुहोतिं। तदेव संम्प्रति। अथो यथा प्रार्थमौष्मं पंरिवेवेष्टि। ताहगेव तत्॥१५॥ अमृष्ट विचिकिथ्संति जुह्वंत्यजामंस्जताग्निहोत्रर सूर्याय प्रातर्जुहोति जुह्वंति सम्प्रदेते हूयते स्थापयित सम्प्रति ह्वे चं॥———[२]

रुद्रो वा एषः। यद्ग्निः। पर्नी स्थाली। यन्मध्येऽग्नेरंधिश्रयेत्। रुद्राय पत्नीमपि दध्यात्। प्रमायंका स्यात्। उदीचोऽङ्गांरान्निरूह्याधि श्रयति। पत्नियै गोपीथायं। व्यन्तान्करोति। तथा पत्यप्रमायुका भवति॥१६॥

घुर्मो वा पुषोऽशाँन्तः। अहंरहः प्र वृंज्यते। यदंग्निहोत्रम्। प्रतिषिञ्चेत्पशुकांमस्य। शान्तिमिव हि पंश्व्यम्। न प्रति-षिञ्चेद्गसवर्चसकांमस्य। समिद्धमिव हि ब्रंह्मवर्चसम्। अथो खलुं। प्रतिषिच्यंमेव। यत्प्रंतिषिञ्चति॥१७॥

तत्पंश्व्यम्। यञ्जुहोति। तद्बंह्मवर्चसि। उभयंमेवाकः। प्रच्युंतं वा एतद्स्माल्लोकात्। अर्गतं देवलोकम्। यच्छृतः ह्विरनंभिघारितम्। अभि द्योतयित। अभ्येवैनंद्घारयित। अथो देवत्रैवैनंद्रमयित॥१८॥

पर्यम्नि करोति। रक्षंसामपंहत्यै। त्रिः पर्यम्नि करोति। त्र्यांवृद्धि यज्ञः। अथो मेध्यत्वायं। यत्प्राचीनंमुद्धासर्यंत्। यजंमान शुचा-ऽपंयेत्। यद्दंक्षिणा। पितृदेवत्य ई स्यात्। यत्प्रत्यक्॥१९॥

पत्नीर्र शुचाऽपयेत्। उदीचीन्मुद्वांसयित। एषा वै देवमनुष्याणार्र शान्ता दिक्। तामेवैन्दनूद्वांसयित शान्त्यै। वर्त्म करोति। यज्ञस्य सन्तंत्यै। निष्टंपित। उपैव तथ्स्तृंणाित। चतुरुन्नंयित। चतुंष्पादः पृशवंः॥२०॥ पृश्नेवावं रुन्थे। सर्वांन्यूर्णानुन्नंयति। सर्वे हि पुण्यां राद्धाः। अनूच उन्नंयति। प्रजायां अनूचीनृत्वायं। अनूच्येवास्यं प्रजाऽर्धुंका भवति। सम्मृंशित व्यावृत्त्ये। नाहौष्यन्नुपं सादयेत्। यदहौष्यनुपसादयैत्। यथाऽन्यस्मां उपनिधायं॥२१॥

अन्यस्मैं प्रयच्छंति। ताहगेव तत्। आऽस्मैं वृश्च्येत। यदेव गार्हंपत्येऽधि श्रयंति। तेन गार्हंपत्यं प्रीणाति। अग्निरंबिभेत्। आहुंतयो माऽत्येष्यन्तीति। स एता स्मिधंमपश्यत्। तामाऽधंत्त। ततो वा अग्नावाहंतयोऽध्रियन्त॥२२॥

यदेन १ समयंच्छत्। तथ्समिधंः सिम्त्वम्। सिमध्मा दंधाति। सम्वेनं यच्छति। आहंतीनां धृत्यै। अथों अग्निहोत्रम्वेध्मवंत्करोति। आहंतीनां प्रतिष्ठित्यै। ब्रह्मवादिनों वदन्ति। यदेका १ सिमधंमाधाय द्वे आहंती जुहोतिं। अथ् कस्या १ सिमधं द्वितीयामाहंतिं जुहोतीति॥२३॥

यद्वे स्मिधांवा द्ध्यात्। भ्रातृंव्यमस्मै जनयेत्। एका इस्मिधंमाधायं। यजुंषाऽन्यामाहुंतिं जुहोति। उभे एव स्मिद्धंती आहुंती जुहोति। नास्मै भ्रातृंव्यं जनयित। आदीं प्रायां जुहोति। समिद्धमिव हि ब्रंह्मवर्चसम्। अथो यथाऽतिंथिं ज्योतिंष्कृत्वा पंरि वेवैष्टि। ताहगेव तत्। चतुरुन्नंयित। द्विर्जुहोति। तस्मांद्विपाचतुंष्पादमत्ति। अथौं द्विपद्येव चतुंष्पदः प्रतिष्ठापयित॥२४॥

भ्वति प्रतिषिश्चतिं गमयति प्रत्यक्पृशवं उपनिधायाँ प्रियन्तेति तच्वत्वारिं च॥

उत्तरावंतीं वै देवा आहंतिमजुंहवुः। अवांचीमसुंराः। ततों देवा अभंवन्। पराऽसुंराः। यं कामयेत् वसीयान्थ्स्यादितिं। कनीयस्तस्य पूर्वर्ष हुत्वा। उत्तरं भूयों जुहुयात्। एषा वा उत्तरावृत्याहंतिः। तान्देवा अंजुहवुः। ततस्तेऽभवन्॥२५॥

यस्यैवं जुह्नंति। भवंत्येव। यं कामयंत् पापीयान्थस्यादितिं। भूयस्तस्य पूर्वर्षं हुत्वा। उत्तरं कनीयो जुहुयात्। एषा वा अवाच्याहुंतिः। तामसुंरा अजुहवुः। तत्स्ते परांऽभवन्। यस्यैवं जुह्नंति। परेव भवति॥२६॥

हुत्वोपं सादयत्यजांमित्वाय। अथो व्यावृत्त्यै। गार्हंपत्यं प्रतीक्षते। अनंनुध्यायिनमेवैनं करोति। अग्निहोत्रस्य वै स्थाणुरंस्ति। तं य ऋच्छेत्। युज्ञस्थाणुमृच्छेत्। एष वा अग्निहोत्रस्यं स्थाणुः। यत्पूर्वाऽऽहुंतिः। तां यदुत्तंरयाऽभि जुंहुयात्॥२७॥

यज्ञस्थाणुमृंच्छेत्। अतिहाय पूर्वामाहुंतिं जुहोति। यज्ञस्थाणुमेव परिं वृणक्ति। अथो भ्रातृंव्यमेवास्वाऽतिं क्रामित। अवाचीनर्ं सायमुपंमार्ष्टि। रेतं एव तद्दंधाति। ऊर्ध्वं प्रातः। प्र जनयत्येव तत्। ब्रह्मवादिनों वदन्ति। चृतुरुन्नंयति॥२८॥

द्विर्जुहोति। अथ कं द्वे आहुंती भवत् इति। अग्नौ वैश्वान्र इति

**-**[૪]

ब्र्यात्। एष वा अग्निर्वैश्वान्रः। यद्ग्राँह्मणः। हुत्वा द्विः प्राश्ञांति। अग्नावेव वैश्वान्रे द्वे आहुंती जुहोति। द्विर्जुहोति। द्विर्निमाँर्ष्टि। द्विः प्राश्ञांति॥२९॥

षद्थ्सम्पंद्यन्ते। षड्वा ऋतवंः। ऋतूनेव प्रीणाति। ब्रह्मवादिनीं वदन्ति। किं देवत्यंमग्निहोत्रमितिं। वैश्वदेवमितिं ब्रूयात्। यद्यजुंषा जुहोतिं। तदैन्द्राग्नम्। यत्तूष्णीम्। तत्प्रांजापत्यम्॥३०॥

यन्निमार्ष्टि। तदोषंधीनाम्। यद्वितीयम्। तत्पंतृणाम्। यत्प्राश्ञांति। तद्गर्भांणाम्। तस्माद्गर्भा अनंश्ञन्तो वर्धन्ते। यदाचामंति। तन्मंनुष्यांणाम्। उदंङ्वर्यावृत्याचांमति॥३१॥

आत्मनों गोपीथायं। निर्णेनेक्ति शुद्धौं। निष्टंपित स्वगाकृंत्यै। उद्दिंशति। सप्तर्षीनेव प्रीणाति। दक्षिणा पर्यावंति। स्वमेव वीर्यमनुं पूर्यावंति। तस्माद्दक्षिणोऽर्ध आत्मनों वीर्यावत्तरः। अथों आदित्यस्यैवावृत्मनुं पूर्यावंति। हुत्वोप् सिनन्धे॥३२॥

ब्रह्मवर्चसस्य समिष्ट्यै। न ब्र्हिरनु प्र हरेत्। असईस्थितो वा एष युज्ञः। यदंग्निहोत्रम्। यदंनु प्रहरेत्। युज्ञं विच्छिन्द्यात्। तस्मान्नानुं प्रहृत्यम्। युज्ञस्य सन्तंत्यै। अपो नि नयिति। अव्भृथस्यैव रूपमंकः॥३३॥ अभवन्भवति जुहुयान्नंयति मार्ष्टि द्विः प्राश्नांति प्राजापुत्यमाचांमतीन्थे- ब्रह्मवादिनों वदन्ति। अग्निहोत्रप्रांयणा युज्ञाः। किं प्रांयणमग्निहोत्रमितिं। वृथ्सो वा अग्निहोत्रस्य प्रायंणम्। अग्निहोत्रं यज्ञानाम्। तस्यं पृथिवी सदंः। अन्तरिक्षमाग्नींद्धम्। द्यौर्हंविर्धानम्ं। दिव्या आपुः प्रोक्षंणयः। ओषंधयो बुर्हिः॥३४॥

वनस्पतंय इध्मः। दिशः परिधयः। आदित्यो यूपः। यजंमानः पृशुः। समुद्रोऽवभृथः। संवथ्सरः स्वंगाकारः। तस्मादाहिताग्रेः सर्वमेव बर्हिष्यं दत्तं भंवति। यथ्सायं जुहोतिं। रात्रिमेव तेनं दक्षिण्यां कुरुते। यत्प्रातः॥३५॥

अहंरेव तेनं दक्षिण्यं कुरुते। यत्ततो ददांति। सा दक्षिणा। यावंन्तो वै देवा अहंतमादन्। ते परांऽभवन्। त एतदंग्निहोत्रश् सर्वस्यैव संमवदायां जुहवुः। तस्मांदाहुः। अग्निहोत्रं वै देवा गृहाणां निष्कृतिमपश्यन्नितिं। यथ्सायं जुहोतिं। रात्रिया एव तद्धुताद्यांय॥३६॥

यजंमान्स्यापंराभावाय। यत्प्रातः। अह्नं एव तद्धुताद्यांय। यजंमान्स्यापंराभावाय। यत्ततोऽश्ञातिं। हुतमेव तत्। द्वयोः पर्यसा जुहुयात्पृशुकांमस्य। एतद्वा अग्निहोत्रं मिथुनम्। य एवं वेदं। प्र प्रजयां पृशुभिंमिथुनैर्जायते॥३७॥

इमामेव पूर्वया दुहे। अमूमुत्तंरया। अधिश्रित्योत्तंरमा नंयति।

योनांवेव तद्रेतः सिश्चति प्रजनंने। आज्येन जुहुयात्तेजंस्कामस्य। तेजो वा आज्यम्। तेजस्व्येव भवति। पर्यसा पृशुकांमस्य। एतद्वै पंशुना रूपम्। रूपेणैवास्मै पशुनवं रुन्धे॥३८॥

पृशुमानेव भंवति। द्ध्नेन्द्रियकांमस्य। इन्द्रियं वै दिधं। इन्द्रियाव्येव भंवति। युवाग्वां ग्रामंकामस्योष्धा वै मंनुष्याः। भागधेयेनैवास्में सजातानवं रुन्धे। ग्राम्थेव भंवति। अयंज्ञो वा एषः। योऽसामा॥३९॥

चृतुरुन्नयति। चतुंरक्षर रथन्तरम्। र्थन्तरस्यैष वर्णः। उपरीव हरति। अन्तरिक्षं वामदेव्यम्। वामदेव्यस्यैष वर्णः। द्विर्जुहोति। द्वांक्षरं बृहत्। बृह्त एष वर्णः। अग्निहोत्रमेव तथ्सामंन्वत्करोति॥४०॥

यो वा अंग्निहोत्रस्योप्सदो वेदं। उपैनमुप्सदों नमन्ति। विन्दतं उपस्तारम्। उन्नीयोपं सादयति। पृथिवीमेव प्रींणाति। होष्यन्नुपंसादयति। अन्तरिक्षमेव प्रींणाति। हुत्वोपं सादयति। दिवंमेव प्रींणाति। एता वा अंग्निहोत्रस्योपसदंः॥४१॥

य एवं वेदं। उपैनमुप्सदों नमन्ति। विन्दतं उपस्तारम्। यो वा अग्निहोत्रस्याश्रांवितं प्रत्याश्रांवित् होतांरं ब्रह्माणं वषद्भारं वेदं। तस्य त्वेंव हुतम्। प्राणो वा अग्निहोत्रस्याश्रांवितम्। अपानः प्रत्याश्रांवितम्। मनो होतां। चक्षुंर्ब्रह्मा। निमेषो वंषद्कारः॥४२॥ य एवं वेदं। तस्य त्वंव हुतम्। सायं यावांनश्च वै देवाः प्रांत्यांवांणश्चाग्निहोत्रिणों गृहमागंच्छन्ति। तान् यन्न तर्पयेत। प्रजयांऽस्य पृशुभिविं तिष्ठेरन्। यत्तर्पयेत्। तृप्ता एंनं प्रजयां पृशुभिंस्तर्पयेयुः। सजूर्देवैः सायं यावंभिरितिं साय सम्मृशित। सजूर्देवैः प्रातर्यावंभिरितिं प्रातः। ये चैव देवाः सायं यावांनो ये च प्रातर्यावांणः॥४३॥

तानेवोभया ईस्तर्पयति। त एनं तृप्ताः प्रजयां पृश्भिस्तर्प-यन्ति। अरुणो हं स्माहौपविशिः। अग्निहोत्र एवाह स्मायं प्रात्विं अग्नित्वेभ्यः प्र हंरामि। तस्मान्मत्पापीया स्मो आतृ्व्या इति। चतुरुत्त्रंयति। द्विर्जुहोति। समिथ्संप्तमी। सप्तपदा शक्तरी। शाक्तरो वर्ज्यः। अग्निहोत्र एव तथ्सायं प्रात्विं यजमानो आतृ्व्याय प्र हंरति। भवत्यात्मना। पराऽस्य आतृ्व्यो भवति॥४४॥ बर्हाः प्रात्रहुताद्यांय जायते रुन्धेऽसामा करोत्येता वा अग्निहोत्रस्योपसदो वपद्वारश्चं प्रात्वांणो वज्रस्रीणं च॥————[६]

प्रजापंतिरकामयताऽऽत्मृन्वन्मं जायेतेति। सोऽजुहोत्। तस्याऽऽत्मृन्वदंजायत। अग्निर्वायुरांदित्यः। तेंऽब्रुवन्। प्रजापंतिर-होषीदात्मृन्वन्मं जायेतेति। तस्यं वयमंजनिष्महि। जायंतान्न आत्मृन्वदिति तेंऽजुहवुः। प्राणानांमृग्निः। तनुवै वायुः॥४५॥

चक्षुंष आदित्यः। तेषार् हुतादंजायत् गौरेव। तस्यै पर्यसि व्यायंच्छन्त। ममं हुतादंजिन् ममेतिं। ते प्रजापंतिं प्रश्नमायन्। स आंदित्यौंऽग्निमंब्रवीत्। युत्रो नौ जयाँत्। तन्नौं सहास्दितिं। कस्यै कोऽहौषीदितिं प्रजापंतिरब्रवीत्कस्यै कु इति। प्राणानांमहिमत्यग्निः॥४६॥

त्नुवां अहमितिं वायुः। चक्षुंषोऽहमित्यांदित्यः। य एव प्राणानामहोषीत्। तस्यं हुतादंजनीतिं। अग्नेर्हुतादंजनीतिं। तदंग्निहोत्रस्यांग्निहोत्रत्वम्। गौर्वा अग्निहोत्रम्। य एवं वेद गौरंग्निहोत्रमितिं। प्राणापानाभ्यांमेवाग्निः समर्थयति। अव्यर्धुकः

प्राणापानाभ्यां भवति॥४७॥

य एवं वेदं। तौ वायुरंब्रवीत्। अनु मा भंजत्मितिं। यदेव
गारहंपत्येऽधिश्रित्यांहवनीयंमभ्यंहवानं। तेन त्वां प्रीणानित्यंबताम।

गार्हंपत्येऽधिश्रित्यांहवनीयंम्भ्युंद्रवान्। तेन् त्वां प्रीणानित्यंब्रूताम्। तस्माद्यद्गार्हंपत्येऽधिश्रित्यांहवनीयंम्भ्युंद्रवंति। वायुमेव तेनं प्रीणाति। प्रजापंतिर्देवताः सृजमानः। अग्निमेव देवतानां प्रथममंसृजत। सौंऽन्यदांलुम्भ्यंमवित्वा॥४८॥

प्रजापंतिम्भि पूर्यावंतित। स मृत्योरंबिभेत्। सोंऽमुमांदित्य-मात्मनो निरंमिमीत। त॰ हुत्वा परांं बुर्यावंतित। ततो वै स मृत्युमपांजयत्। अपं मृत्युं जयिति। य पृवं वेदं। तस्माद्यस्यैवं विदुषंः। उतैकाहमुत ब्यहं न जुह्वंति। हुतमेवास्यं भविति। असौ ह्यांदित्योंंऽग्निहोत्रम्॥४९॥

त्नुवै वायुर्गिर्भवत्यवित्वा भवत्येकं च॥———[६] रौद्रं गविं। वायव्यंमुपंसृष्टम्। आश्विनं दुह्यमानम्। सौम्यं

दक्षिणत उपं सृजित। पितृलोकमेव तेनं जयित। प्राचीमा वर्तयित। देवलोकमेव तेनं जयित। उदींचीमावृत्यं दोग्धि। मनुष्यलोकमेव तेनं जयित। पूर्वो दुह्याञ्चेष्ठस्यं ज्यैष्ठिनेयस्यं। यो वां गृतश्रीः स्यात्। अपंरौ दुह्यात्किनिष्ठस्यं कानिष्ठिनेयस्यं। यो वा बुभृषेत्॥५१॥

न सं मृंशति। पापवस्यसस्य व्यावृंत्यै। वायव्यं वा एतदुपंसृष्टम्। आश्विनं दुह्ममानम्। मैत्रं दुग्धम्। अर्यम्ण उद्वास्यमानम्। त्वाष्ट्रमुंत्रीयमानम्। बृह्स्पतेरुत्रीतम्। स्वितुः प्रक्रौन्तम्। द्यावापृथिव्यः हियमाणम्॥५२॥

ऐन्द्राग्नमुपं सादितम्। सर्वांभ्यो वा एष देवतांभ्यो जुहोति। योंऽग्निहोत्रं जुहोति। यथा खलु वै धेनुं तीर्थे तुर्पयति। एवमंग्निहोत्री यजमानं तर्पयति। तृप्यंति प्रजयां पृशुभिः। प्र सुंवर्गं लोकं जानाति। पश्यंति पुत्रम्। पश्यंति पौत्रम्। प्र प्रजयां पृशुभिर्मिथुनैर्जायते। यस्यैवं विदुषौँऽग्निहोत्रं जुह्वंति। य उं चैनदेवं वेदं॥५३॥

बुभूंषेद्ध्यिमाणआयते द्वे चं॥———[८] त्रयो वै प्रैयमेधा आंसन्। तेषां त्रिरेकौंऽग्निहोत्रमंजुहोत्। द्विरेकंः। स्कृदेकंः। तेषां यिश्वरजुंहोत्। स ऋचाऽजुंहोत्। यो द्विः। स यजुंषा। यः स्कृत्। स तूष्णीम्॥५४॥

यश्च यजुषाऽजुंहोद्यश्चं तूष्णीम्। तावुभावाँर्धृताम्। तस्माद्यजुषाऽऽहुंतिः पूर्वा होत्वयाँ। तूष्णीमृत्तरा। उभे एवधी अवं रुन्थे। अग्निज्योतिर्ज्योतिरग्निः स्वाहेतिं सायं जुंहोति। रेतं एव

तद्दंधाति। सूर्यो ज्योतिज्योतिः सूर्यः स्वाहेतिं प्रातः। रेतं एव हितं प्र जनयति। रेतो वा एतस्यं हितं न प्र जांयते॥५५॥

यस्यौग्निहोत्रमहुंत्र् सूर्योऽभ्युंदेतिं। यद्यन्ते स्यात्। उन्नीय् प्राङ्क् दाद्रंवेत्। स उपसाद्यातमितोरासीत। स यदा ताम्यैत्। अथ् भूः स्वाहेतिं जुहुयात्। प्रजापंतिर्वे भूतः। तमेवोपांसरत्। स एवैनं तत् उन्नयति। नार्तिमार्च्छति यजमानः॥५६॥
तूणीं जांयते यजमानः॥———[९]

यद्ग्रिमुद्धरंति। वसंवस्तर्ह्यग्निः। तस्मिन् यस्य तथांविधे जुह्नंति। वसुंष्वेवास्यांग्निहोत्रः हुतं भंवति। निहिंतो धूपायञ्छेते। रुद्रास्तर्ह्यग्निः। तस्मिन् यस्य तथांविधे जुह्नंति। रुद्रेष्वेवास्यांग्निहोत्रः हुतं भंवति। प्रथमिम्धममुर्चिरा लेभते। आदित्यास्तर्ह्यग्निः॥५७॥

तस्मिन् यस्य तथांविधे जुह्वंति। आदित्येष्वेवास्याँग्निहोत्र हुतं भंवति। सर्व एव संवृंश इध्म आदींतो भवति। विश्वं देवास्तर्द्धाग्निः। तस्मिन् यस्य तथांविधे जुह्वंति। विश्वंष्वेवास्यं देवेष्वंग्निहोत्र हुतं भंवति। नित्रमर्चिरुपावैति लोहिनीकेव भवति। इन्द्रस्तर्द्धाग्निः। तस्मिन् यस्य तथांविधे जुह्वंति। इन्द्रं एवास्याँग्निहोत्र हुतं भंवति॥५८॥

अङ्गारा भवन्ति। तेभ्योऽङ्गारेभ्योऽर्चिरुदेति। प्रजापंति-स्तर्ह्याग्निः। तिस्मन् यस्य तथांविधे जुह्वंति। प्रजापंतावेवास्यांग्नि-होत्र हुतं भवति। शरोऽङ्गारा अध्यूहन्ते। ब्रह्म तर्ह्याग्निः। तिस्मन् यस्य तथांविधे जुह्वंति। ब्रह्मन्नेवास्यांग्निहोत्र हुतं भवति। वसुंषु रुद्रेष्वांदित्येषु विश्वंषु देवेषुं। इन्द्रे प्रजापंतौ ब्रह्मन्ं। अपरिवर्गमेवास्यैतासुं देवतासु हुतं भवति। यस्यैवं विदुषोंऽग्निहोत्रं जुह्वंति। य उं चैनदेवं वेदं॥५९॥ आदित्यास्तर्ह्याग्निरिन्दं एवास्यांग्निहोत्र हुतं भवति देवेषुं चुत्वारिं

च (यद्ग्रिन्निहिंतः प्रथम सर्व एव निंत्रामङ्गांगः शरोऽङ्गांग् ब्रह्म वसुंष्वृष्टो॥)॥———[१०]

ऋतं त्वां सत्येन परिषिश्चामीतिं सायं परिषिश्चति। सत्यं

त्वर्तेन परिषिश्चामीतिं प्रातः। अग्निर्वा ऋतम्। असावांदित्यः सत्यम्। अग्निमेव तदांदित्येनं सायं परिषिश्चति। अग्निनांऽऽदित्यं प्रातः सः। यावंदहोरात्रे भवंतः। तावंदस्य लोकस्यं। नार्तिर्न रिष्टिः। नान्तो न पर्यन्तौंऽस्ति। यस्यैवं विदुषौंऽग्निहोत्रं जुह्वंति। य उंचैनदेवं वेदं॥६०॥

अस्ति द्वे चं॥——[११]
अङ्गिरसः प्रजापंतिरग्नि रुद्ध उत्तरावंतीं ब्रह्मवादिनौऽग्निहोत्रप्रायणा यज्ञाः प्रजापंतिरकामयता-

ऽऽत्मुन्बद्रौद्रङ्गिवं दक्षिणृतस्त्रयो वे यद्ग्निमृतं त्वां स्त्येनैकांदश॥११॥ अङ्गिरसः प्रैव तेनं पृश्नेव यत्निमार्ष्ट् यो वा अंग्निहोत्रस्योंपुसदो दक्षिणृतः पृष्टिः॥६०॥ अङ्गिरसो य उंचैनदेवं वेदं॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके प्रथमः प्रपाठकः समाप्तः॥

## ॥द्वितीयः प्रश्नः॥

#### ॥ तैत्तिरीयब्राह्मणे द्वितीयाष्टके द्वितीयः प्रपाठकः॥

प्रजापंतिरकामयत प्रजाः सृंजे्येति। स एतं दशंहोतारम-पश्यत्। तं मनंसाऽनुद्रुत्यं दर्भस्तम्बेंऽजुहोत्। ततो वै स प्रजा अंसृजत। ता अंस्माथ्सृष्टा अपाँक्रामन्। ता ग्रहेंणागृह्णात्। तद्ग्रहंस्य ग्रह्त्वम्। यः कामयेत् प्रजांये्येति। स दशंहोतारं मनंसाऽनुद्रुत्यं दर्भस्तम्बे जुंहयात्। प्रजापंतिर्वे दशंहोता॥१॥

प्रजापंतिरेव भूत्वा प्रजायते। मनंसा जुहोति। मनं इव् हि प्रजापंतिः। प्रजापंतेरास्यैं। पूर्णयां जुहोति। पूर्ण इंव् हि प्रजा-पंतिः। प्रजापंतेरास्यैं। न्यूंनया जुहोति। न्यूंनाृद्धि प्रजापंतिः प्रजा असृंजत। प्रजाना् सृष्ट्यैं॥२॥

दुर्भस्तम्बे जुंहोति। एतस्माद्वै योनैंः प्रजापंतिः प्रजा अं-सृजत। यस्मादेव योनैंः प्रजापंतिः प्रजा असृजत। तस्मादेव योनेः प्रजायते। ब्राह्मणो दक्षिणत उपास्ते। ब्राह्मणो वै प्रजानामुपद्रष्टा। उपद्रष्टुमत्येव प्रजायते। ग्रहों भवति। प्रजाना स्पृष्टानां धृत्यै। यं ब्राह्मणं विद्यां विद्वा स्मं यशो नर्च्छेत्॥३॥

सोऽरंण्यं प्रेत्यं। दुर्भस्तम्बमुद्धर्थ्यं। ब्राह्मणं दक्षिणतो निषाद्यं। चतुंर्होतृन्व्याचंक्षीत। पृतद्वै देवानां पर्मं गुह्यं ब्रह्मं। यचतुंर्होतारः। तदेव प्रकाशं गंमयति। तदेनं प्रकाशं गृतम्। प्रकाशं प्रजानां गमयति। दर्भस्तम्बमुद्गथ्य व्याचेष्टे॥४॥

अग्निवान् वै दंर्भस्तम्बः। अग्निवत्येव व्याचंष्टे। ब्राह्मणो दंक्षिणत उपास्ते। ब्राह्मणो वै प्रजानामुपद्रष्टा। उपद्रष्टुमत्येवैनं यशं ऋच्छति। ईश्वरन्तं यशोर्तोरित्यांहुः। यस्यान्ते व्याचष्ट इति। वर्स्तस्मै देयः। यदेवैनं तत्रोपनमंति। तदेवावं रुन्धे॥५॥

अग्निमादधांनो दशंहोत्राऽरिणमवं दध्यात्। प्रजांतमेवेनमा धंत्ते। तेनैवोद्गुत्यांग्निहोत्रं जुंहुयात्। प्रजांतमेवेनं ज्ञुहोति। ह्विर्निर्वृपस्यं दशंहोतारं व्याचंक्षीत। प्रजांतमेवेनं निर्वृपति। सामिधेनीरंनुवृक्ष्यं दशंहोतारं व्याचंक्षीत। सामिधेनीरेव सृष्ट्वा-ऽऽरभ्य प्रतंनुते। अथो यज्ञो व दशंहोता। यज्ञमेव तंनुते॥६॥

अभिचरं दर्शहोतारं जुहुयात्। नव् वै पुरुषे प्राणाः। नाभिदंशमी। सप्राणमेवैनम्भि चरित। एतावद्वै पुरुषस्य स्वम्। यावंत्प्राणाः। यावंदेवास्यास्ति। तद्भि चरित। स्वकृत् इरिणे जुहोति प्रदरे वा। एतद्वा अस्यै निर्ऋतिगृहीतम्। निर्ऋतिगृहीत एवेनं निर्ऋत्या ग्राहयित। यद्वाचः क्रूरम्। तेन् वर्षद्वरोति। वाच एवेनं क्रूरेण प्र वृंश्वति। ताजगार्तिमार्च्छति॥७॥ दर्शहोता मृष्ट्यां ऋच्छेद्याचंष्टे रुन्थ प्रव तेन्ते निर्ऋतिगृहीतं पश्चं च॥११

प्रजापंतिरकामयत दर्शपूर्णमासौ सृंजेयेति। स पुतं चतुंरहोतारमपश्यत्। तं मनंसाऽनुद्रुत्यांऽऽहवनीयेंऽजुहोत्। ततो वे स दंर्शपूर्णमासावंसृजतः। तावंस्माथ्सृष्टावपाँकामताम्। तौ ग्रहेंणागृह्णात्। तद्भहंस्य ग्रह्त्वम्। दुर्शपूर्णमासावालभंमानः। चतुंर्होतारं मनंसाऽनुद्रुत्यांहवनीयें जुहुयात्। दुर्शपूर्णमासावेव सृष्ट्वाऽऽरभ्य प्रतंनुते॥८॥

ग्रहों भवति। दुर्शपूर्णमासयौः सृष्टयोर्धृत्यैं। सोंऽकामयत चातुर्मास्यानिं सृजेयेति। स एतं पश्चंहोतारमपश्यत्। तं मनंसा-ऽनुद्रुत्यांऽऽहवनीयेऽजुहोत्। ततो वै स चातुर्मास्यान्यंसृजत। तान्यंस्माथ्सृष्टान्यपांकामन्। तानि ग्रहेणागृह्णात्। तद्गहंस्य ग्रह्त्वम्। चातुर्मास्यान्यालभंमानः॥९॥

पश्चंहोतार् मनंसाऽनुद्रुत्यांऽऽहवनीयं जुहुयात्। चातुर्मास्यान्येव सृष्ट्वाऽऽरभ्य प्रतंनुते। ग्रहों भवति। चातुर्मास्यानारं सृष्टानां धृत्यैं। सोंऽकामयत पशुबन्धर सृंजेयेति। स एतर पह्वांतारमपश्यत्। तं मनंसाऽनुद्रुत्यांऽऽहवनीयंऽजुहोत्। ततो वै स पंशुबन्धमंसृजत। सोंस्माथ्सृष्टोऽपांकामत्। तं ग्रहेणागृह्णात्॥१०॥

तद्ग्रहंस्य ग्रह्त्वम्। पृशुबन्धेनं युक्ष्यमाणः। षङ्कोतारं मनंसा-ऽनुद्गुत्यांऽऽहवनीयें जुहुयात्। पृशुबन्धमेव सृष्ट्वाऽऽरभ्य प्र तंनुते। ग्रहों भवति। पृशुबन्धस्यं सृष्टस्य धृत्यै। सोऽकामयत सौम्यमध्वर सृंजेयेति। स एत स्महोतारमपश्यत्। तं मनंसा-ऽनुद्गुत्यांऽऽहवनीयेऽजुहोत्। ततो वै स सौम्यमध्वरमंसृजत॥११॥ ग्रह्त्वम्। दीक्षिष्यमाणः। सप्तहीतार् मनसाऽनुद्रुत्योऽऽहव्नीये जुहुयात्। सौम्यमेवाध्वर स्षृष्ट्वाऽऽरभ्य प्र तंनुते। ग्रही भवति। सौम्यस्यौध्वरस्यं सृष्टस्य धृत्यै। देवेभ्यो वै यज्ञो न प्राभवत्। तमेताव्च्छः समभरन्॥१२॥

सों ऽस्माथ्सृष्टोऽपां ऋामत्। तं ग्रहें णागृह्णात्। तद्ग्रहंस्य

यथ्संम्भाराः। ततो वै तेभ्यों युज्ञः प्राभंवत्। यथ्संम्भारा भवंन्ति। युज्ञस्य प्रभूँत्ये। आतिथ्यमासाद्य व्याचंष्टे। युज्जमुखं वा आतिथ्यम्। मुख्त एव युज्ञः सम्भृत्य प्र तंनुते। अयंज्ञो वा एषः। योऽपृत्नीकः। न प्रजाः प्रजांयेरन्। पत्नीर्व्याचंष्टे। युज्ञमेवाकः। प्रजानां प्रजनंनाय। उपसथ्सु व्याचंष्टे। एतद्वे पत्नीनामायतंनम्। स्व पुवैनां आयत्नेऽवंकल्पयिति॥१३॥ तुनुत आलभंमानोऽगृह्णादसृजताभरआयेर्न्थ्यद्वं॥————[२]

प्रजापंतिरकामयत् प्रजाययेति। स तपोऽतप्यत। स त्रिवृत् स्तोममसृजत। तं पश्चद्शः स्तोमो मध्यत उदंतृणत्। तौ पूर्वपक्षश्चापरपृक्षश्चाभवताम्। पूर्वपृक्षं देवा अन्वसृंज्यन्त। अपरपृक्षमन्वसुंराः। ततो देवा अभवन्। पराऽसुंराः। यं कामयेत् वसीयान्थ्स्यादिति॥१४॥

तं पूँर्वपृक्षे यांजयेत्। वसीयानेव भंवति। यं कामयेत् पापीयान्थ्स्यादिति। तमंपरपृक्षे यांजयेत्। पापीयानेव भंवति। तस्मौत्पूर्वपृक्षोऽपरपृक्षात्कंरुण्यंतरः। प्रजापंतिर्वे दशंहोता। चतुंरहोता पश्चहोता। षड्ढोता सप्तहोता। ऋतवंः संवथ्सरः॥१५॥

प्रजाः पृशवं इमे लोकाः। य एवं प्रजापंतिं बहोर्भूयार्रसं वेदं। बहोरेव भूयाँन्भवति। प्रजापंतिर्देवासुरानंसृजतः। स इन्द्रमिष् नासृजतः। तं देवा अंब्रुवन्। इन्द्रं नो जन्येतिं। सौंऽब्रवीत्। यथाऽहं युष्माङ्स्तप्साऽसृक्षिः। एविमन्द्रं जनयध्वमितिं॥१६॥

ते तपोंऽतप्यन्त। त आत्मन्निन्द्रंमपश्यन्। तमंब्रुवन्। जायुस्वेतिं। सोंऽब्रवीत्। किं भांगुधेयंमुभि जंनिष्य इतिं। ऋतून्थ्यांवथ्युरम्। प्रजाः पृशून्। इमाँ ह्योकानित्यंब्रुवन्। तं वै माऽऽहुंत्या प्र जंनयुतेत्यंब्रवीत्॥१७॥

तं चतुंर्होत्रा प्राजंनयन्। यः कामयेत वीरो म् आजांयेतेति। स चतुंर्होतारं जुहुयात्। प्रजापंतिर्वे चतुंर्होता। प्रजापंतिरेव भूत्वा प्रजायते। जजन्दिन्द्रंमिन्द्रियाय स्वाहेति ग्रहेण जुहोति। आऽस्यं वीरो जांयते। वीर॰ हि देवा एतयाऽऽहुंत्या प्राजंनयन्। आदित्याश्चाङ्गिरसश्च सुवर्गे लोकैंऽस्पर्धन्त। व्यं पूर्वे सुवर्गं लोकमिंयाम व्यं पूर्व इति॥१८॥

त आंदित्या पृतं पश्चंहोतारमपश्यन्। तं पुरा प्रांतरन्-वाकादाग्नींध्रेऽजुहवुः। ततो वै ते पूर्वे सुवर्गं लोकमायन्। यः सुवर्गकामः स्यात्। स पश्चंहोतारं पुरा प्रांतरनुवाकादाग्नींध्रे जुहुयात्। सुंवथ्सरो वै पश्चंहोता। सुंवथ्सरः सुंवर्गो लोकः। संवथ्सर एवर्तुषुं प्रतिष्ठायं। सुवर्गं लोकमेंति। तेंंऽब्रुवन्निङ्गंरस आदित्यान्॥१९॥

कं स्था कं वः सुद्धो हृव्यं वंक्ष्याम् इतिं। छुन्दः स्वित्यंब्रुवन्। गायत्रियां त्रिष्ठुभि जगत्यामितिं। तस्माच्छन्दः सु सुद्धा आदित्येभ्यः। आङ्गीरसीः प्रजा हृव्यं वहन्ति। वहन्त्यस्मै प्रजा बुलिम्। ऐन्मप्रंतिख्यातं गच्छति। य एवं वेदं। द्वादंश्मासाः पश्चर्तवंः। त्रयं इमे लोकाः। असावादित्य एकविष्शः। पृतस्मिन्वा एष श्रितः। पृतस्मिन्प्रतिष्ठितः। य पृवमेतः श्रितं प्रतिष्ठितं वेदं। प्रत्येव तिष्ठति॥२०॥

स्यादितिं संवथ्सरो जंनयध्वमितीत्यंब्रवीत्पूर्व इत्यांदित्यानृतवः षद्वं॥—[३] प्रजापंतिरकामयत् प्रजायेयेतिं। स एतं दशंहोतारमपश्यत्। तेनं दशधाऽऽत्मानं विधायं। दशंहोत्राऽतप्यत। तस्य चित्तिः

स्रुगासीत्। चित्तमाज्यम्। तस्यैतावंत्येव वागासीत्। पृतावान् यज्ञऋतुः। स चतुंर्होतारमसृजत। सोंऽनन्दत्॥२१॥

असृंक्षि वा इमिमितिं। तस्य सोमों ह्विरासींत्। स चतुंर्होत्राऽतप्यत। सोंऽताम्यत्। स भूरिति व्याहंरत्। स भूमिंम-सृजत। अग्निहोत्रं दंर्शपूर्णमासौ यजूर्ंषि। स द्वितीयंमतप्यत। सोंऽताम्यत्। स भुव इति व्याहंरत्॥२२॥

सौंऽन्तरिक्षमसृजत। चातुर्मास्यानि सामानि। स तृतीयंमतप्यत। सोंऽताम्यत्। स सुविरिति व्याहंरत्। स ड्मे लोकाः। इमान्खलु वै लोकानन् प्रजाः पृशवृश्छन्दार्सस् प्राजायन्त। य एवमेताः प्रजापेतेः प्रथमा व्याहृंतीः प्रजाता वेदं॥२३॥

दिवंमसृजत। अग्निष्टोममुक्थ्यंमतिरात्रमृचंः। एता वै व्याहृंतय

द्वितीयः प्रश्नः

प्र प्रजयां पृश्भिर्मिथुनैर्जायते। स पश्चंहोतारमसृजत। स ह्विर्नाविन्दत। तस्मै सोमंस्तुनुवं प्रायंच्छत्। पृतत्तं ह्विरितिं। स पश्चंहोत्राऽतप्यत। सोऽताम्यत्। स प्रत्यङ्कंबाधत। सोऽसुंरानसृजत। तदस्याप्रिंयमासीत॥२४॥

तद्दुर्वर्ण् हरेण्यमभवत्। तद्दुर्वर्णस्य हिरेण्यस्य जन्मं। स द्वितीयंमतप्यतः। सोऽताम्यत्। स प्राङंबाधतः। स देवानंसृजतः। तदंस्य प्रियमांसीत्। तथ्सुवर्ण् हरेण्यमभवत्। तथ्सुवर्णस्य हिरेण्यस्य जन्मं। य एवश सुवर्णस्य हिरेण्यस्य जन्म वेदं॥२५॥

सुवर्णं आत्मनां भवति। दुर्वर्णांऽस्य भ्रातृंव्यः। तस्मांथ्सुवर्ण् १ हिरंण्यं भार्यम्। सुवर्णं एव भवति। ऐनं प्रियं गंच्छति नाप्रियम्। स सुप्तहोतारमसृजत। स सप्तहोत्तेव सुंवर्णं लोकमैत्। त्रिणवेन स्तोमेनैभ्यो लोकभ्योऽसुरान्प्राणुंदत। त्रयस्त्रिश्चेन प्रत्यंतिष्ठत्। एकविश्शेन रुचंमधत्त॥२६॥

सप्तद्शेन प्राजायत। य एवं विद्वान्थ्सोमेन यजंते। सप्तहोंत्रैव सुंवर्गं लोकमेति। त्रिणवेन स्तोमेनैभ्यो लोकेभ्यो भ्रातृंव्यान्प्रणुंदते। द्वितीयः प्रश्नः

त्रयस्त्रि शोन प्रति तिष्ठति। एकवि शोन रुचं धत्ते। सप्तदशेन प्र जांयते। तस्माँथ्सप्तदुशः स्तोमो न निर्हृत्यंः। प्रजापंतिर्वे संप्तदुशः। प्रजापंतिमेव मध्यतो धंत्ते प्रजाँत्यै॥२७॥

देवा वै वर्रुणमयाजयन्। स यस्यैयस्यै देवतांयै

अनन्दद्भव इति व्याहंरद्वेदांसीद्वेदांधत्त प्रजांत्यै॥-

तथां नो दक्षिणा न ब्लेंष्यतीतिं। ते व्यावृत्य प्रत्यंगृह्णन्। ततो वै तान्दक्षिणा नाष्ट्रीनात्। य एवं विद्वान्व्यावृत्य दक्षिणां प्रतिगृह्णाति। नैनं दक्षिणा ब्रीनाति॥२८॥ राजां त्वा वरुंणो नयतु देवि दक्षिणेऽग्रये हिरंण्यमित्यांह।

दक्षिणामनयत्। तामंब्रीनात्। तेंऽब्रुवन्। व्यावृत्य प्रतिगृह्णाम।

आग्नेयं वै हिरंण्यम्। स्वयैवैनंदेवतंया प्रतिगृह्णाति। सोमाय वास इत्यांह। सौम्यं वै वासंः। स्वयैवनद्देवतया प्रतिगृह्णाति। रुद्राय गामित्याह। रौद्री वै गौः। स्वयैवैनां देवतंया प्रतिंगुह्णाति। वर्रुणायाश्वमित्यांह॥२९॥

वारुणो वा अर्थः। स्वयैवैनं देवतंया प्रतिंगृह्णाति। प्रजापंतये पुरुषिमत्याह। प्राजापत्यो वै पुरुषः। स्वयैवैनं देवतंया प्रतिं गृह्णाति। मनवे तल्पमित्यांह। मानवो वै तल्पंः। स्वयैवैनं देवतंया प्रति गृह्णाति। उत्तानायाँङ्गीरसायान इत्याह। इयं वा उत्तान आँङ्गीरसः॥३०॥

अनयैवैनत्प्रतिं गृह्णाति। वैश्वानर्यर्चा रथं प्रतिं गृह्णाति।

वैश्वान्रो वै देवतंया रथंः। स्वयैवैनं देवतंया प्रति गृह्णाति। तेनामृतत्वमंश्यामित्याह। अमृतंमेवाऽऽत्मन्धंत्ते। वयो दात्र इत्याह। वयं एवैनं कृत्वा। सुवर्गं लोकं गंमयति। मयो मह्यंमस्तु प्रतिग्रहीत्र इत्याह॥३१॥

यद्वै शिवम्। तन्मयंः। आत्मनं एवेषा परींत्तिः। क इदं कस्मां अदादित्यांह। प्रजापंतिर्वे कः। स प्रजापंतये ददाति। कामः कामायेत्यांह। कामेन् हि ददांति। कामेन प्रतिगृह्णातिं। कामों दाता कामः प्रतिग्रहीतेत्यांह॥३२॥

कामो हि दाता। कामः प्रतिग्रहीता। कामः समुद्रमाविशे-त्यांह। समुद्र इंव हि कामः। नेव हि कामस्यान्तोऽस्ति। न संमुद्रस्यं। कामेन त्वा प्रतिगृह्णामीत्यांह। येन कामेन प्रतिगृह्णातिं। स पुवैनंममुष्मिं ह्लोके काम आगंच्छति। कामैतत्तं पृषा ते काम दिक्षणेत्यांह। कामं पृव तद्यजंमानोऽमुष्मिं ह्लोके दिक्षणामिच्छति। न प्रतिग्रहीतिरि। य पृवं विद्वान्दिक्षणां प्रतिगृह्णातिं। अनृणामेवैनां प्रति गृह्णाति॥३३॥ क्षीनात्यश्वमित्यांहाङ्गीर्सः प्रतिग्रहीत इत्यांह प्रतिग्रहीतत्यांह दिक्षणेत्यांह

अन्तो वा एष यज्ञस्यं। यद्दंशममहंः। दशमेऽहँन्थ्सर्पराज्ञियां ऋग्भिः स्तुंवन्ति। यज्ञस्यैवान्तं गुत्वा। अन्नाद्यमवं रुन्थते। तिसृभिः स्तुवन्ति। त्रयं इमे लोकाः। एभ्य एव लोकेभ्योऽन्नाद्यमवं रुन्धते। पृश्चिवतीर्भवन्ति। अन्नं वै पृश्चि॥३४॥

अन्नमेवावं रुन्धते। मनंसा प्रस्तौति। मनुसोद्गांयति। मनंसा प्रतिं हरति। मनं इव हि प्रजापितः। प्रजापंतेरास्यै। देवा वै सूर्पाः। तेषांमिय र राज्ञी। यथ्संपर्गज्ञियां ऋग्भिः स्तुवन्तिं। अस्यामेव प्रतिं तिष्ठन्ति॥३५॥

चतुरहोतृन् होता व्याचंष्टे। स्तुतमनुंश १ सित् शान्त्यै। अन्तो वा एष यज्ञस्ये। यद्दंशममहंः। एतत्खलु वै देवानां पर्मं गृह्यं ब्रह्मं। यचतुरहोतारः। दृश्मेऽह् १ श्वतुरहोतृन्व्याचंष्टे। यज्ञस्यैवान्तं गृत्वा। पुर्मं देवानां गृह्यं ब्रह्मावं रुन्थे। तदेव प्रकाशं गमयति॥३६॥

तदेनं प्रकाशं गृतम्। प्रकाशं प्रजानां गमयित। वार्चं यच्छिति। यज्ञस्य धृत्यै। यज्ञमानदेवत्यं वा अहं। भ्रातृव्यदेवत्यं रात्रिः। अहा रात्रिं ध्यायेत्। भ्रातृव्यस्यैव तल्लोकं वृङ्कः। यिदवा वार्चं विसृजेत्। अहुर्भातृंव्यायोच्छि १षेत्। यन्नक्तं विसृजेत्। रात्रिं भ्रातृंव्यायोच्छि १षेत्। अधिवृक्षसूर्ये वाचं विसृजिति। एतावन्तमेवास्मे लोकमुच्छि १षित। यावदादित्यौऽस्तमेति॥३७॥ पृश्चिं तिष्ठन्ति गमयित शि १षेत्यश्चं च॥———[६]

प्रजापंतिः प्रजा अंसृजत। ताः सृष्टाः समंश्लिष्यन्। ता रूपेणानुप्राविंशत्। तस्मांदाहुः। रूपं वै प्रजापंतिरितिं। ता नाम्नाऽनु प्राविंशत्। तस्मांदाहुः। नाम् वै प्रजापंतिरितिं। तस्मादप्यांमित्रौ सङ्गत्यं। नाम्ना चेद्ध्वयेते॥३८॥

मित्रमेव भेवतः। प्रजापंतिर्देवासुरानंसृजत। स इन्द्रमिष् नासृंजत। तं देवा अंब्रुवन्। इन्द्रं नो जन्येतिं। स आत्मित्रन्द्रंमपश्यत्। तमंसृजत। तं त्रिष्टुग्वीर्यं भूत्वाऽनु प्राविंशत्। तस्य वर्ज्ञः पश्चद्शो हस्त आपंद्यत। तेनोदय्यासुंरान्भ्यंभवत्॥३९॥

य एवं वेदं। अभि भ्रातृंव्यान्भवति। ते देवा असुंरैर्विजित्यं। सुव्गं लोकमायन्। तेंऽमुष्मिं ह्लोके व्यंक्षुध्यन्। तेंऽब्रुवन्। अमुतंः प्रदानं वा उपंजिजीविमेति। ते सप्तहोतारं यृज्ञं विधायायास्यम्। आङ्गीर्सं प्राहिण्वन्। एतेनामुत्रं कल्पयेति॥४०॥

तस्य वा इयं क्रुप्तिः। यदिदं किं चे। य पृवं वेदे। कल्पेतेऽस्मै। स वा अयं मंनुष्येषु यृज्ञः सप्तहोता। अमुत्रं सुद्धो देवेभ्यो हृव्यं वहिति। य पृवं वेदे। उपैनं यृज्ञो नंमिति। सोऽमन्यत। अभि वा इमेंऽस्माल्लोकादमुं लोकं किमिष्यन्त इति। स वाचेस्पते हृदिति व्याहेरत्। तस्मात्पुत्रो हृदेयम्। तस्मादस्माल्लोकादमुं लोकं नाभि कामयन्ते। पुत्रो हि हृदेयम्॥४१॥ हृदेते अभवत्कल्पयेतीति चलारि च॥

देवा वै चतुंर्होतृभिर्युज्ञमंतन्वत। ते वि पाप्मना भ्रातृंव्येणाजंयन्त। अभि सुंवर्गं लोकमंजयन्। य एवं सुंवर्गं लोकं जयित। षड्ढांत्रा प्रायणीयमा सांदयित। अमुष्मे वे लोकाय षड्ढांता। प्रन्ति खलु वा एतथ्सोमम्। यदिभिषुण्वन्ति॥४२॥ ऋजुधैवैनंममुं लोकं गंमयित। चतुंर्होत्राऽऽतिथ्यम्। यशो

विद्वा इश्चतुं रहोतृभिर्यज्ञं तंनुते। वि पाप्मना भ्रातृं व्येण जयते। अभि

ऋजुधैवैनम्मुं लोकं गंमयित। चतुर्होत्राऽऽतिथ्यम्। यशो वै चतुर्होता। यशं पुवाऽऽत्मन्धंत्ते। पश्चहोत्रा पृशुमुपंसादयित। सुवृग्यों वै पश्चहोता। यजंमानः पृशुः। यजंमानमेव सुंवृगं लोकं गंमयित। ग्रहान्गृहीत्वा सप्तहोतारं जुहोति। इन्द्रियं वै सप्तहोता॥४३॥

इन्द्रियमेवाऽऽत्मन्धेत्ते। यो वै चतुंर्होतॄननुसवृनं तुर्पयंति। तृप्यंति प्रजयां पृशुभिः। उपैन र सोमपीथो नमिति। बृहिष्पवृमाने दशंहोतारं व्याचंक्षीत। माध्यं दिने पवंमाने चतुंर्होतारम्। आर्भवे पवंमाने पश्चंहोतारम्। पितृयज्ञे षङ्कोतारम्। यृज्ञायज्ञियंस्य स्तोत्रे सप्तहोतारम्। अनुस्वनमेवेना इंस्तर्पयिति॥४४॥

तृप्यंति प्रजयां पृशुभिः। उपैनः सोमपी्थो नंमित। देवा वै चतुंरहोतृभिः स्त्रमांसत। ऋद्धिंपरिमितं यशंस्कामाः। तें उब्रुवन्। यन्नः प्रथमं यशं ऋच्छात्। सर्वेषान्नस्तथ्सहास्दितिं। सोमुश्चतुंरहोत्रा। अग्निः पश्चंहोत्रा। धाता षड्ढोंत्रा॥४५॥

इन्द्रंः सप्तहौँत्रा। प्रजापंतिर्दर्शहोत्रा। तेषा्रः सोम्रः राजांनुं यशं आर्च्छत्। तन्त्र्यंकामयत। तेनापाँकामत्। तेनं प्रलायमचरत्। तं देवाः प्रैषेः प्रैषंमैच्छन्। तत्प्रैषाणां प्रैषत्वम्। निविद्धिर्न्यवेदयन्। तन्निविदानिवित्त्वम्॥४६॥

आप्रीभिराप्नुवन्। तदाप्रीणांमाप्रित्वम्। तमंघ्नन्। तस्य यशो व्यंगृह्णतः। ते ग्रहां अभवन्। तद्ग्रहांणां ग्रहृत्वम्। यस्यैवं विदुषो ग्रहां गृह्यन्तें। तस्य त्वेव गृंहीताः। तेंऽब्रुवन्। यो वै नः श्रेष्ठो-ऽभूत्॥४७॥

तमंवधिष्म। पुनेरिमः सुंवामह् इतिं। तं छन्दोभिरसुवन्त। तच्छन्दंसां छन्द्स्त्वम्। साम्ना समानयन्। तथ्साम्नः सामृत्वम्। उक्थैरुदंस्थापयन्। तदुक्थानामुक्थृत्वम्। य एवं वेदं। प्रत्येव तिष्ठति॥४८॥

सर्वमायुरिति। सोमो वै यशंः। य एवं विद्वान्थ्सोमंमागच्छंति। यशं एवैनंमृच्छति। तस्मांदाहुः। यश्चैवं वेद यश्च न। तावुभौ सोम्मागंच्छतः। सोमो हि यशंः। तं त्वाऽव यशं ऋच्छ्तीत्यांहुः। यः सोमे सोमं प्राहेतिं। तस्माथ्सोमे सोमः प्रोच्यंः। यशं एवैनंमृच्छति॥४९॥ अभिषुण्वन्तिं सप्तहोंता तर्पयित षड्ढोंत्रा निवित्त्वमभूतिष्ठति प्राहेति द्वे चं॥[८]

इदं वा अग्रे नैव किं च नाऽऽसींत्। न द्यौरांसीत्। न पृंथिवी। नान्तरिक्षम्। तदसंदेव सन्मनोऽकुरुत् स्यामिति। तदंतप्यत। तस्मौत्तेपानाद्धूमोऽजायत। तद्भूयोऽतप्यत। तस्मौत्तेपानादग्निरंजायत। तद्भूयोऽतप्यत॥५०॥

तस्मौत्तेपानाञ्चोतिरजायत। तद्भूयोऽतप्यत। तस्मौत्तेपाना-दुर्चिरंजायत। तद्भूयोऽतप्यत। तस्मौत्तेपानान्मरीचयोऽजायन्त। तद्भूयोऽतप्यत। तस्मौत्तेपानादुंदारा अंजायन्त। तद्भूयोऽतप्यत। तद्भूमिव समहन्यत। तद्धस्तिमीभनत्॥५१॥

स संमुद्रों ऽभवत्। तस्माँ थ्समुद्रस्य न पिंबन्ति। प्रजनंनिमव् हि मन्यंन्ते। तस्माँ त्पृशोर्जायंमानादापः पुरस्ताँ द्यन्ति। तद्दशंहोता-ऽन्वं सृज्यत। प्रजापंति वैं दशंहोता। य एवं तपंसो वीर्यं विद्वा इस्तप्यंते। भवंत्येव। तद्वा इदमापः सिल्लमां सीत्। सों ऽरोदीत्प्रजापंतिः॥ ५२॥

स कस्मां अज्ञि। यद्यस्या अप्रंतिष्ठाया इतिं। यद्पस्वंवापंद्यत। सा पृंथिव्यंभवत्। यद्यमृष्ट। तद्न्तिरिक्षमभवत्। यदूर्ध्वमुदमृष्ट। सा द्यौरंभवत्। यदरोदीत्। तद्नयों रोदस्त्वम्॥५३॥

य एवं वेदं। नास्यं गृहे रुंदन्ति। एतद्वा एषां लोकानां जन्मं। य एवमेषां लोकानां जन्म वेदं। नैषु लोकेष्वार्तिमार्च्छति। स इमां प्रतिष्ठामविन्दत। स इमां प्रतिष्ठां वित्वाऽकांमयत् प्रजायेयेति। स तपोऽतप्यत। सौंऽन्तर्वानभवत्। स ज्घनादसुंरानसृजत॥५४॥

तेभ्यों मृन्मये पात्रेऽन्नंमदुहत्। याऽस्य सा तुनूरासींत्। तामपाहत। सा तिमस्राऽभवत्। सोऽकामयत् प्रजायेयेतिं। स तपोऽतप्यत। सौन्तर्वानभवत्। स प्रजननादेव प्रजा अंसृजत। \_\_\_\_ तस्मादिमा भूयिष्ठाः। प्रजननाुद्धोना असृंजत॥५५॥

ताभ्यों दारुमये पात्रे पयोंऽदुहत्। याऽस्य सा तुनूरासींत्। तामपाहतः। सा जोथ्स्रांऽभवत्। सोंऽकामयत् प्रजांयेयेतिं। स तपों-ऽतप्यतः। सोंंऽन्तर्वानभवत्। स उपपृक्षाभ्यांमेवर्तूनंसृजतः। तेभ्यों रज्ते पात्रें घृतमंदुहत्। याऽस्य सा तुनूरासींत्॥५६॥

तामपांहत। सोंऽहोरात्रयोः सुन्धिरंभवत्। सोंऽकामयत् प्रजांयेयेतिं। स तपोंऽतप्यत। सोंऽन्तर्वानभवत्। स मुखाँद्वानं-सृजत। तेभ्यो हरिते पात्रे सोमंमदुहत्। याऽस्य सा तुनूरासींत्। तामपांहत। तदहंरभवत्॥५७॥

पुते वै प्रजापंतेर्दोहाँः। य पुवं वेदं। दुह पुव प्रजाः। दिवा वै नोंऽभूदितिं। तद्देवानां देवत्वम्। य पुवं देवानां देवत्वं वेदं। देववानेव भवति। पृतद्वा अहोरात्राणां जन्मं। य पुवमहोरात्राणां जन्म वेदं। नाहोरात्रेष्वार्तिमार्च्छति॥५८॥

अस्तोऽधि मनोंऽसृज्यत। मनः प्रजापंतिमसृजत। प्रजापंतिः प्रजा अंसृजत। तद्वा इदं मनंस्येव पंरमं प्रतिष्ठितम्। यदिदं किं चं। तदेतच्छ्वोवस्यसन्नाम् ब्रह्मं। व्युच्छन्तीं व्युच्छन्त्यस्मै वस्यंसीवस्यसी व्युंच्छति। प्रजायते प्रजयां पृशुभिः। प्र पंरमेष्ठिनो मात्रामाप्रोति। य पृवं वेदं॥५९॥ अग्निरंजायत तद्भयोंऽतप्यताभिनदरोदीत्प्रजापंतीरोदस्त्वमंसृजतास्ंजत घृतमंदुह् द्याऽस्य सा तुनूरासी दहंरभवदच्छिति वेदं (इदं धूमौं-ऽग्निज्यों तिर्चिमेरींचय उदारास्तद्भ्यः स ज्ञघनाथ्सा तिमेस्रा स प्रजनंनाथ्सा जोथ्सा स उपपक्षाभ्याः सौंऽहोरात्रयौः सुन्धिः स मुखात्तदहं देववा न्मृन्मये दाष्ट्रमये रज्ते हिरते तेभ्यस्ताभ्यो द्वे तेऽत्रं पयो घृतः सोमम्॥॥———[९]

प्रजापंतिरिन्द्रंमसृजतानुजाव्रं देवानांम्। तं प्राहिणोत्। परेहि। एतेषां देवानामधिपतिरेधीति। तं देवा अंब्रुवन्। कस्त्वमिस। वृयं वै त्वच्छ्रेया १ सः स्मृ इति। सोंऽब्रवीत्। कस्त्वमिसं वृयं वे त्वच्छ्रेया १ सः स्मृ इति मा देवा अंवोच्निति। अथ वा इदं तर्हि प्रजापंतौ हरं आसीत्॥६०॥

यद्स्मिन्नांदित्ये। तदेनमब्रवीत्। एतन्मे प्रयंच्छ। अथाहमेतेषां देवानामधिपतिर्भविष्यामीतिं। कोऽहः स्यामित्यंब्रवीत्। एतत्प्रदायेतिं। एतथ्स्या इत्यंब्रवीत्। यदेतद्भवीषीतिं। को ह वै नामं प्रजापंतिः। य एवं वेदं॥६१॥

विदुरेनं नाम्नां। तदंस्मे रुकां कृत्वा प्रत्यंमुश्चत्। ततो वा इन्द्रों देवानामधिपतिरभवत्। य एवं वेदं। अधिपतिरेव संमानानां भवति। सोऽमन्यत। किं किं वा अंकर्मिति। स चन्द्रं मृ आहुरेति प्रार्लपत्। तच्चन्द्रमंसश्चन्द्रमुस्त्वम्। य एवं वेदं॥६२॥

चन्द्रवानेव भवति। तं देवा अंब्रुवन्। सुवीर्यो मर्या यथां

गोपायत् इति। तथ्सूर्यस्य सूर्यत्वम्। य एवं वेदं। नैनं दभ्नोति। कश्च नास्मिन्वा इदिमिन्द्रियं प्रत्यंस्थादिति। तदिन्द्रंस्येन्द्रत्वम्। य एवं वेदं। इन्द्रियाव्येव भवति॥६३॥

अयं वा इदं पर्मोऽभूदिति। तत्परमेष्ठिनः परमेष्ठित्वम्। य एवं वेदे। पर्मामेव काष्ठां गच्छति। तं देवाः संमन्तं पर्यविशन्। वसंवः पुरस्तात। रुद्रा देक्षिणतः। आदित्याः पश्चात्। विश्वे देवा उत्तरतः। अङ्गिरसः प्रत्यश्चम्॥६४॥

साध्याः पराँश्चम्। य पृवं वेदं। उपैन १ समानाः संविंशन्ति। स प्रजापंतिरेव भूत्वा प्रजा आवंयत्। ता अंस्मै नातिष्ठन्तान्नाद्याय। ता मुखं पुरस्तात्पश्यंन्तीः। दक्षिणतः पर्यायन्। स दंक्षिणतः पर्यवर्तयत। ता मुखं पुरस्तात्पश्यंन्तीः। मुखं दक्षिणतः॥६५॥

पृश्चात्पर्यायन्। स पृश्चात्पर्यवर्तयत। ता मुखं पुरस्ता-त्पश्यंन्तीः। मुखं दक्षिणृतः। मुखं पृश्चात्। उत्तर्तः पर्यायन्। स उत्तर्तः पर्यवर्तयत। ता मुखं पुरस्तात्पश्यंन्तीः। मुखं दक्षिणृतः। मुखं पृश्चात्॥६६॥

मुखंमुत्तरतः। ऊर्ध्वा उदांयन्। स उपरिष्टान्त्र्यंवर्तयत। ताः स्वितोमुखो भूत्वाऽऽवंयत्। ततो वै तस्मै प्रजा अतिष्ठन्तान्नाद्यांय। य एवं विद्वान्परि च वर्तयंते नि चं। प्रजापंतिरेव भूत्वा प्रजा अंत्ति। तिष्ठंन्तेऽस्मै प्रजा अन्नाद्याय। अन्नाद एव भविति॥६७॥ आसीद्वेदं चन्द्रम्स्त्वं य एवं वेदेन्द्रियाव्येव भविति प्रत्यश्चं मुखं दक्षिणतो मुखं पश्चान्नवं च॥—————[१०]

प्रजापंतिरकामयत बहोर्भूयाँ-श्स्यामितिं। स एतं दशंहोतारमपश्यत्। तं प्रायुंङ्कः। तस्य प्रयुंक्ति बहोर्भूयांनभवत्। यः कामयेत बहोर्भूयाँ-श्स्यामितिं। स दशंहोतार् प्रयुंश्चीत। बहोर्भ्व भूयाँ-भवति। सोंऽकामयत वीरो म् आजायेतेतिं। स दशंहोतुश्चतुंरहोतार् निरंमिमीत। तं प्रायुंङ्कः॥६८॥

तस्य प्रयुक्तीन्द्रोंऽजायत। यः कामयेत वीरो म् आजांयेतेति। स चतुंर्होतारं प्रयुंश्चीत। आऽस्यं वीरो जांयते। सोंऽकामयत पशुमान्थस्यामिति। स चतुंर्होतुः पश्चंहोतारं निरंमिमीत। तं प्रायुंङ्कः। तस्य प्रयुंक्ति पशुमानंभवत्। यः कामयेत पशुमान्थस्यामिति। स पश्चंहोतारं प्रयुंश्चीत॥६९॥

पृशुमानेव भंवति। सोंऽकामयत्तिवीं मे कल्पेर्न्नितिं। स पश्चंहोतुः षह्वांतारं निरंमिमीत। तं प्रायुंङ्कः। तस्य प्रयुंत्त्व्यृतवौंऽस्मा अकल्पन्त। यः कामयंत्तिवों मे कल्पेर्न्नितिं। स षह्वांतारं प्रयुंञ्जीत। कल्पंन्तेऽस्मा ऋतवंः। सोंऽकामयत सोम्पः सोंमयाजी स्याम्। आ में सोम्पः सोंमयाजी जांयेतेतिं॥७०॥

स षड्ढोतुः सप्तहोतार् निरंमिमीत। तं प्रायुंङ्कः। तस्य प्रयुंक्ति सोमुपः सोमयाज्यंभवत्। आऽस्यं सोमुपः सोमयाज्यंजायत। यः कामयेंत सोम्पः सोंमयाजी स्याँम्। आ में सोम्पः सोंमयाजी जायेतेति। स स्प्तहोंतारं प्रयुंश्चीत। सोम्प एव सोंमयाजी भंवति। आऽस्यं सोम्पः सोंमयाजी जायते। स वा एष पृशुः पंश्चधा प्रतिं तिष्ठति॥७१॥

पुद्धिर्मुखेन। ते देवाः पुशून् वित्वा। सुवुर्गं लोकमायन्। तेंऽमुर्ष्मिं ह्योके व्यक्षध्यन्। तेंंऽब्रुवन्। अमुतः प्रदानं वा उपंजिजीविमेतिं। ते सप्तहोंतारं युज्ञं विधायायास्यम्। आङ्गीर्सं प्राहिण्वन्। एतेनामुत्रं कल्पयेतिं। तस्य वा इयं क्रुप्तिः॥७२॥

यदिदं किं चं। य एवं वेदं। कल्पंतेऽस्मै। स वा अयं मंनुष्येषु यज्ञः सप्तहोता। अमुत्रं सुद्धो देवेभ्यों हृव्यं वंहति। य एवं वेदं। उपैनं यज्ञो नंमित। यो वे चतुर्होतृणां निदानं वेदं। निदानंवान्भवित। अग्निहोत्रं वे दर्शहोतुर्निदानम्। दुर्शपूर्णमासौ चतुर्होतुः। चातुर्मास्यानि पश्चंहोतुः। पृशुबन्धः षङ्कोतुः। सौम्यौ-ऽध्वरः सप्तहोतुः। एतद्वै चतुर्होतृणां निदानम्। य एवं वेदं। निदानंवान्भवित॥७३॥

प्रजापंतिरकामयत प्रजाः सृंजेयेतिं प्रजापंतिरकामयत दर्शपूर्णमासौ सृंजेयेतिं प्रजापंतिरकामयत् प्रजायेयेति स तपः स त्रिवृतं प्रजापंतिरकामयत् दर्शहोतार् तेनं दश्धाऽऽत्मानं देवा वै वर्रुणमन्तो वे प्रजापंतिस्ताः सृष्टाः समेक्षिप्यं देवा वै चतुंरहोतृभिरिदं वा अग्रं प्रजापंतिरिन्दं प्रजापंतिरकामयत

36

बहोर्भूयानेकांदश॥११॥

प्रजापंतिस्तद्वहंस्य प्रजापंतिरकामयतानयेवेनत्तस्य वा इयं क्लिम्तिस्मांत्तेपानाक्र्योतिर्ययदस्मिन्नांदित्ये स पङ्कांतुः सप्तहांतारं त्रिसंप्ततिः॥७३॥

प्रजापंतिरकामयत निदानंबान्भवति॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके द्वितीयः प्रपाठकः समाप्तः॥

## ॥तृतीयः प्रश्नः॥

## ॥ तैत्तिरीयब्राह्मणे द्वितीयाष्टके तृतीयः प्रपाठकः॥

ब्रह्मवादिनों वदन्ति। किं चतुर्होतृणां चतुर्होतृत्वमिति। यदेवैषु चतुर्धा होतारः। तेन् चतुर्होतारः। तस्माचतुर्होतार उच्यन्ते। तचतुर्रहोतृणां चतुर्होतृत्वम्। सोमो वै चतुर्होता। अग्निः पश्चहोता। धाता षङ्कोता। इन्द्रंः सप्तहोता॥१॥

प्रजापितिर्दर्शहोता। य पृवं चतुंरहोतृणामृद्धिं वेदे। ऋभ्रोत्येव। य एषामेवं बन्धुतां वेदे। बन्धुंमान्भवति। य एषामेवं क्लिप्तिं वेदे। कल्पतेऽस्मै। य एषामेवमायतेनं वेदे। आयतेनवान्भवति। य एषामेवं प्रतिष्ठां वेदे॥२॥

प्रत्येव तिष्ठति। ब्रह्मवादिनों वदन्ति। दशंहोता चतुंर्होता। पश्चंहोता पश्चंहोता पश्चंहोता सप्तहोता। अथ कस्माचतुंर्होतार उच्यन्त इति। इन्द्रो वै चतुंर्होता। इन्द्रः खलु वै श्रेष्ठों देवतांनामुप्देशंनात। य एविमन्द्रङ् श्रेष्ठं देवतांनामुप्देशंनाद्वेदं। विसेष्ठः समानानां भवित। तस्माच्छ्रेष्ठंमायन्तं प्रथमेनैवानुं बुध्यन्ते। अयमागन्। अयमवांसादितिं। कीर्तिरंस्य पूर्वाऽऽगंच्छिति जनतांमायतः। अथों एनं प्रथमेनैवानुं बुध्यन्ते। अयमागन्। अयमवांसादितिं॥३॥ स्प्तहोता प्रतिष्ठां वेदं बुध्यन्ते पद्वं॥——[१]

दक्षिणां प्रतिग्रहीष्यन्थ्सप्तदंशकृत्वोऽपाँन्यात्। आत्मानंमेव

सिमंन्थे। तेजंसे वीर्याय। अथौं प्रजापंतिरेवैनौं भूत्वा प्रतिंगृह्णाति। आत्मनोऽनौत्यै। यद्येनमार्त्विंज्याद्भृतः सन्तं निर्हरेरन्। आग्नींध्रे जुहुयाद्दशंहोतारम्। चृतुर्गृहीतेनाऽऽज्येन। पुरस्तौत्प्रत्यिङ्ग्छन्। प्रतिलोमं विग्राहम्॥४॥

प्राणानेवास्योपं दासयति। यद्येनं पुनंरुप् शिक्षेयः। आग्नींप्र एव जुंहुयाद्दशंहोतारम्। चृतुर्गृहीतेनाऽऽज्येन। पृश्चात्प्राङासीनः। अनुलोममविंग्राहम्। प्राणानेवास्में कल्पयति। प्रायंश्चित्ती वाग्घोतेत्यृंतुमुखऋंतुमुखे जुहोति। ऋतूनेवास्में कल्पयति। कल्पन्तेऽस्मा ऋतवंः॥५॥

क्रुप्ता अंस्मा ऋतव् आयंन्ति। षङ्कांता वै भूत्वा प्रजापंतिरिदर सर्वमसृजत। स मनोऽसृजत। मनुसोऽधि गायत्रीमंसृजत। तद्गायत्रीं यशं आर्च्छत्। तामाऽलभत। गायत्रिया अधि छन्दा एस्यसृजत। छन्दोभ्योऽधि सामं। तथ्साम् यशं आर्च्छत्। तदाऽलंभत॥६॥

साम्नोऽधि यजू ईष्यसृजत। यजुभ्योऽधि विष्णुम्। तिद्वष्णुं यशं आर्च्छत्। तमाऽलंभता विष्णोरध्योषंधीरसृजत। ओषंधीभ्योऽधि सोमम्। तथ्सोमुं यशं आर्च्छत्। तमाऽलंभत। सोमादिधि पुशूनं-सृजत। पुशुभ्योऽधीन्द्रम्॥७॥

तदिन्द्रं यशं आर्च्छत्। तदेनुन्नाति प्राच्यंवत। इन्द्रं इव

यश्नस्वी भंवति। य एवं वेदं। नैनं यशोऽति प्रच्यंवते। यद्वा इदं किं चं। तथ्सर्वमुत्तान एवाऽऽङ्गीर्सः प्रत्यंगृह्णात्। तदेनं प्रतिंगृहीतं नाहिनत्। यत्किं चं प्रतिगृह्णीयात्। तथ्सर्वमुत्तानस्त्वाँऽऽङ्गीरसः

नाहिनत्। यत्किं चं प्रतिगृह्णीयात्। तथ्सर्वमुत्तानस्त्वाँऽऽङ्गीर्सः प्रतिगृह्णात्वित्येव प्रतिगृह्णीयात्। इयं वा उत्तान आँङ्गीर्सः। अनयैवैनृत्प्रतिगृह्णाति। नैन १ हिनस्ति। बुर्हिषा प्रतीयाद्गां वाऽश्वं वा। एतद्वे पंशूनां प्रियं धामं। प्रियेणैवैनं धाम्ना प्रत्येति॥८॥ विग्राहंमृतवस्तदाऽलंभृतेन्द्रं गृह्णीयाथ्यद्वं॥———[२]

यो वा अविद्वान्निवर्तयंते। विशीर्षा सपाँप्माऽमुष्मिँ होके भंवति। अथ यो विद्वान्निवर्तयंते। सशीर्षा विपाँप्माऽमुष्मिँ होके भंवति। देवता वै सप्त पृष्टिकामा न्यंवर्तयन्त। अग्निश्च पृथिवी चं। वायुश्चान्तरिक्षं च। आदित्यश्च द्यौश्चं चन्द्रमाँः। अग्निन्यंवर्तयत। स सांहुस्रमंपुष्यत्॥९॥

पृथिवी न्यंवर्तयत। सौषंधीभिवंनस्पतिंभिरपुष्यत्। वायुर्न्यं-वर्तयत। स मरींचीभिरपुष्यत्। अन्तरिक्षं न्यंवर्तयत। तद्वयोंभिर-पुष्यत्। आदित्यो न्यंवर्तयत। स र्शिमभिरपुष्यत्। द्यौर्न्यं-वर्तयत। सा नक्षंत्रैरपुष्यत्। चन्द्रमा न्यंवर्तयत। सोंऽहोरात्रैरंधं-मासैमांसैर्ऋतुभिः संवथ्सरेणांपुष्यत्। तान्योषांन्पुष्यति। याइस्तेऽपुष्यन्। य पृवं विद्वान्नि चं वर्तयंते परिं च॥१०॥ अपुष्यन्नक्षंत्रेरपुष्यत्पश्चं च॥———[३] तस्य वा अग्नेर्हिरंण्यं प्रतिजग्रहुषंः। अर्धमिन्द्रियस्यापाँक्रामत्। तदेतेनैव प्रत्यंगृह्णात्। तेन् वै सौंऽर्धिमिन्द्रियस्याऽऽत्मन्नुपाधंत्त। अर्धमिन्द्रियस्याऽऽत्मन्नुपाधंत्ते। य एवं विद्वान् हिरंण्यं
प्रतिगृह्णातिं। अथ् योऽविद्वान्प्रतिगृह्णातिं। अर्धमेस्येन्द्रियस्यापंक्रामित। तस्य वै सोमंस्य वासंः प्रतिजग्रहुषंः। तृतींयिमिन्द्रियस्यापाँकामत्॥११॥

तदेतेनैव प्रत्यंगृह्णात्। तेन् वै स तृतींयमिन्द्रियस्या-ऽऽत्मन्नुपार्धत्त। तृतींयमिन्द्रियस्याऽऽत्मन्नुपार्धत्ते। य एवं विद्वान् वासंः प्रतिगृह्णाति। अथ् योऽविंद्वान्प्रतिगृह्णाति। तृतींयमस्येन्द्रियस्यापंकामित। तस्य वै रुद्रस्य गां प्रतिजग्रहुषंः। चतुर्थमिन्द्रियस्यापाकामत्। तामेतेनैव प्रत्यंगृह्णात्। तेन् वै स चतुर्थमिन्द्रियस्याऽऽत्मन्नुपार्धत्त॥१२॥

चृतुर्थमिन्द्रियस्याऽऽत्मन्नुपाधेत्ते। य एवं विद्वान्गां प्रंतिगृह्णाति। अथ योऽविद्वान्प्रतिगृह्णाति। चृतुर्थमंस्येन्द्रियस्यापंकामित। तस्य वै वर्रुणस्यार्थं प्रतिजग्रहुषंः। पृश्चमिनिद्रियस्यापाकामित्। तमेतेनैव प्रत्यंगृह्णात्। तेन वे स पंश्चमिनिद्रियस्याऽऽत्मन्नुपाधित्त। पृश्चमिनिद्रियस्याऽऽत्मन्नुपाधित। पृश्चमिनिद्रियस्याऽऽत्मन्नुपाधित। पृश्चमिनिद्रियस्याऽऽत्मन्नुपाधित। य एवं विद्वानश्चे प्रतिगृह्णाति॥१३॥

अथ् योऽविंद्वान्प्रतिगृह्णातिं। पृश्चममंस्येन्द्रियस्यापंकामति। तस्य वै प्रजापंतेः पुरुषं प्रतिजग्रहुषः। षृष्ठमिंन्द्रियस्यापाँकामत्। तमेतेनेव प्रत्यंगृह्णात्। तेन् वै स षृष्ठमिन्द्रियस्याऽऽत्मन्नुपार्धत्त। षृष्ठमिन्द्रियस्याऽऽत्मन्नुपार्धत्त। य एवं विद्वान्पुरुषं प्रतिगृह्णातिं। अथ योऽविद्वान्प्रतिगृह्णातिं। षष्ठमस्येन्द्रियस्यापंक्रामति॥१४॥

तस्य वै मनोस्तर्ल्पं प्रतिजग्रहुषंः। सप्तमिनिद्रयस्यापाँकामत्। तमेतेनैव प्रत्यंगृह्णात्। तेन वै स संप्तमिनिद्रयस्याऽऽत्मन्नुपा-धंत्त। सप्तमिनिद्रयस्याऽऽत्मन्नुपाधंत्ते। य एवं विद्वाङ्स्तर्ल्पं प्रतिगृह्णाति। अथ् योऽविद्वान्प्रतिगृह्णातिं। सप्तममंस्येन्द्रियस्यापं-क्रामित। तस्य वा उंत्तानस्याँऽऽङ्गीर्सस्याप्रांणत्प्रतिजग्रहुषंः। अष्टमिनिद्रयस्यापाँकामत्॥१५॥

तदेतेनै्व प्रत्यंगृह्णात्। तेन् वै सौंऽष्ट्रमिनिद्ध्यस्या-ऽऽत्मन्नुपार्थत्त। अष्ट्रमिनिद्ध्यस्याऽऽत्मन्नुपार्थत्ते। य एवं विद्वानप्राणत्प्रतिगृह्णाति। अथ् योऽविद्वान्प्रतिगृह्णाति। अष्ट्रम-मंस्येन्द्र्यस्यापंकामित। यद्वा इदं किं चं। तथ्सर्वमृत्तान एवाऽऽङ्गीर्सः प्रत्यंगृह्णात्। तदेनं प्रतिगृहीतं नाहिनत्। यत्किं चं प्रतिगृह्णीयात्। तथ्सर्वमृत्तानस्त्वाऽऽङ्गीर्सः प्रतिगृह्णात्वित्येव प्रतिगृह्णीयात्। इयं वा उत्तान आङ्गीर्सः। अनयेवैनत्प्रतिगृह्णाति। नैनर्षं हिनस्ति॥१६॥ वृतीयमिन्द्रियस्यापानामचतुर्थमिन्द्रियस्यात्मनुपाधत्तार्थं प्रतिगृह्णाति

षुष्ठमंस्येन्द्रियस्यापंकामत्यष्टुममिन्द्रियस्यापाँकामत्प्रतिगृह्णीयाचृत्वारिं च (तस्य वा अग्नेर्हिरंण्युष् सोमंस्य वासुस्तदेतेनं रुद्रस्य गान्तामेतेन् ब्रह्मवादिनों वदन्ति। यद्दशंहोतारः स्त्रमासंत। केन् ते गृहपंतिनाऽऽर्ध्रुवन्। केनं प्रजा अंसृज्नन्तेतिं। प्रजापंतिना वै ते गृहपंतिनाऽऽर्ध्रुवन्। तेनं प्रजा अंसृजन्त। यचतुंर्होतारः स्त्रमासंत। केन् ते गृहपंतिनाऽऽर्ध्रुवन्। केनौषंधीरसृज्नतेतिं। सोमेन वै ते गृहपंतिनाऽऽर्ध्रुवन्॥१७॥

तेनौषंधीरसृजन्त। यत्पश्चंहोतारः सृत्रमासंत। केन् ते गृहपंतिनाऽऽर्ध्रुवन्। केनैभ्यो लोकभ्योऽसुरान्प्राणुंदन्त। केनैषां पृशूनंवृञ्जतेतिं। अग्निना वै ते गृहपंतिनाऽऽर्ध्रुवन्। तेनैभ्यो लोकभ्योऽसुरान्प्राणुंदन्त। तेनैषां पृशूनंवृञ्जत। यथ्बङ्कोतारः सृत्रमासंत। केन् ते गृहपंतिनाऽऽर्ध्रुवन्॥१८॥

केन्तूनंकल्पयन्तेतिं। धात्रा वै ते गृहपंतिनाऽऽर्ध्रुवन्। तेन्तूनंकल्पयन्त। यथ्सप्तहोतारः सत्रमासंत। केन् ते गृहपंतिनाऽऽर्ध्रुवन्। केन् सुवंरायन्। केने्माँ श्लोकान्थ्समं-तन्वन्नितिं। अर्यम्णा वै ते गृहपंतिनाऽऽर्ध्रुवन्। तेन् सुवंरायन्। तेने्माँ श्लोकान्थ्समंतन्वन्नितिं॥१९॥

पुते वै देवा गृहपंतयः। तान् य पुवं विद्वान्। अप्यन्यस्यं गार्हपते दीक्षति। अवान्तरमेव सत्रिणांमृभ्नोति। यो वा अर्यमणुं वेदं। दानंकामा अस्मै प्रजा भंवन्ति। युज्ञो वा अंर्युमा। आर्यावस्तिरिति वै तमांहुर्यं प्रशश्संन्ति। आर्यावस्तिर्भविति। य एवं वेदं॥२०॥

यद्वा इदं किं चं। तथ्सर्वं चतुंरहोतारः। चतुंरहोतृभ्योऽिधं यज्ञो निर्मितः। स य एवं विद्वान् विवदंत। अहमेव भूयों वेद। यश्चतुंरहोतृन् वेदेतिं। स ह्यंव भूयो वेद। यश्चतुंरहोतृन् वेदं। यो वै चतुंरहोतृणा् होतृन् वेदं। सर्वांसु प्रजास्वन्नंमित्त॥२१॥

सर्वा दिशोऽभि जंयति। प्रजापंतिर्वे दर्शहोतृणा् होताँ। सोम्श्रतुंरहोतृणा् होताँ। अग्निः पश्चहोतृणा् होताँ। धाता षड्ढोतृणा् होतां। अर्यमा सप्तहोतृणा् होतां। एते वै चतुंरहोतृणा् होतांरः। तान् य एवं वेदं। सर्वासु प्रजास्वन्नमित्ति। सर्वा दिशोऽभि जंयति॥२२॥

आर्धुवृत्रार्धुवृत्तित्येवं वेदाँति सर्वा दिशोऽभि जंयति (वै तेनं स्त्रङ्केनं॥)॥[५]
प्रजापंतिः प्रजाः सृष्ट्वा व्यंस्रश्सत। स हृदंयं भूतोंऽशयत्। आत्मन् हा (३) इत्यह्वंयत्। आपः प्रत्यंशृण्वन्। ता
अग्निहोत्रेणेव यंज्ञकृतुनोपं पूर्यावंतन्त। ताः कुसिन्धमुपौहन्।
तस्मादग्निहोत्रस्यं यज्ञकृतोः। एकं ऋत्विक्। चृतुष्कृत्वोऽह्वंयत्।
अग्निर्वायुरादित्यश्चन्द्रमाः॥२३॥
ते प्रत्यंशृण्वन्। ते दंर्शपूर्णमासाभ्यांमेव यंज्ञकतुनोपं

तृतीयः प्रश्नः

पर्यावंर्तन्त। त उपौहङ्श्चत्वार्यङ्गानि। तस्माँदर्शपूर्ण-मासयौर्यज्ञकतोः। चत्वारं ऋत्विजंः। पश्चकृत्वोऽह्वंयत्। पशवः प्रत्यंशृण्वन्। ते चांतुर्मास्यैरेव यंज्ञक्रतुनोपं पर्यावंर्तन्त। त

उपौहं लोमं छवीं मारसमस्थिं मञ्जानम्। तस्मांचातुर्मास्यानां यज्ञऋतोः॥२४॥ पश्चर्त्विजंः। षुद्गत्वोऽह्वंयत्। ऋतवः प्रत्यंशृण्वन्। ते

पंशुबन्धेनैव यंज्ञऋतुनोपंपर्यावंर्तन्त। त उपौहन्थ्स्तनांवाण्डौ

शिश्जमवाश्वं प्राणम्। तस्मात्पश्बन्धस्यं यज्ञकतोः। षड्टिजंः। सप्तकृत्वोऽह्वंयत्। होत्राः प्रत्यंशृण्वन्। ताः सौम्येनैवाध्वरेणं यज्ञऋतुनोपंपर्यावंतन्त॥२५॥ ता उपौहन्थ्सप्त शीर्षणयाँन्प्राणान्। तस्माँथ्सौम्यस्याँध्वरस्यं यज्ञकतोः। सप्त होत्राः प्राचीर्वषंद्भवन्ति। दशकृत्वोऽह्वंयत्। तपः प्रत्यंशृणोत्। तत्कर्मणैव संवथ्सरेण सर्वैर्यज्ञऋतुभिरुपं पर्यावर्तत। तथ्सर्वमात्मानमपंरिवर्गमुपौहत्। तस्मांथ्संवथ्सरे सर्वे यज्ञऋतवो-

गच्छति। य एवं वेदं॥२६॥ चन्द्रमाश्चातुर्मास्यानां यज्ञकतोरंध्वरेणं यज्ञकतुनोपं पर्यावर्तन्त सप्तहोता चत्वारिं

ऽवंरुध्यन्ते। तस्माद्दशंहोता चतुंर्होता। पश्चंहोता पह्नोता सप्तहोता। एकंहोत्रे बलि॰ हेरन्ति। हर्रन्त्यस्मै प्रजा बलिम्। ऐनमप्रंतिख्यातं

प्रजापंतिः पुरुषमसृजत। सो ऽग्निरंब्रवीत्। ममायमन्नं-

तृतीयः प्रश्नः \_\_\_\_ मस्त्वितिं। सोंऽबिभेत्। सर्वं वै माऽयं प्र धंक्ष्यतीतिं। सं एता ५ श्चतुं रहोतृ नात्मस्परंणानपश्यत्। तानं जुहोत्। तैर्वै स आत्मानमस्पृणोत्। यदंग्निहोत्रं जुहोतिं। तद्यंज्ञऋतुमाँप्रोत्यग्निहोत्रम्॥२७॥

कुसिन्धं चाऽऽत्मनंः स्पृणोतिं। आदित्यस्यं च सायुंज्यं गच्छति। चत्रुनंयति। चत्रुहोतारमेव तद्यंज्ञऋतुमाप्रोति दर्शपूर्णमासौ। चत्वारिं चाऽऽत्मनोऽङ्गांनि स्पृणोतिं। आदित्यस्यं च सार्युज्यं गच्छति। चतुरुन्नयति। समित्पंश्चमी। पश्चहोतारमेव तद्यंज्ञऋतुमाँप्रोति चातुर्मास्यानिं। लोमं छुवीं मारसमिर्थि मञ्जानम्॥ २८॥

तानिं चाऽऽत्मनःं स्पृणोतिं। आदित्यस्यं च सायुंज्यं गच्छति। चत्रुन्यति। द्विर्जुहोति। षङ्कोतारमेव तद्यंज्ञऋतुमाप्नोति पशुबन्धम्। स्तनांवाण्डौ शिश्ञमवाँश्चं प्राणम्। तानिं चाऽऽत्मनःं स्पृणोतिं। आदित्यस्यं च सायुंज्यं गच्छति। चतुरुन्नयति। द्विर्जुहोति॥२९॥ स्मिथ्संप्रमी। स्प्तहोतारमेव तद्यंज्ञकृतुमाप्रोति सौम्यमंध्वरम्। सप्त चाऽऽत्मनंः शीर्षण्यांन्त्राणान्थस्पृणोतिं। आदित्यस्यं च सायुंज्यं गच्छति। चतुरुन्नयति। द्विर्जुहोतिं। द्विर्निमांर्ष्टि। द्विः प्राश्ञांति। दशंहोतारमेव तद्यंज्ञऋतुमाँग्नोति संवथ्सरम्। सर्वं चाऽऽत्मानुमपंरिवर्गं स्पृणोतिं। आदित्यस्यं च सायुंज्यं गच्छति॥३०॥

अग्निहोत्रं मुज्जानिद्धर्जुहोत्यपंरिवर्गः स्पृणोत्येकं च॥———[७]
प्रजापंतिरकामयत् प्रजांयेयेतिं। स तपोऽतप्यत।
सोऽन्तर्वानभवत। स हरितः श्यावोऽभवत। तस्माथ्रस्यन्तर्वत्नी।

सौं उन्तर्वानभवत्। स हरितः श्यावो उभवत्। तस्माथ्रस्यंन्तर्वत्री। हरिणी सृती श्यावा भवति। स विजायंमानो गर्भेणाताम्यत्। स तान्तः कृष्णः श्यावो उभवत्। तस्मौत्तान्तः कृष्णः श्यावो भवति। तस्यासुरेवाजीवत्॥३१॥

तेनासुनाऽसुरानसृजत। तदसुराणामसुर्त्वम्। य एवम-सुराणामसुर्त्वं वेदं। असुमानेव भवति। नैन्मसुर्जहाति। सोऽसुरान्थ्सृष्ट्वा पितेवांमन्यत। तदनुं पितृनंसृजत। तत्पितृणां पितृत्वम्। य एवं पितृणां पितृत्वं वेदं। पितेवैव स्वानां भवति॥३२॥

यन्त्यंस्य पितरो हवम्ँ। स पितॄ-श्सृष्ट्वाऽऽमंनस्यत्। तदनुं मनुष्यांनसृजता तन्मंनुष्यांणां मनुष्यत्वम्। य एवं मनुष्यांणां मनुष्यत्वम्। य एवं मनुष्यांणां मनुष्यत्वम्। य एवं मनुष्यांणां मनुष्यत्वम्। य एवं वेवानंसृजता तदनुं देवानंसृजता तद्देवानां देवत्वम्। य एवं देवानां देवत्वं वेदं। दिवां हैवास्यं देवत्रा भंवति। तानि वा एतानिं चत्वार्यम्भाःस्ति। देवा मनुष्याः पितरोऽसुंराः। तेषु सर्वेष्वम्भो नभं इव भवति। य एवं वेदं॥३३॥ अजीव्थस्वानां भवति देवानंसृजत सप्त चं॥———[८]

ब्रह्मवादिनों वदन्ति। यो वा इमं विद्यात्। यतोऽयं पर्वते। यदंभि पर्वते। यदंभि सम्पर्वते। सर्वमायुंरियात्। न पुराऽऽयुंषः प्र मीयेत। पशुमान्थ्स्यात्। विन्देतं प्रजाम्। यो वा इमं वेदं॥३४॥

यतोऽयं पर्वते। यदंभि पर्वते। यदंभि सम्पर्वते। सर्वमायुरिति। न पुराऽऽयुंषः प्र मीयते। पृशुमान्भंवति। विन्दते प्रजाम्। अन्धः पंवते। अपोऽभि पंवते। अपोऽभि सम्पंवते॥३५॥

अस्याः पंवते। इमाम्भि पंवते। इमाम्भि सम्पंवते। अग्नेः पंवते। अग्निम्भि पंवते। अग्निम्भि सम्पंवते। अन्तरिक्षात्पवते। अन्तरिक्षम्भि पंवते। अन्तरिक्षम्भि सम्पंवते। आदित्यात्पंवते॥३६॥

आदित्यम्भि पंवते। आदित्यम्भि सम्पंवते। द्योः पंवते। दिवंम्भि पंवते। दिवंम्भि सम्पंवते। दिग्भ्यः पंवते। दिशोऽभि पंवते। दिशोऽभि सम्पंवते। स यत्पुरस्ताद्वातिं। प्राण एव भूत्वा पुरस्तौद्वाति॥३७॥

तस्मौत्पुरस्ताद्वान्तम्। सर्वाः प्रजाः प्रतिं नन्दन्ति। प्राणो हि प्रियः प्रजानांम्। प्राण इंव प्रियः प्रजानां भवति। य एवं वेदं। स वा एष प्राण एव। अथ यहंक्षिणतो वातिं। मात्रिश्वेव भूत्वा दंक्षिणतो वांति। तस्मौद्वक्षिणतो वान्तं विद्यात्। सर्वा दिश् आ वांति॥३८॥

सर्वा दिशोऽनु वि वांति। सर्वा दिशोऽनु सं वातीतिं। स वा एष मांतिरिश्वैव। अथ यत्पश्चाद्वातिं। पर्वमान एव भूत्वा पृश्चाद्वांति। पूतमंस्मा आहंरन्ति। पूतमुपंहरन्ति। पूतमंश्चाति। य एवं वेदं। स वा एष पर्वमान एव॥३९॥

अथ् यदुंत्तर्तो वाति। स्वितेव भूत्वोत्तर्तो वांति। स्वितेव स्वानां भवति। य एवं वेदं। स वा एष संवितेव। ते य एंनं पुरस्तांदायन्तंमुप्वदंन्ति। य एवास्यं पुरस्तांत्पाप्मानः। ताइस्तेऽपं प्रन्ति। पुरस्तादितंरान्पाप्मनः सचन्ते। अथ् य एंनं दक्षिणत आयन्तंमुपवदंन्ति॥४०॥

य पुवास्यं दक्षिणतः पाप्मानः। ताइस्तेऽपं घ्रन्ति। दक्षिणत इतंरान्पाप्मनः सचन्ते। अथ् य एंनं पृश्चादायन्तंमुप् वदंन्ति। य पुवास्यं पृश्चात्पाप्मानः। ताइस्तेऽपं घ्रन्ति। पृश्चादितंरान्पाप्मनः सचन्ते। अथ् य एंनमुत्तर्त आयन्तंमुप् वदंन्ति। य पृवास्यौत्तर्तः पाप्मानः। ताइस्तेऽपं घ्रन्ति॥४१॥

उत्तर्त इतरान्याप्मनः सचन्ते। तस्मदिवं विद्वान्। वीवं नृत्येत्। प्रेवं चलेत्। व्यस्येवाक्ष्यौ भाषेतः। मृण्टयेदिवः। ऋष्ययेदिवः। शृङ्गायेतेवः। उत मोपं वदेयुः। उत में पाप्मान्मपं हन्युरितिं। स यान्दिशः सिनमेष्यन्थस्यात्। यदा तान्दिशं वातो वायात्। अथ् प्रवेयात्। प्र वां धावयेत्। सातमेव रंदितं व्यूढं गुन्धमृभि प्रच्यंवते। आऽस्य तं जनपदं पूर्वां कीर्तिर्गच्छति। दानंकामा अस्मै प्रजा भंवन्ति। य एवं वेदं॥४२॥

वेद सम्पंवत आदित्यात्पंवते वात्या वात्येष पर्वमान एव दक्षिणत आयन्तंमुप् वदंन्त्युत्तरुतः पाप्मान्स्ताः स्तेपं घ्रन्तीत्यृष्टौ चं॥———[९]

प्रजापितः सोम् र राजांनमसृजतः। तं त्रयो वेदा अन्वंसृज्यन्तः। तान् हस्तेऽकुरुतः। अथ् ह सीतां सावित्रीः। सोम् र राजांनं चकमे। श्रृद्धामु स चंकमे। साऽऽहं पितरं प्रजापितिमुपंससारः। तर होवाच। नर्मस्ते अस्तु भगवः। उपं त्वाऽयानि॥४३॥

प्रत्वां पद्ये। सोम्ं वै राजांनं कामये। श्रृद्धामु स कांमयत् इतिं। तस्यां उ ह स्थांगुरमंलङ्कारं केल्पयित्वा। दर्शहोतारं पुरस्तौद्धाख्यायं। चतुरहोतारं दक्षिणृतः। पश्चेहोतारं पृश्चात्। षङ्कोतारमुत्तर्तः। सप्तहोतारमुपरिष्टात्। सम्भारश्च पित्निभिश्च मुखेंऽलुङ्कत्यं॥४४॥

आऽस्यार्थं वंब्राज। तार होदीक्ष्योवाच। उप मा वंर्त्स्वेति। तर होवाच। भोगं तु म् आचंक्ष्व। एतन्म् आचंक्ष्व। यत्ते पाणाविति। तस्यां उ ह त्रीन् वेदान्प्रदंदौ। तस्मादुहु स्त्रियो भोगुमैव हारयन्ते। स यः कामयेत प्रियः स्यामिति॥४५॥

यं वां कामयेत प्रियः स्यादिति। तस्मां एतः स्थांग्रमंलङ्कारं केल्पयित्वा। दशहोतारं पुरस्ताँ द्याख्यायं। चतुंर्होतारं दक्षिणतः। पञ्चहोतारं पृश्चात्। षङ्कोतारमुत्तर्तः। सप्तहोतारमुपरिष्टात्। सम्भारेश्च पित्रंभिश्च मुखेंऽलङ्कृत्यं। आस्यार्धं व्रंजेत्। प्रियो हैव भंवति॥४६॥

अयान्युलङ्कत्यं स्यामितिं भवति॥\_\_\_\_\_

ब्रह्मौत्मुन्वदंसृजत। तदंकामयत। समात्मनां पद्येयेति। आत्मुन्नात्मन्नित्यामंत्र्रयत। तस्मै दश्म हृतः प्रत्यंश्रणोत्। स

दर्शहूतोऽभवत्। दर्शहूतो ह् वै नामैषः। तं वा पृतं दर्शहूत्र सन्तम्। दर्शहोतेत्याचेक्षते पुरोक्षेण। पुरोक्षेप्रिया इवु हि देवाः॥४७॥

आत्मुन्नात्मुन्नित्यामंत्रयत। तस्मै सप्तम हूतः प्रत्यंश्वणोत्। स स्प्तहूंतोऽभवत्। स्प्तहूंतो हु वै नामैषः। तं वा एत र स्प्तहूंत र सन्तम्। स्प्तहोतेत्याचंक्षते प्रोक्षेण। प्रोक्षंप्रिया इव हि देवाः। आत्मुन्नात्मुन्नित्यामंत्रयत। तस्मै षष्ठ र हूतः प्रत्यंश्वणोत्। स षड्ढूंतो-ऽभवत्॥४८॥

षड्ढूंतो हु वै नामैषः। तं वा पृतः षड्ढूंतः सन्तम्। पड्छोतेत्याचंक्षते परोक्षंण। परोक्षंप्रिया इव हि देवाः। आत्मन्नात्मन्नित्यामंत्रयत। तस्मै पञ्चमः हूतः प्रत्यंश्वणोत्। स पञ्चंहूतोऽभवत्। पञ्चंहूतो हु वै नामैषः। तं वा पृतं पञ्चंहूतः सन्तम्। पञ्चंहोतेत्याचंक्षते परोक्षंण॥४९॥

प्रोक्षंप्रिया इव हि देवाः। आत्मन्नात्मन्नित्यामंत्रयत। तस्मैं चतुर्थ॰ हृतः प्रत्यंशृणोत्। स चतुंर्हृतोऽभवत्। चतुंर्हृतो हृ वै नामैषः। तं वा एतं चतुंर्हूत्र सन्तम्। चतुंर्होतेत्याचंक्षते प्रोक्षेण। प्रोक्षेप्रिया इव हि देवाः। तमंब्रवीत्। त्वं वै मे नेदिष्ठ हूतः प्रत्यंश्रोषीः। त्वयैनानाख्यातार् इति। तस्मान्नु हैना् श्रुश्चतुंर्होतार् इत्याचंक्षते। तस्माच्छुश्रूषुः पुत्राणा् हृ हृद्यंतमः। नेदिष्ठो हृद्यंतमः। नेदिष्ठो हृद्यंतमः। नेदिष्ठो हृद्यंतमः। नेदिष्ठो ब्रह्मणो भवति। य एवं वेद्याप् ।

देवाः षड्कृतोऽभवृत्पश्चहोतेत्याचेक्षते प्रोक्षेणाश्रौषीः षद्वं॥——[११] बृह्मवादिनः किं दक्षिणां यो वा अविद्वान्तस्य वे ब्रह्मवादिनः यद्दर्शहोतारः प्रजापंतिः

बृह्यवादनः कि दक्षिणा यो वा आवद्यान्तस्य व ब्रह्मवादना यहशहातारः प्रजापात्व्यस्र प्रजापातः पुरुषं प्रजापंतिरकामयत् स तपः सौँऽन्तर्वां-ब्रह्मवादिनो यो वा इमं विद्यात्प्रजापंतिः सोम्॰ राजांनं ब्रह्मांत्मन्वदेकांदश॥११॥

ब्रह्मवादिन्स्तस्य वा अग्नेर्यद्वा इदं किं चं प्रजापंतिरकामयत् य एवास्यं दक्षिणृतः पंश्चाशत्॥५०॥ ब्रह्मवादिनो य एवं वेदं॥

हरिंः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके तृतीयः प्रपाठकः समाप्तः॥

## ॥चतुर्थः प्रश्नः॥

## ॥ तैत्तिरीयब्राह्मणे द्वितीयाष्टके चतुर्थः प्रपाठकः॥

जुष्टो दमूना अतिथिर्दुरोणे। इमं नों यज्ञमुपं याहि विद्वान्। विश्वां अग्नेऽभियुजों विहत्यं। श्रृत्युतामा भंरा भोजनानि। अग्ने शर्धं मह्ते सौभंगाय। तवं द्युम्नान्यंत्तमानिं सन्तु। सऔस्पत्य स्युयम्मा कृणुष्व। श्रृत्युताम्भि तिष्ठा महा रसि। अग्ने यो नोऽभितो जनंः। वृको वारो जिघा रसित॥१॥

ताइस्त्वं वृंत्रहं जिहि। वस्वस्मभ्यमा भेर। अग्ने यो नौ-ऽभिदासंति। समानो यश्च निष्ट्यः। इध्मस्येव प्रक्षायंतः। मा तस्योच्छेषि किश्चन। त्विमेन्द्राभिभूरंसि। देवो विज्ञांतवीर्यः। वृत्रहा पुंरुचेतंनः। अप प्राचं इन्द्र विश्वारं अमित्रान्॥२॥

अपापांचो अभिभूते नुदस्व। अपोदींचो अपंशूराध्रा चं ऊरौ। यथा तव शर्मन्मदेम। तिमन्द्रं वाजयामिस। महे वृत्राय हन्तंवे। स वृषां वृष्मो भुंवत्। युजे रथं गुवेषंण् हिर्रिभ्याम्। उप ब्रह्माणि जुजुषाणमंस्थुः। विबाधिष्टास्य रोदंसी महित्वा। इन्द्रों वृत्राण्यंप्रतीजंघन्वान्॥३॥

ह्व्यवाहंमभिमातिषाहम्ं। रुक्षोहणं पृतंनासु जिष्णुम्। ज्योतिष्मन्तं दीद्यंतं पुरंन्धिम्। अग्निः स्विष्टकृतमा हुंवेम। स्विष्टमग्ने अभि तत्पृंणाहि। विश्वां देव पृतंना अभि ष्य। उरुं

चतुर्थः प्रश्नः

हविष्मन्तः। देवं मर्तास ईडते॥४॥

अन्वेतु नः। पूषा रेक्षुत्वर्वतः। पूषा वाजर्र सनोतु नः। पूषेमा आशा अनुवेद सर्वाः॥५॥

सो अस्मार अभयतमेन नेषत्। स्वस्तिदा अर्घृणिः

नो दुर्गहां जातवेदः। सिन्धुं न नावा दुंरिताऽतिं पर्षि। अग्ने अत्रिवन्मनंसा गृणानः। अस्माकं बोध्यविता तुनूनांम्। पूषा गा

मन्यें त्वा जातवेदसम्। स हव्या वंक्ष्यानुषक्। विश्वांनि

सर्ववीरः। अप्रयुच्छन्पुर एंतु प्रजानन्। त्वमंग्ने सुप्रथां असि। जुष्टो होता वरेंण्यः। त्वर्या यज्ञं वितन्वते। अग्नी रक्षार्श्स सेधति। शुक्रशोचिरमंर्त्यः। शुचिः पावक ईड्यः। अग्ने रक्षां णो अश्हंसः॥६॥

प्रतिं ष्म देव रीषंतः। तिपंष्ठेरजरों दह। अग्ने हश्सि न्यंत्रिणम्। दीद्यन्मर्त्येष्वा। स्वे क्षये शुचिव्रत। आ वांत वाहि भेषजम्। वि वांत वाहि यद्रपंः। त्व १ हि विश्वभेषजः। देवानां दूत ईयंसे। द्वाविमौ वातौं वातः॥७॥

आ सिन्धोरा पंरावर्तः। दक्षं मे अन्य आवातुं। परान्यो वांतु यद्रपंः। यद्दो वांत ते गृहे। अमृतंस्य निधिर्हितः। ततों नो देहि जीवसें। ततों नो धेहि भेषुजम्। ततों नो मह आवंह। वातु आवांतु भेषजम्। शम्भूर्मयोभूर्नो हृदे॥८॥

प्र ण आयू ५ षि तारिषत्। त्वमंग्ने अयासिं। अया सन्मनंसा हितः। अया सन् ह्व्यमूंहिषे। अया नों धेहि भेषजम्। इष्टो अग्निराहुंतः। स्वाहांकृतः पिपर्तु नः। स्वगा देवेभ्यं इदं नमः। कामों भूतस्य भव्यंस्य। सम्राडेको विराजिति॥९॥

स इदं प्रति पप्रथे। ऋतूनुथ्मृंजते वृशी। काम्स्तदग्रे समंवर्ततािधे। मनसो रेतः प्रथमं यदासींत्। स्तो बन्धुमसंति निरंविन्दन्। हृदि प्रतीष्यां क्वयों मनीषा। त्वयां मन्यो स्रथमारुजन्तः। हर्षमाणासो धृषता मरुत्वः। तिग्मेषेव आयुंधा स्रशिशानाः। उप प्रयंन्ति नरों अग्निरूपाः॥१०॥

मृन्युर्भगो मृन्युर्वासं देवः। मृन्युर्होता वर्रुणो विश्ववेदाः।
मृन्युं विश्वं ईडते देवयन्तीः। पाहि नो मन्यो तपंसा श्रमेण।
त्वमंग्ने व्रत्मृच्छुचिः। देवा असादया इह। अग्नें ह्व्याय वोढंवे।
ब्रतानुबिश्नंद्वतपा अदाभ्यः। यजां नो देवा अजरः सुवीरः।
दध्रव्रत्नानि सुविदानो अग्ने। गोपाय नो जीवसे जातवेदः॥११॥
जिघा सत्यमित्रां अघुन्वानीं इते सर्वा अरहंसो वातो हृदे राजत्यग्निरूपाः
स्विदानो अंग्न एकं च॥————[१]

चक्षुंषो हेते मनंसो हेते। वाचों हेते ब्रह्मंणो हेते। यो मां-ऽघायुरंभिदासंति। तमंग्ने मेन्या मेनिं कृणु। यो मा चक्षुंषा यो मनसा। यो वाचा ब्रह्मंणाऽघायुरंभिदासंति। तयाँऽग्ने त्वं मेन्या। अमुमंमेनिं कृंणु। यत्किश्चासौ मनंसा यर्च वाचा। य्ज्ञैर्जुहोति यजुंषा हविर्भिः॥१२॥

तन्मृत्युर्निर्ऋंत्या संविदानः। पुरादिष्टादाहुंतीरस्य हन्तु। यातुधाना निर्ऋंतिरादुरक्षः। ते अस्य घ्रन्त्वनृंतेन सत्यम्। इन्द्रेषिता आज्यंमस्य मथ्नन्तु। मा तथ्समृंद्धि यद्सौ क्रोतिं। हन्मिं तेऽहं कृत हिवः। यो में घोरमचींकृतः। अपाँश्रौ त उभौ बाह। अपनह्याम्यास्यम्॥१३॥

अपं नह्यामि ते बाहू। अपं नह्याम्यास्यम्। अग्नेर्देवस्य ब्रह्मणा। सर्वं तेऽविधषं कृतम्। पुराऽमुष्यं वषद्भारात्। यज्ञं देवेषुं नस्कृधि। स्विष्टम्स्माकं भूयात्। माऽस्मान्प्रापन्नरांतयः। अन्ति दूरे स्तो अग्ने। भ्रातृंव्यस्याभिदासंतः॥१४॥

वृषद्भारेण वर्जेण। कृत्याः हंन्मि कृतामहम्। यो मा नक्तं दिवां सायम्। प्रातश्चाह्नों निपीयंति। अद्या तिमेन्द्र वर्जेण। भातृंव्यं पादयामिस। इन्द्रंस्य गृहोंऽसि तन्त्वां। प्रपंद्ये सगुः सार्श्वः। सह यन्मे अस्ति तेनं। ईडें अग्निं विपश्चितम्॥१५॥

गिरा युज्ञस्य साधंनम्। श्रुष्टीवानंन्धितावांनम्। अग्ने श्वेकमं ते वयम्। यमं देवस्यं वाजिनंः। अति द्वेषार्श्स तरेम। अवंतं मा समंनसौ समोकसौ। सचेतसौ सरेतसौ। उभौ मामंवतञ्जातवेदसौ। शिवौ भवतमद्य नंः। स्वयं कृण्वानः सुगमप्रयावम्॥१६॥ तिग्मशृंङ्गो वृष्भः शोशुंचानः। प्रत्न स्प्रस्थमनु पश्यंमानः। आ तन्तुंमृग्निर्द्वियं तंतान। त्वन्नस्तन्तुंकृत सेतुंरग्ने। त्वं पन्थां भविस देव्यानः। त्वयांऽग्ने पृष्ठं व्यमार्कहेम। अथां देवैः संध्मादं मदेम। उद्तुंत्तमं मुंमुग्धि नः। वि पाशं मध्यमश्रृंत। अवांधमानिं जीवसें॥१७॥

व्यर सोम ब्रते तवं। मनंस्त्नूषु बिभ्रंतः। प्रजावंन्तो अशीमिह। इन्द्राणी देवी सुभगां सुपत्नी। उदर्शेन पित्विद्ये जिगाय। त्रिर्शदंस्या ज्यनं योजंनािन। उपस्थ इन्द्र्र् स्थिवंरं बिभिति। सेनां ह् नामं पृथिवी धंनञ्जया। विश्वव्यंचा अदितिः सूर्यत्वक्। इन्द्राणी देवी प्रासहा ददांना॥१८॥

सा नों देवी सुहवा शर्म यच्छतु। आत्वांऽहार्षम्नतरंभूः। ध्रुवस्तिष्ठाविंचाचितः। विशंस्त्वा सर्वा वाञ्छन्तु। मा त्वद्राष्ट्रमिधे भ्रशत्। ध्रुवा द्यौर्धुवा पृंथिवी। ध्रुवं विश्वंमिदं जर्गत्। ध्रुवा हु पर्वता इमे। ध्रुवो राजां विशामयम्। इहैवैधि मा व्यंथिष्ठाः॥१९॥

पर्वत इवाविचाचितः। इन्द्रं इवेह ध्रुवस्तिष्ठ। इह राष्ट्रम्ं धारय। अभितिष्ठ पृतन्यतः। अधेरे सन्तु शत्रंवः। इन्द्रं इव वृत्रहा तिष्ठ। अपः क्षेत्रांणि स्अयन्। इन्द्रं एणमदीधरत्। ध्रुवं ध्रुवेणं ह्विषां। तस्मैं देवा अधिब्रवन्। अयं च ब्रह्मणस्पतिः॥२०॥ ह्विर्भिरास्यमभि दासंतो विपश्चित्मप्रयावञ्चीवसे ददांना व्यथिष्ठा ब्रवन्नेकं

जुष्टीं नरो ब्रह्मणा वः पितृणाम्। अक्षंमव्ययं न किलारिषाथ। यच्छक्रेरीषु बृह्ता रवेण। इन्द्रे शुष्ममदंधाथा वसिष्ठाः। पावका नः सरंस्वती। वाजेभिर्वाजिनीवती। यृज्ञं वष्टु धिया वसुः। सरंस्वत्यभिनों नेषि वस्यः। मा पंस्फरीः पर्यसा मा न आधंक्। जुषस्वं नः सुख्यां वेश्यां च॥२१॥

मा त्वक्षेत्राण्यरंणानि गन्म। वृञ्जे ह्विर्नमंसा ब्र्हिर्ग्नौ। अयांमि सुग्धृतवंती सुवृक्तिः। अम्यक्षि सद्म सदेने पृथिव्याः। अश्रांयि यज्ञः सूर्ये न चक्षुंः। इहार्वाञ्चमिति ह्वये। इन्द्रं जैत्रांय जेतेवे। अस्माकंमस्तु केवेलः। अर्वाञ्चमिन्द्रंम्मुतो हवामहे। यो गोजिद्धंनजिदंश्वजिद्यः॥२२॥

ड्मं नो यज्ञं विंह्वे जुंषस्व। अस्य कुंमों हरिवो मेदिनं त्वा। असंम्मृष्टो जायसे मातृवोः शुचिंः। मृन्द्रः क्विरुदंतिष्ठो विवंस्वतः। घृतेनं त्वा वर्धयन्नग्न आहुत। धूमस्ते केतुरंभवद्दिवि श्रितः। अग्निरग्नै प्रथमो देवतानाम्। संयातानामृत्तमो विष्णुंरासीत्। यजमानाय परिगृह्यं देवान्। दीक्षयेद १ ह्विरा गंच्छतन्नः॥२३॥

अग्निश्चं विष्णो तपं उत्तमं महः। दीक्षापालेभ्योऽवनंतुः हि शंक्रा। विश्वेर्देवैर्य्जियैः संविदानौ। दीक्षामस्मै यजमानाय धत्तम्। प्र तिद्वर्ष्णुः स्तवते वीर्याय। मृगो न भीमः कुंचरो गिरिष्ठाः। यस्योरुषुं त्रिषु विक्रमंणेषु। अधि क्षियन्ति भुवनानि विश्वा। नूमर्तो दयते सनिष्यन् यः। विष्णंव उरुगायाय दाशंत्॥२४॥

प्रयः स्त्राचा मनंसा यजांतै। एतावंन्तृत्रर्यमा विवांसात्। विचंक्रमे पृथिवीमेष एताम्। क्षेत्रांय विष्णुर्मनुषे दशस्यन्। ध्रुवासों अस्य की्रयो जनांसः। उरुक्षिति स्जुजनिमा चकार। त्रिर्देवः पृथिवीमेष एताम्। विचंक्रमे शृतर्चसं महित्वा। प्र विष्णुंरस्तु त्वस्स्तवींयान्। त्वेष इस्य स्थविंरस्य नामं॥२५॥

होतारं चित्ररंथमध्वरस्यं। युज्ञस्यंयज्ञस्य कृतु र रुशंन्तम्। प्रत्यंधिं देवस्यदेवस्य मृहा। श्रिया त्वंग्निमितिंधिं जनांनाम्। आ नो विश्वांभिरूतिभिः सजोषाः। ब्रह्मं जुषाणो हंर्यश्व याहि। वरीवृज्ध्स्थविरेभिः सुशिप्र। अस्मे दधृदृषंणु शुष्मंमिन्द्र। इन्द्रः सुवर्षा जनयन्नहांनि। जिगायोशिग्भः पृतंना अभि श्रीः॥२६॥

प्रारोचयन्मनंवे केतुमह्रांम्। अविन्दुज्योतिर्बृह्ते रणांय। अश्विनाववंसे निह्नये वाम्। आ नूनं यांतर सुकृतायं विप्रा। प्रात्युंक्तेनं सुवृता रथेन। उपागच्छत्मवसागंतन्नः। अविष्टं धीष्वश्विना न आसु। प्रजावद्रेतो अह्रयं नो अस्तु। आवां तोके तनये तूर्तुजानाः। सुरह्मासो देववीतिं गमेम॥२७॥

त्वर सोम् ऋतुंभिः सुऋतुंभूः। त्वं दक्षैः सुदक्षों विश्ववेदाः।

त्वं वृषां वृष्त्वेभिर्मिह्त्वा। द्युम्नेभिर्द्युम्यंभवो नृचक्षाः। अषांढं युथ्सु पृतंनासु पप्रिम्। सुवर्षाम्पस्वां वृजनंस्य गोपाम्। भरेषुजाः संक्षिति स्युश्रवंसम्। जयंन्तं त्वामनुं मदेम सोम। भवां मित्रो न शेव्यों घृतासुंतिः। विभूतद्युम्न एव या उं सप्रथाः॥२८॥

अधां ते विष्णो विदुषां चिद्दध्यः। स्तोमां यूज्ञस्य राध्यां ह्विष्मंतः। यः पूर्व्यायं वेधसे नवीयसे। सुमज्ञानये विष्णंवे ददांशति। यो जातमस्य मंह्तो मृहि ब्रवांत्। सेदु श्रवोंभिर्युज्यं चिद्भ्यंसत्। तम् स्तोतारः पूर्व्यं यथां विद ऋतस्यं। गर्भर् ह्विषां पिपर्तन। आऽस्यं जानन्तो नामं चिद्विवक्तन। बृहत्तें विष्णो सुमृतिं भंजामहे॥२९॥

इमा धाना घृंतस्रुवंः। हरीं इहोपंवक्षतः। इन्द्रर्रं सुखतंमे रथैं। एष ब्रह्मा प्रतेमहे। विदर्थे शर्सिष्ट् हरीं। य ऋत्वियः प्रते वन्वे। वनुषो हर्यतं मदम्। इन्द्रो नामं घृतन्नयः। हरिभिक्षारु सेचंते। श्रुतो गुण आ त्वां विशन्तु॥३०॥

हरिवर्पस्ङ्गिरं। आचंर्षणिप्रा वृष्भो जनांनाम्। राजां कृष्टीनां पुंरुहूत इन्द्रंः। स्तुतश्रंवस्यन्नवसोपंमद्रिक्। युक्ता हरी वृष्णायाँह्यर्वाङ्। प्र यथ्सिन्धंवः प्रस्वं यदायन्ं। आपंः समुद्रश्र् रथ्येव जग्मः। अतंश्चिदिन्द्रः सदंसो वरीयान्। यदीश् सोमंः पृणतिं दुग्धो अश्राः। ह्वयांमसि त्वेन्द्रं याह्यंर्वाङ्॥३१॥ अरंन्ते सोमंस्तुन्वे भवाति। शतंत्रतो मादयंस्वा सुतेषुं। प्रास्मा अव पृतंनासु प्रयुथ्सु। इन्द्रांय सोमाः प्रदिवो विदानाः। ऋभुर्येभिवृ्षंपर्वा विहायाः। प्रयम्यमाणान्प्रति षू गृंभाय। इन्द्र पिब वृषंधूतस्य वृष्णः। अहेडमान् उपंयाहि यज्ञम्। तुभ्यं पवन्त इन्दंवः सुतासंः। गावो न वंज्रिन्थ्स्वमोको अच्छं॥३२॥

नृक्तं जाताऽस्योषधे। रामे कृष्णे असिक्रि च। इद॰ रंजिन रजय। किलासं पिलतं च यत्। किलासं च पिलतं चं। निरितो नांशया पृषंत्। आ नः स्वो अंश्जुतां वर्णः। पराँ श्वेतानिं पातय। असितं ते निलयंनम्। आस्थानमसितं तवं॥३४॥ असिंक्रियस्योषधे। निरितो नांशया पृषंत्। अस्थिजस्यं किलासंस्य। तुनूजस्यं च यत्त्वचि। कृत्ययां कृतस्य ब्रह्मंणा। लक्ष्मं श्वेतमंनीनशम्। सरूपा नामं ते माता। सरूपो नामं ते पिता। सरूपाऽस्योषधे सा। सरूपमिदं कृधि॥३५॥

शुन १ हुंवेम मुघवांनुमिन्द्रम्। अस्मिन्भरे नृतंम् वाजंसातौ। शृण्वन्तंमुग्रमूतये समथ्सुं। घ्रन्तं वृत्राणि सक्षितं धनांनाम्। धूनुथ द्यां पर्वतान्दाशुषे वसुं। नि वो वनां जिहते यामं नो भिया। कोपयंथ पृथिवीं पृंश्विमातरः। युधे यदुंग्राः पृषंतीरयुंग्ध्वम्। प्रवेपयन्ति पर्वतान्। विविश्चन्ति वनस्पतीन्॥३६॥

प्रोवारत मरुतो दुर्मदां इव। देवांसः सर्वया विशा। पुरुत्रा हि सद्दृङ्गसिं। विशो विश्वा अनुं प्रभु। समथ्सुं त्वा हवामहे। समथ्स्वग्निमवंसे। वाजयन्तों हवामहे। वाजेषु चित्रराधसम्। सङ्गेच्छध्व संवद्ध्यम्। सं वो मनार्ससे जानताम्॥३७॥

देवा भागं यथा पूर्वे। सुञ्जानाना उपासंत। समानो मञ्रः सिमंतिः समानी। समानं मनः सह चित्तमंषाम्। समानं केतों अभि स॰ रंभध्वम्। संज्ञानेन वो ह्विषां यजामः। समानी व आकूंतिः। समाना हृदंयानि वः। समानमंस्तु वो मनः। यथां वः सुसहासंति॥३८॥

सुंज्ञानं नुः स्वैः। सुंज्ञानुमरंणैः। सुंज्ञानमिश्विना युवम्।

इहास्मासु नियंच्छतम्। संज्ञानं मे बृह्स्पतिः। संज्ञानरं सिवता कंरत्। संज्ञानंमिश्वना युवम्। इह मह्यं नि यंच्छतम्। उपं च्छायामिव घृणैः। अगंन्म शर्म ते वयम्॥३९॥

अग्ने हिरंण्यसन्दशः। अदंब्येभिः सवितः पायुभिष्ठम्। शिवेभिर्द्य परिपाहि नो गयम्। हिरंण्यजिह्नः सुविताय नव्यंसे। रक्षा माकिर्नो अघशर्रस ईशत। मदेमदे हि नो दुदुः। यूथा गवामृजुक्रतुंः। सङ्गृभाय पुरूशता। उभया हस्त्या वसुं। शिशीहि राय आ भर॥४०॥

शिप्रिन्वाजानां पते। शचीवस्तवं दुर्सनौ। आ तू नं इन्द्र भाजय। गोष्वश्वेषु शुभ्रुषुं। सहस्रेषु तुवीमघ। यद्देवा देवहेर्डनम्। देवांसश्चकृमा व्यम्। आदित्यास्तस्मौन्मा यूयम्। ऋतस्यर्तेनं मुश्चत। ऋतस्यर्तेनांऽऽदित्याः॥४१॥

यजंत्रा मुश्रतेह माँ। युज्ञैर्वो यज्ञवाहसः। आशिक्षंन्तो न शेंकिम। मेदंस्वता यजंमानाः। स्रुचाऽऽज्येन जुह्वंतः। अकामा वो विश्वेदेवाः। शिक्षंन्तो नोपं शेकिम। यदि दिवा यदि नक्तम्। एनं एन्स्योकंरत्। भूतं मा तस्माद्भव्यं च॥४२॥

द्रुपदादिव मुश्रतु। द्रुपदादिवेन्म्ममुचानः। स्विन्नः स्नात्वी मलादिव। पूतं पवित्रेणेवाऽऽज्यम्। विश्वे मुश्रन्तु मैनंसः। उद्वयं तमसस्परि। पश्यन्तो ज्योति्रुर्त्तरम्। देवं देवृत्रा सूर्यम्। अगन्म ज्योतिंरुत्तमम्॥४३॥

तवं कृषि वनस्पतीं आनतामसंति वयं भंरादित्याश्च नवं च॥——[४] वृषा सो अर्शः पंवते हिवष्मान्थ्सोमः। इन्द्रंस्य भाग ऋतयः

वृषा सा अर्शः पवत हावध्मान्थ्सामः। इन्द्रस्य माग ऋत्यः श्तायुः। स मा वृषाणं वृष्मं कृणोत्। प्रियं विशार सर्ववीरर सुवीरम्। कस्य वृषां सुते सचां। नियुत्वांन्वृष्मो रणत्। वृत्रृहा सोमंपीतये। यस्ते शृङ्ग वृषोनपात्। प्रणपात्कुण्डपाय्यः। न्यंस्मिन्दध्र आ मनः॥४४॥

त र स्प्रीचींकृतयो वृष्णियानि। पौ इस्यांनि नियुतः सश्चु-रिन्द्रम्। स्मुद्रं न सिन्धंव उक्थशुंष्माः। उक्व्यचंस्ङ्गिर् आ विंशन्ति। इन्द्रांय गिरो अनिशितसर्गाः। अपः प्रैरंयुन्थ्सगंरस्य बुप्नात्। यो अक्षेणेव चिक्रया शचींभिः। विष्वंक्तस्तम्भं पृथिवीमुत द्याम्। अक्षोदयच्छवंसा क्षामंबुप्नम्। वार्णवांतुस्तविंषीभिरिन्द्रंः॥४५॥

दृढान्यौँघ्रादुशमांन् ओजंः। अवांभिनत्कुकुमः पर्वतानाम्। आ नों अग्ने सुकेतुनाँ। र्यिं विश्वायुंपोषसम्। मार्डीकं धेंहि जीवसेँ। त्व॰ सोम महे भगम्ँ। त्वं यूनं ऋतायते। दक्षं दधासि जीवसेँ। रथं युअते मुरुतंः शुभे सुगम्। सूरो न मित्रावरुणा गविंष्टिषु॥४६॥

रजार्रसि चित्रा विचरन्ति तुन्यवंः। दिवः संम्राजा पर्यसा न उक्षतम्। वाच्र् सुमित्रावरुणाविरावतीम्। पुर्जन्यश्चित्रां वंदित् त्विषीमतीम्। अभ्रा वंसत मरुतः सुमाययाः। द्यां वंर्षयतमरुणामंरेपसम्। अयंक्त सप्त शुन्ध्युवंः। सूरो रथंस्य नृष्त्रियंः। ताभिर्याति स्वयंक्तिभिः। वहिष्ठेभिर्विहरंन् यासि तन्तुम्॥४७॥

अव्वययन्नसितं देव वस्वः। दविध्वतो रश्मयः सूर्यस्य। चर्मेवावाधुस्तमो अपस्वन्तः। पूर्जन्याय प्र गांयत। दिवस्पुत्रायं मीदुषैं। स नो यवसंमिच्छतु। अच्छां वद त्वसं गीर्मिराभिः। स्तुहि पूर्जन्यं नम्साऽऽविवास। किनेक्रदद्वृष्भो जीरदानुः। रेतो दधात्वोषंधीषु गर्भम्॥४८॥

यो गर्भमोषंधीनाम्। गवां कृणोत्यर्वताम्। पूर्जन्यः पुरुषीणांम्। तस्मा इदास्ये ह्विः। जुहोता मधुंमत्तमम्। इडां नः स्यतं करत्। तिस्रो यदंग्ने शुरद्स्त्वामित्। शुचिं घृतेन शुचंयः सपूर्यन्। नामांनि चिद्दिधेरे युज्ञियांनि। असूदयन्त तुनुवः सुजाताः॥४९॥

इन्द्रंश्च नः शुनासीरौ। इमं युज्ञं मिंमिक्षतम्। गर्भं धत्तः स्वस्तयें। ययोरिदं विश्वं भुवंनमा विवेशं। ययोरानन्दो निहितो महंश्च। शुनांसीरावृतुभिः संविदानौ। इन्द्रंवन्तौ ह्विरिदं जुंषेथाम्। आघाये अग्निमिन्धते। स्तृणन्ति बर्हिरांनुषक्। येषामिन्द्रो युवा सखाँ। अग्न इन्द्रंश्च मेदिनाँ। हथो वृत्राण्यंप्रति। युवः हि वृत्रहन्तंमा। याभ्याः सुवरजंयन्त्रग्नं एव। यावांतस्थतुर्भुवंनस्य मध्यें। प्रचर्षणी वृषणा वर्ज्ञंबाहू। अग्नी इन्द्रांवृत्रहणां हवे

वाम्॥५०॥

मन् इन्द्रो गविंष्टिषु तन्तुं गर्भू सुजाताः सखां सप्त चं॥———[५]

उत नंः प्रिया प्रियास्ं। सप्तस्वसा सुजुंष्टा। सरंस्वती स्तोम्यां उभूत्। इमा जुह्वांनायुष्मदा नमोभिः। प्रति स्तोमर् सरस्वति जुषस्व। तव शर्मान्य्रियतंमे दथांनाः। उपंस्थेयाम शर्णं न वृक्षम्। त्रीणिं पदा विचंक्रमे। विष्णुंर्गोपा अदाँभ्यः। ततो धर्माणि धारयन्॥५१॥

तदंस्य प्रियम्भि पाथों अश्याम्। नरो यत्रं देवयवो मदंन्ति। उरुक्रमस्य स हि बन्धुंरित्था। विष्णोः पदे पर्मे मध्य उथ्सः। कृत्वादा अस्थु श्रेष्ठः। अद्य त्वां वन्वन्थ्सुरेक्णाः। मर्तं आनाश सुवृक्तिम्। इमा ब्रंह्म ब्रह्मवाह। प्रिया त आ ब्र्हिः सींद। वीहि सूर पुरोडाशम्॥५२॥

उपं नः सूनवो गिरंः। शृण्वन्त्वमृतंस्य ये। सुमृडीका भेवन्तु नः। अद्या नो देव सवितः। प्रजावंथ्सावीः सौभंगम्। परां दुःष्वप्रियः सुव। विश्वांनि देव सवितः। दुरितानि परां सुव। यद्भद्रं तन्म आ सुव। शुचिमकैर्बृहुस्पतिम्॥५३॥

अध्वरेषुं नमस्यत। अनाम्योज् आ चंके। या धारयंन्त देवा सुदक्षा दक्षंपितारा। असुर्याय प्रमंहसा। स इत् क्षेति सुधित ओकंसि स्वे। तस्मा इडां पिन्वते विश्वदानीं। तस्मै विशंः स्वयमेवानंमन्ति। यस्मिन्ब्रह्मा राजीनि पूर्व एति। सकूंतिमिन्द्र सर्च्युतिम्। सर्च्युतिं जघनंच्युतिम्॥५४॥

कुनात्काभान्न आ भेर। प्रयुपस्यन्निव स्वक्थौं। वि नं इन्द्र मृधों जिह। कनींखुनिदव सापयन्। अभि नः सृष्टुंतिं नय। प्रजा-पंतिः स्त्रियां यशंः। मुष्कयोरदधाथ्सपम्। कामस्य तृप्तिमानन्दम्। तस्यौग्ने भाजयेह मा। मोदंः प्रमोद आनुन्दः॥५५॥

मुष्कयोर्निहितः सपंः। सृत्वेव कामंस्य तृप्याणि। दक्षिणानां प्रतिग्रहे। मनसश्चित्तमाकूतिम्। वाचः सत्यमंशीमहि। पृश्नाः रूपमन्नस्य। यशः श्रीः श्रयतां मियं। यथाऽहमस्या अतृपः स्त्रिय पुमान्। यथा स्त्री तृप्यंति पुम्सि प्रिये प्रिया। एवं भगस्य तृप्याणि॥५६॥

यज्ञस्य काम्यः प्रियः। दद्मानित्यग्निर्वदिति। तथेतिं वायुरांह्
तत्। हन्तेतिं स्त्यं चन्द्रमाः। आदित्यः सत्यमोमिति।
आप्स्तथ्सत्यमा भेरन्। यशों यज्ञस्य दक्षिणाम्। असौ
मे कामः समृद्धताम्। न हि स्पश्मविंदन्नन्यम्स्मात्।
वैश्वान्रात्पुरपृतारमभ्रेः॥५७॥

अथेंममन्थन्नमृत्ममूंराः। वैश्वान्रं क्षेत्रजित्यांय देवाः। येषांमिमे पूर्वे अर्मास् आसन्। अयूपाः सद्म विभृंता पुरूणिं। वैश्वानर् त्वया ते नुत्ताः। पृथिवीमन्याम्भितंस्थुर्जनांसः। पृथिवीं मातरं महीम्। अन्तरिक्षमुपं ब्रुवे। बृह्तीमूतये दिवम्। विश्वं बिभर्ति पृथिवी॥५८॥

अन्तरिक्षं वि पंप्रथे। दुहे द्यौर्बृह्ती पर्यः। न ता नंशन्ति न दंभाति तस्कंरः। नैनां अमित्रो व्यथिरादंधर्षति। देवा ॥ याभिर्यजंते ददांति च। ज्योगित्ताभिः सचते गोपंतिः सह। न ता अर्वा रेणुकंकाटो अश्जते। न स ॥ स्कृत्त्रमुपं यन्ति ता अभि। उरुगायमभंयं तस्य ता अन्। गावो मर्त्यस्य वि चंरन्ति यज्वंनः॥ ५९॥

रात्री व्यंख्यदायती। पुरुत्रा देव्यंक्षभिः। विश्वा अधि श्रियोऽधित। उपं ते गा इवाकंरम्। वृणीष्व दुंहितर्दिवः। रात्री स्तोमं न जिग्युषीं। देवीं वाचंमजनयन्त देवाः। तां विश्वरूपाः पृशवीं वदन्ति। सा नों मृन्द्रेषमूर्जुं दुर्हाना। धेनुर्वागुस्मानुप् सुष्टुतैतुं॥६०॥

यद्वाग्वदंन्त्यविचेत्नानिं। राष्ट्रीं देवानां निष्सादं मृन्द्रा। चतंस्र ऊर्जं दुदुहे पयारंसि। क्रं स्विदस्याः पर्मं जंगाम। गौरी मिंमाय सिल्लानि तक्षंती। एकंपदी द्विपदी सा चतुंष्पदी। अष्टापंदी नवंपदी बभूवुषीं। सहस्राक्षरा पर्मे व्योमन्। तस्यारं समुद्रा अधि विक्षंरन्ति। तेनं जीवन्ति प्रदिश्श्चतंस्रः॥६१॥

तर्तः क्षरत्यक्षरम्। तद्विश्वमुपं जीवति। इन्द्रासूरां जनयंन्विश्वकंर्मा। मुरुत्वारं अस्तु गुणवान्थसजातवान्। अस्य स्रुषा श्वश्रंरस्य प्रशिष्टिम्। स्पत्ना वाचं मनसा उपासताम्। इन्द्रः स्रो अतर्द्रजार्श्स। स्रुषा स्पत्ना श्वश्रंरोऽयमस्तु। अयर

शत्रूं अयतु जर्ह्हंषाणः। अयं वार्जं जयतु वार्जसातौ। अग्निः क्षंत्रभृदिनंभृष्टमोर्जः। सहस्रियों दीप्यतामप्रयुच्छन्। विभ्राजमानः समिधा न उग्रः। आऽन्तरिक्षमरुहदगुन्द्याम्॥६२॥

धारयंन्युरोडाशं बृह्स्पतिं ज्ञधनंच्युतिमानन्दो भगस्य तृप्याण्युग्नेः पृथिवी यज्वंन एतु प्रदिश्श्वतंस्रो वाजंसातौ चृत्वारिं च॥———[६]

वृषाँ उस्य १ शुर्वृष्भायं गृह्यसे। वृषा उयमुग्रो नृचक्षंसे। दिव्यः कंर्मृण्यो हितो बृहन्नामं। वृष्भस्य या कुकुत्। विष्वान् विष्णो भवत्। अयं यो मामको वृषाँ। अथो इन्द्रं इव देवेभ्यः। वि ब्रंवीतु जनैभ्यः। आयुष्मन्तं वर्चस्वन्तम्। अथो अधिपतिं विशाम्॥६३॥

अस्याः पृंथिव्या अध्यक्षम्। इमिमन्द्र वृष्भं कृण्। यः सुशृङ्गः सुवृष्भः। कल्याणो द्रोण आहितः। कार्षीवल प्रगाणेन। वृष्भेणे यजामहे। वृष्भेण यजमानाः। अर्कूरेणेव सर्पिषाः। मृद्धेश्च सर्वा इन्द्रेण। पृतंनाश्च जयामसि॥६४॥

यस्यायमृष्मो ह्विः। इन्द्रांय परिणीयतैं। जयांति शत्रुंमायन्तम्। अथो हन्ति पृतन्यतः। नृणामहं प्रणीरसंत्। अग्रं उद्भिन्दतामंसत्। इन्द्र शुष्मं तनुवा मेरंयस्व। नीचा विश्वां अभितिष्ठाभिमांतीः। नि शृंणीह्याबा्धं यो नो अस्ति। उरुं नो लोकं कृणुहि जीरदानो॥६५॥

प्रेह्यभि प्रेह्नि प्र भंग् सहंस्व। मा विवेनो वि शृंणुष्वा जनेषु। उदींडितो वृंषभ् तिष्ठ शुष्मैः। इन्द्र शत्रूंन्युरो अस्माकं युध्य। अग्ने जेता त्वं जंय। शत्रूंन्थ्सहस् ओजंसा। वि शत्रून् विमृधीं नुद। एतं ते स्तोमं तुविजात विप्रः। रथं न धीरः स्वपां अतक्षम्। यदीदंग्ने प्रतित्वं देव हर्याः॥६६॥

सुवंवितीर्प एंना जयेम। यो घृतेनाभिमांनितः। इन्द्र जैत्रांय जित्तिषे। स नः सङ्कांसु पारय। पृतनासाह्येषु च। इन्द्रों जिगाय पृथिवीम्। अन्तरिक्षर् सुवंर्महत्। वृत्रहा पुंरुचेतंनः। इन्द्रों जिगाय सहंसा सहार्रसे। इन्द्रों जिगाय पृतंनानि विश्वां॥६७॥

इन्द्रों जातो वि पुरों रुरोज। स नः पर्स्पा वरिवः कृणोतु। अयं कृतुरगृंभीतः। विश्वजिदुद्भिदिथ्सोमः। ऋषिविप्रः काव्येन। वायुरंग्रेगा यंज्ञप्रीः। साकङ्गन्मनंसा यज्ञम्। शिवो नियुद्भिः शिवाभिः। वायो शुक्रो अंयामि ते। मध्यो अग्रं दिविष्टिषु॥६८॥

आ यांहि सोमं पीतये। स्वारुहो देव नियुत्वंता। इमिनंद्र वर्धय क्षित्रयांणाम्। अयं विशां विश्पतिंरस्तु राजां। अस्मा इंन्द्र मिट्ट वर्चारंसि धेहि। अवर्चसं कणुिह शत्रुंमस्य। इममा भंज ग्रामे अश्वेषु गोषुं। निर्मुं भंज योऽिमत्रों अस्य। वर्ष्मन् क्षूत्रस्यं कुकुिभं श्रयस्व। ततों न उग्रो वि भंजा वसूनि॥६९॥ अस्मे द्यांवापृथिवी भूरिं वामम्। सन्दुंहाथां घर्मदुघेंव धेनुः। अय॰ राजां प्रिय इन्द्रस्य भूयात्। प्रियो गवामोषंधीनामुतापाम्। युनज्मिं त उत्तरावंन्तमिन्द्रम्। येन जयांसि न परा जयांसै। स त्वांऽकरेकवृष्भङ् स्वानांम्। अथो राजन्नुत्तमं मानवानांम्। उत्तरस्त्वमधेरे ते सुपल्लाः। एकवृषा इन्द्रंसखा जिगीवान्॥७०॥

विश्वा आशाः पृतंनाः स्ञ्जयं जयन्। अभि तिष्ठ शत्रूयतः संहस्व। तुभ्यं भरन्ति क्षितयो यविष्ठ। बुलिमंग्ने अन्तित् ओत दूरात्। आ भन्दिष्ठस्य सुमृतिं चिकिद्धि। बृहत्ते अग्ने मिह् शर्म भद्रम्। यो देह्यो अनंमयद्वध्स्तैः। यो अर्यपत्नीरुषसंश्वकारं। स निरुध्या नहुषो यह्वो अग्निः। विशंश्वके बलुहृतः सहोभिः॥७१॥

प्र सद्यो अंग्रे अत्येष्यन्यान्। आविर्यस्मै चारुंतरो बुभूथं। ईडेन्यों वपुष्यों विभावाँ। प्रियो विशामतिथिर्मानुषीणाम्। ब्रह्मंज्येष्ठा वीर्या सम्भृतानि। ब्रह्माग्रे ज्येष्ठं दिवमा तंतान। ऋतस्य ब्रह्मं प्रथमोत जंज्ञे। तेनांर्हित ब्रह्मंणा स्पर्धितुङ्कः। ब्रह्म स्रुचों घृतवंतीः। ब्रह्मंणा स्वरंवो मिताः॥७२॥

ब्रह्मं युज्ञस्य तन्तंवः। ऋत्विजो ये हंविष्कृतंः। शृङ्गाणीवेच्छृङ्गिणार् सन्दंदश्रिरे। चृषालंबन्तः स्वरंवः पृथिव्याम्। ते देवासः स्वरंवस्तस्थिवारसः। नमः सर्खिभ्यः सन्नान्माऽवंगात। अभिभूरग्निरंतरद्रजार्रसः। स्पृथों विहत्य पृतंना अभिश्रीः। जुषाणो म् आहुंतिं मामहिष्ट। हृत्वा स्पत्नान् वरिवस्करन्नः। ईशांनं त्वा भुवंनानामभिश्रियम्। स्तौम्यंग्न उरुकृत र् सुवीरम्। हृविर्जुषाणः स्पत्नारं अभिभूरंसि। जिहि शत्रूर् रप् मृधों नुदस्व॥७३॥ विशां जंयामसि जीरदानो हर्या विश्वा दिविष्टिषु वसूंनि जिगीवान्थ्सहोंभिर्मिता

स प्रत्वन्नवीयसा। अग्नै द्युम्नेनं संयता। बृहत्तंतन्थ भानुना। नवं नु स्तोमंम्यये। दिवः श्येनायं जीजनम्। वसोः कुविद्वनाति नः। स्वारुहा यस्य श्रियों दृशे। र्यिवी्रवंतो यथा। अग्ने यज्ञस्य चेतंतः। अदाभ्यः पुरएता॥७४॥

अग्निर्विशां मानुषीणाम्। तूर्णी रथः सदा नवंः। नव् सोमाय वाजिने। आज्यं पयंसोऽजिन। जुष्ट् शुचितम् वस्। नवर् सोम जुषस्व नः। पीयूषंस्येह तृंण्णुहि। यस्ते भाग ऋता व्यम्। नवंस्य सोम ते व्यम्। आ सुंमृतिं वृंणीमहे॥७५॥

स नो रास्व सह्स्रिणंः। नवर्ष ह्विर्जुषस्व नः। ऋतुभिः सोम् भूतंमम्। तदङ्ग प्रतिंहर्य नः। राजैन्थ्सोम स्वस्तये। नव्ड्स्तोम्न्नवर्ष ह्विः। इन्द्राग्निभ्यां नि वेदय। तज्ज्ञंषेतार्ष्य सचेतसा। शुचिं नु स्तोम्ं नवंजातम्द्य। इन्द्रांग्नी वृत्रहणा जुषेथांम्॥७६॥

उभा हि वार्र सुहवा जोहंवीमि। ता वाजर्र सद्य उंशते धेष्ठां। अग्निरिन्द्रो नवंस्य नः। अस्य ह्व्यस्यं तृप्यताम्। इह देवौ संहुस्निणौँ। युज्ञं न आ हि गच्छंताम्। वसुंमन्तः सुवर्विदम्। अस्य ह्व्यस्यं तृप्यताम्। अग्निरिन्द्रो नवंस्य नः। विश्वान्देवाः स्तंपयत॥७७॥

ह्विषोऽस्य नवंस्य नः। सुवर्विदो हि जिज्ञिरे। एदं बर्हिः सुष्टरीमा नवेन। अयं यज्ञो यजमानस्य भागः। अयं बंभूव भुवनस्य गर्भः। विश्वे देवा इदम्द्यागमिष्ठाः। इमे नु द्यावापृथिवी समीची। तन्वाने यज्ञं पुरुपेशंसन्धिया। आऽस्मै पृणीतां भुवनानि विश्वा। प्रजां पुष्टिम्मृतं नवेन॥७८॥

ड्मे धेनू अमृतं ये दुहातै। पर्यस्वत्युत्तरामेतु पृष्टिः। इमं यज्ञं जुषमाणे नवेन। समीची द्यावांपृथिवी घृताचीं। यविष्ठो हव्यवाहेनः। चित्रभांनुर्धृतासुंतिः। नवंजातो वि रोचसे। अग्रे तत्ते महित्वनम्। त्वमंग्ने देवताभ्यः। भागे देव न मीयसे॥७९॥

स एना विद्वान् यंक्ष्यसि। नव् स्तोमं जुषस्व नः। अग्निः प्रंथमः प्राश्ञांत्। स हि वेद यथां ह्विः। शिवा अस्मभ्यमोषंधीः। कृणोतुं विश्वचंर्षणिः। भद्रान्नः श्रेयः समंनैष्ट देवाः। त्वयांऽवसेन् समंशीमहि त्वा। स नो मयोभूः पितो आ विशस्व। शं तोकायं तन्वे स्योनः। एतमु त्यं मधुना संयुतं यवम्। सरंस्वत्या अधिम्नावंचर्कृषुः। इन्द्रं आसीथ्सीरंपतिः श्तकंतुः। कीनाशां आसन्मरुतः सुदानंवः॥८०॥ पुरएता वृंणीमहे जुषेथांन्तर्पयतामृत्ववंन मीयसे स्योनश्चत्वारं च॥——[८]

जुष्ट्रश्चर्श्वपो जुष्टीनरो नक्तजाता वृषास उत नो वृषाँऽस्यु×्युः सप्रंत्नवदुष्टी॥८॥

जुष्टीं मृन्युर्भगो जुष्टीं नरो हरिवर्षसङ्गिरः शिप्रिन्वाजानामृत नेः प्रिया यद्वाग्वदंन्ती विश्वा आशा अशीतिः॥८०॥ जुष्टेः सुदानंवः॥

हरिंः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके चतुर्थः प्रपाठकः समाप्तः॥

## ॥पश्चमः प्रश्नः॥

## ॥ तैत्तिरीयब्राह्मणे द्वितीयाष्टके पश्चमः प्रपाठकः॥

प्राणो रक्षिति विश्वमेजंत्। इर्यो भूत्वा बंहुधा बहूनिं। स इथ्सर्वं व्यानशे। यो देवो देवेषुं विभूरन्तः। आवृंदूदात् क्षेत्रियंध्वगद्वृषां। तमित्प्राणं मनुसोपं शिक्षत। अग्रंं देवानांमिदमंत्तु नो ह्विः। मनस्श्रित्तेदम्। भूतं भव्यं च गुप्यते। तद्धि देवेष्वंग्रियम्॥१॥

आ नं एतु पुरश्चरम्। सह देवैरिम हवम्। मनः श्रेयंसिश्रेयसि। कर्मन् यज्ञपंतिं दर्धत्। जुषतां मे वागिद हिवः। विराह्वेवी पुरोहिंता। हव्यवाडनंपायिनी। ययां रूपाणि बहुधा वदंन्ति। पेशा रेसि देवाः पंरमे जनित्रे। सा नों विराडनंपस्फुरन्ती॥२॥

वाग्देवी जुंषतामिद १ ह्विः। चक्षुंर्देवानां ज्योतिंर्मृते न्यंक्तम्। अस्य विज्ञानांय बहुधा निधीयते। तस्यं सुम्नमंशीमिह। मा नों हासीद्विचक्षणम्। आयुरिन्नः प्रतींर्यताम्। अनंन्याश्वक्षुंषा वयम्। जीवा ज्योतिंरशीमिह। सुवर्ज्योतिंरुतामृतम्। श्रोत्रेण भद्रमुत शृंण्वन्ति सृत्यम्। श्रोत्रेण वाचं बहुधोद्यमानाम्। श्रोत्रेण मोदंश्च महंश्च श्रूयते। श्रोत्रेण सर्वा दिश् आ शृंणोमि। येन प्राच्यां उत देक्षिणा। प्रतीच्ये दिशः शृण्वन्त्यंत्तरात्। तदिच्छ्रोत्रं बहुधोद्यमानम्।

अरान्न नेमिः परि सर्वं बभूव॥३॥

अग्रियमनपस्फुरन्ती सृत्य॰ सप्त चं॥\_\_\_\_\_

. [3]

उदेहिं वाजिन्यो अस्यपस्वन्तः। इद र राष्ट्रमा विश सूनृतावत्। यो रोहितो विश्वमिदं जजानं। स नो राष्ट्रेषु सुधितान्दधातु। रोहर्ररोहर् रोहित आरुरोह। प्रजाभिवृद्धिं जनुषांमुपस्थम्। ताभिः सर्रब्धो अविद्थ्यडुर्वीः। गातुं प्रपश्यन्तिह राष्ट्रमाऽहाः। आऽहार्षोद्राष्ट्रमिह रोहितः। मृधो व्यास्थदभयं नो अस्तु॥४॥

अस्मभ्यं द्यावापृथिवी शक्वंरीभिः। राष्ट्रं दुंहाथामिह रेवतींभिः। विमंमर्श रोहिंतो विश्वरूपः। समाचक्राणः प्ररुहो रुहंश्च। दिवं गृत्वायं महृता मंहिम्ना। वि नो राष्ट्रम्नंनत्तु पर्यसा स्वेनं। यास्ते विश्वस्तपंसा सं बभूवुः। गायत्रं वृथ्समनु तास्त आऽगुः। तास्त्वा विशन्तु महंसा स्वेनं। सं माता पुत्रो अभ्येतु रोहिंतः॥५॥

यूयमुंग्रा मरुतः पृश्ञिमातरः। इन्द्रेण स्युजा प्रमृंणीथ शत्रून्ं। आ वो रोहिंतो अशृणोदभिद्यवः। त्रिसंप्तासो मरुतः स्वादुसम्मुदः। रोहिंतो द्यावांपृथिवी जंजान। तस्मिड्स्तन्तुं परमेष्ठी तंतान। तस्मिज्छिश्रिये अज एकंपात्। अदर्श्हृद्यावांपृथिवी बलेन। रोहिंतो द्यावांपृथिवी अंदरहत्। तेन सुवंः स्तिभृतन्तेन नाकंः॥६॥

सो अन्तरिक्षे रजंसो विमानः। तेनं देवाः सुवरन्वंविन्दन्।

सुशेवं त्वा भानवों दीदिवा सम्म। समंग्रासो जुह्वों जातवेदः। उक्षन्तिं त्वा वाजिनमा घृतेनं। स संमग्ने युवसे भोजनानि। अग्ने शर्ध महते सौभंगाय। तवं द्युम्नान्यंत्तमानिं सन्तु। सञ्जांस्पृत्य स्युममा कृणुष्व। शृत्रूयताम्भि तिष्ठा महा स्सा ७॥

अस्त्वेतु रोहिंतो नाको महार्श्स॥———[२] पुनेर्न् इन्द्रों मुघवां ददातु। धनांनि शक्तो धन्यः सुराधाः।

अर्वाचीनं कृणुतां याचितो मनः। श्रुष्टी नो अस्य ह्विषो जुषाणः। यानि नोऽजिनं धर्नानि। जहर्थं शूर मृन्युनां। इन्द्रानुंविन्द नुस्तानिं। अनेनं ह्विषा पुनः। इन्द्र आशांभ्यः परि। सर्वाभ्योऽभंयं करत्॥८॥

जेता शत्रून् विचंर्षणिः। आकूँत्यै त्वा कामांय त्वा सम्धें त्वा। पुरो दंधे अमृत्त्वायं जीवसें। आकूंतिम्स्यावंसे। कामंमस्य समृंद्धे। इन्द्रंस्य युञ्जते धियः। आकूंतिं देवीं मनंसः पुरो दंधे। यज्ञस्यं माता सुहवां मे अस्तु। यदिच्छामि मनंसा सकांमः। विदेयंमेनद्धदंये निर्विष्टम्॥९॥

सेद्ग्निर्ग्नी १ रत्यें त्यन्यान्। यत्रं वाजी तनयो वीडुपांणिः। सहस्रंपाथा अक्षरां समेतिं। आशांनां त्वाऽऽशापालेभ्यः। चतुभ्यों अमृतेंभ्यः। इदं भूतस्याध्यंक्षेभ्यः। विधेमं हिवषां वयम्। विश्वा आशा मधुना स१ सृंजामि। अनुमीवा आप ओषंधयो भवन्तु। अयं यर्जमानो मृधो व्यंस्यताम्॥१०॥ क्रिविष्टमस्यतात्रवं च॥-

अगृंभीताः पृशवंः सन्तु सर्वें। अग्निः सोमो वरुंणो मित्र इन्द्रंः। बृह्स्पतिः सिवता यः संहुस्री। पूषा नो गोभिरवंसा सरंस्वती। त्वष्टां रूपाणि समनक्तु युज्ञैः। त्वष्टां रूपाणि दर्धती सरंस्वती। पूषा भगर्ं सिवता नो ददातु। बृह्स्पतिर्ददिदन्द्रः सहस्रम्ं। मित्रो दाता वरुंणः सोमो अग्निः॥११॥

आ नो भर् भगंमिन्द्र द्युमन्तम्। नि ते देष्णस्यं धीमहि प्ररेके। उर्व इंव पप्रथे कामो अस्मे। तमापृंणा वसुपते वसूनाम्।

ड्रमं कामं मन्दया गोभिरश्वैः। चन्द्रवंता राधंसा प्रप्रथंश्च। सुवर्यवो मितिभिस्तुभ्यं विप्राः। इन्द्रांय वाहंः कुशिकासो अक्रन्। इन्द्रंस्य न वीर्याणि प्रवोचम्। यानि चकारं प्रथमानि वृजी॥१२॥

अह्न्नहि्मन्वपस्तंतर्द। प्रवृक्षणां अभिनृत्पर्वतानाम्। अह्न्नहिं पर्वते शिश्रियाणम्। त्वष्टांऽस्मे वज्र ई स्वर्यन्ततक्ष। वाश्रा इंव धेनवः स्यन्दंमानाः। अञ्जः समुद्रमवं जग्मुरापः। वृषायमाणोऽवृणीत् सोमम्। त्रिकंद्रुकेष्वपिवथ्सुतस्यं। आ सायंकं मुघवां दत्त् वज्रम्। अहंन्नेनं प्रथमजा महीनाम्॥१३॥

यदिन्द्राहंन्प्रथम्जा महीनाम्। आन्मायिनामिनाः प्रोत मायाः। आथ्सूर्यं जनयन्द्यामुषासम्। तादीक्रा शत्रून्न किलांविविथ्से। अहंन्वृत्रं वृत्रुतर् व्य॰सम्। इन्द्रो वर्ज्जेण मह्ता वधेनं। स्कन्धारंसीव कुलिंशेनाविवृंक्णा। अहिंः शयत उपपृक्पृंथिव्याम्। अयोध्येव दुर्मद् आ हि जुह्ने। महावीरं तुंविबाधमृंजीषम्॥१४॥

नातांरीरस्य समृतिं वधानांम्। स॰ रुजानाः पिपिष् इन्द्रंशतुः। विश्वो विहाया अर्तिः। वसुद्धे हस्ते दक्षिणे। तरणिर्न शिश्रथत्। श्रवस्यया न शिश्रथत्। विश्वस्मा इदिष्ध्यसे। देवत्रा ह्व्यमूहिषे। विश्वस्मा इथ्सुकृते वारंमृण्वति। अग्निर्द्वारा व्यृण्वति॥१५॥

उदुज्जिहांनो अभि कामंमीरयन्। प्रपृश्चित्वश्वा भुवंनानि पूर्वथां। आ केतुना सुषंमिद्धो यिजेष्ठः। कामं नो अग्ने अभिहंर्य दिग्भ्यः। जुषाणो ह्व्यम्मृतेषु दूढ्यः। आ नो र्यिं बंहुलां गोमंतीमिषम्। नि धेहि यक्षंदमृतेषु भूषन्। अश्विना यज्ञमागंतम्। दाशुषः पुरुंद ससा। पूषा रक्षतु नो र्यिम्॥१६॥

ड्मां यज्ञमिश्वेनां वर्धयंन्ता। ड्मो र्यिं यजंमानाय धत्तम्। इमौ प्शूत्रंक्षतां विश्वर्तो नः। पूषा नः पातु सद्मप्रंयच्छन्। प्रते महे संरस्वित। सुभंगे वाजिंनीवित। सृत्यवाचे भरे मृतिम्। इदं ते हृव्यं घृतवंथ्सरस्वित। सृत्यवाचे प्रभरेमा ह्वी १षिं। ड्मािनं ते दुरिता सौभंगािन। तेभिंर्व्य सुभगांसः स्याम॥१७॥ वज्यहींनामृजीषं व्यंण्वित रक्षतु नो र्यि सौभंगान्येकं च॥——[४]

युज्ञो रायो युज्ञ ईशे वसूनाम्। युज्ञः सुस्यानामुत सुक्षितीनाम्।

यज्ञ इष्टः पूर्विचित्तिं दधातु। यज्ञो ब्रह्मण्वा अप्येतु देवान्। अयं यज्ञो वर्धतां गोभिरश्वैः। इयं वेदिः स्वपृत्या सुवीराः। इदं बर्हिरिति बर्ही इष्यन्या। इमं यज्ञं विश्वे अवन्तु देवाः। भर्ग एव भर्गवा ॥

बुर्ही इंघ्युन्या। इमं युज्ञं विश्वे अवन्तु देवाः। भगं एव भगंवा इ अस्तु देवाः। तेनं वृयं भगंवन्तः स्याम॥१८॥ तं त्वां भग् सर्व् इञ्जोहवीमि। स नो भग पुरएता भंवेह। भग् प्रणेतर्भग सत्यंराधः। भगेमां धियमुदंव ददंत्रः। भग् प्र णो जनय

गोभिरश्वैः। भगु प्र नृभिर्नृवन्तेः स्याम। शर्श्वतीः समा उपयन्ति लोकाः। शर्श्वतीः समा उपयन्त्यापेः। इष्टं पूर्तः शर्श्वतीनाः समानाः शाश्वतेनं। हविषेष्ट्वाऽनुन्तं लोकं पर्मा रुरोह॥१९॥

ड्यमेव सा या प्रंथमा व्योच्छंत्। सा रूपाणि कुरुते पश्चं देवी। द्वे स्वसारी वयतस्तश्रमेतत्। सुनातनं वितंतुर षण्मयूखम्। अवान्याङ्स्तन्तूंन्किरतो धृत्तो अन्यान्। नावंपृज्याते न गंमाते अन्तम्। आ वो यन्तूदवाहासो अद्य। वृष्टिं ये विश्वं मुरुतो जुनन्ति। अयं यो अग्निर्मरुतः समिद्धः। एतं जुंषध्वं कवयो युवानः॥२०॥

धारावरा मुरुतो धृष्णुवोजसः। मृगा न भीमास्तंविषेभि-रूमिभिः। अग्नयो न शुंशुचाना ऋंजीषिणः। भ्रुमिन्धमन्त उप् गा अंवृण्वता वि चंक्रमे त्रिर्देवः। आ वेधसं नीलंपृष्ठं बृहन्तम्। बृह्स्पति सदेने सादयध्वम्। सादद्योनिं दम् आ दीदिवा सम्। हिरंण्यवर्णमरुष संपेम। स हि शुचिः शतपत्रः स शुन्ध्यः॥२१॥

हिरंण्यवाशीरिषिरः सुंवर्षाः। बृहस्पतिः स स्वांवेश ऋष्वाः।

पूरू सर्खिभ्य आसुतिं केरिष्ठः। पूष्ड् स्तवं व्रते व्यम्। नरिष्येम कदाचन। स्तोतारंस्त इह स्मंसि। यास्ते पूषन्ना वो अन्तः संमुद्रे। हिर्ण्ययीर्न्तिरेक्षे चरन्ति। याभिर्यासि दूत्या सूर्यस्य। कामेन कृतश्रवं इच्छमानः॥२२॥

अरंण्यान्यरंण्यान्यसौ। या प्रेव नश्यंसि। कृथा ग्रामं न पृंच्छसि। न त्वाभीरिव विन्दती (३)। वृषार्वाय वदते। यदुपावंति चिच्चिकः। आघाटीभिरिव धावयन्। अर्ण्यानिर्महीयते। उत गावं इवादन्। उतो वेश्मेव दृश्यते॥२३॥

उतो अंरण्यानिः सायम्। शृक्टीरिंव सर्जिति। गाम्ङ्गेष् आ ह्वंयिति। दार्वङ्गेष् उपांवधीत्। वसंन्नरण्यान्या सायम्। अर्नुक्षिदितिं मन्यते। न वा अंरण्यानिर्हन्ति। अन्यश्चेन्नाभिगच्छंति। स्वादोः फलंस्य ज्रुग्ध्वा। यत्र कामं नि पंद्यते। आञ्जंनगन्धी स्सुर्भीम्। बृह्वन्नामकृषीवलाम्। प्राहं मृगाणां मातरम्। अर्ण्यानीमंश सिषम्॥२४॥ स्याम् रुरोह् युवानः शुन्थ्यूरिच्छमांनो दृश्यते निपंद्यते च्त्वारिं च॥—[६]

वार्त्रहत्याय शवंसे। पृत्नासाह्याय च। इन्द्र त्वा वंर्तयामसि। सुब्रह्माणं वीरवंन्तं बृहन्तम्। उरुं गंभीरं पृथुबंध्रमिन्द्र। श्रुतर्षिमुग्रमंभिमातिषाहम्। अस्मभ्यं चित्रं वृषंण र र्यिं दाः। क्षेत्रिये त्वा निर्ऋत्ये त्वा। द्रुहो मुंश्चामि वर्रणस्य पाशांत। अनागसं ब्रह्मणे त्वा करोमि॥२५॥

शं द्यावांपृथिवी सहौषंधीभिः। शम्नतिरंक्षः सह वार्तन ते। शं ते चतंस्रः प्रदिशों भवन्तु। या दैवीश्चतंस्रः प्रदिशंः। वार्तपत्नीर्भि सूर्यो विच्छे। तासां त्वा जरस् आ दंधामि। प्र यक्ष्मं एतु निर्ऋतिं पराचैः। अमोचि यक्ष्मांद्वरितादवंत्र्ये॥२६॥

शिवे ते द्यावापृथिवी उभे इमे। शं ते अग्निः सहाद्भिरंस्तु।

द्रुहः पाशान्त्रिर्ऋत्यै चोदंमोचि। अहा अवंर्तिमविंदथ्स्योनम्। अप्यंभूद्धद्रे सुंकृतस्यं लोके। सूर्यमृतं तमंसो ग्राह्या यत्। देवा अमुंश्चन्नसृंजन्न्येनसः। एवम्हिम्मं क्षेत्रियाञ्जामिशु सात्। द्रुहो मुंश्चािम् वर्रुणस्य पाशात्। बृहंस्पते युविमन्द्रश्च वस्वः। दिव्यस्येशाथे उत पार्थिवस्य। धृत्तः रियः स्तुवते की्रयेचित्॥२७॥

यूयं पांत स्वस्तिभिः सदां नः। देवायुधिमन्द्रमा जोहुंवानाः। विश्वावृधेमभि ये रक्षंमाणाः। येनं हुता दीर्घमध्वांनमायन्। अनुन्तमर्थमनिवर्थ्स्यमानाः। यत्तं सुजाते हिमवंथ्सु भेषजम्। मयोभूः शन्तंमा यद्धुदोऽसिं। ततों नो देहि सीबले। अदो गिरिभ्यो अधि यत्प्रधावंसि। स्रशोभंमाना कन्यंव शुभ्रे॥२८॥

तां त्वा मुद्गेला ह्विषां वर्धयन्ति। सा नः सीबले र्यिमा भाजयेह। पूर्वं देवा अपरेणानुपश्यं जन्मंभिः। जन्मान्यवंरैः पराणि। वेदांनि देवा अयम्स्मीति माम्। अहर हित्वा शरीरं जरसंः प्रस्तांत्। प्राणापानो चक्षुः श्रोत्रम्। वाचं मनिस् सम्भृताम्। हित्वा शरीरं जरसंः प्रस्तांत्। आ भूतिं भूतिं वयमंश्ववामहै। इमा एव ता उषसो याः प्रथमा व्योच्छन्। ता देव्यः कुर्वते पश्चरूपा। शश्वंतीनिवंपृज्यन्ति। न गमन्त्यन्तम्॥२९॥

क्रोम्यवंत्ये चिच्छुभ्रेऽश्ञवामहे चृत्वारि च॥———[६] वसूनां त्वाऽधीतेन। रुद्राणांमूर्म्या। आदित्यानां तेजंसा। विश्वेषां देवानां ऋतुंना। मुरुतामेम्नां जुहोमि स्वाहाँ। अभिभूति-

रहमार्गमम्। इन्द्रंसखा स्वायुधंः। आस्वाशांसु दुष्यहंः। इदं वर्चो अग्निनां दत्तमार्गात्। यशो भर्गः सह ओजो बर्लं च॥३०॥

दीर्घायुत्वायं श्वतशांरदाय। प्रतिगृभ्णामि मह्ते वीर्याय। आयुंरिस विश्वायुंरिस। सर्वायुंरिस सर्वमायुंरिस। सर्वं म् आयुंर्भूयात्। सर्वमायुंर्गेषम्। भूर्भुवः सुवंः। अग्निर्धर्मेणान्नादः। मृत्युर्धर्मेणान्नपतिः। ब्रह्मं क्षुत्रक्ष स्वाहाँ॥३१॥

प्रजापंतिः प्रणेता। बृह्स्पतिः पुरपुता। यमः पन्थाः। चन्द्रमाः पुनरुसुः स्वाहाः। अग्निरंत्रादोऽत्रंपितः। अन्नाद्यंमस्मिन् यज्ञे यजंमानाय ददातु स्वाहाः। सोमो राजा राजंपितः। राज्यमस्मिन् यज्ञे यजंमानाय ददातु स्वाहाः। वर्रुणः सम्राट्थ्सम्राद्वंतिः। साम्राज्यमस्मिन् यज्ञे यजंमानाय ददातु स्वाहाः॥३२॥

मित्रः क्षत्रं क्षत्रपंतिः। क्षत्रमस्मिन् युज्ञे यजंमानाय ददातु स्वाहाँ। इन्द्रो बलं बलंपतिः। बलंमस्मिन् युज्ञे यजंमानाय ददातु स्वाहाँ। बृह्स्पति्र्ब्रह्म ब्रह्मंपतिः। ब्रह्मास्मिन् युज्ञे यजंमानाय ददातु स्वाहाँ। स्विता राष्ट्रश् राष्ट्रपंतिः। राष्ट्रमस्मिन् युज्ञे यजंमानाय ददातु स्वाहाँ। पूषा विशां विद्वंतिः। विशंमस्मिन् युज्ञे यजंमानाय ददातु स्वाहाँ। सरंस्वती पृष्टिः पृष्टिंपत्नी। पृष्टिंमस्मिन् युज्ञे यजंमानाय ददातु स्वाहाँ। त्वष्टां पश्नूनां मिथुनानार्थ रूपकृद्रूपपंतिः। रुपेणास्मिन् युज्ञे यजंमानाय पृश्न्दंदातु स्वाहाँ॥३३॥

च स्वाहा साम्रांज्यम्स्मिन् युज्ञे यजंमानाय ददातु स्वाहा विशंमस्मिन् युज्ञे यजंमानाय ददातु स्वाहां चृत्वारिं च (अग्निः सोमो वर्रुणो मित्र इन्द्रो बृहस्पतिः सिवृता पूषा सरंस्वती त्वष्टा दशं॥)॥————[७]

स ईं पाहि य ऋंजीषी तरुंत्रः। यः शिप्रंवान्वृष्भो यो मंतीनाम्। यो गौंत्रभिद्वंज्रभृद्यो हंरिष्ठाः। स इंन्द्र चित्रा अभि तृंन्धि वाजान्। आ ते शुष्मो वृष्भ एतु पृश्चात्। ओत्तरादंधरागा पुरस्तात्। आ विश्वतो अभिसमेत्ववाङ्। इन्द्रं द्युम्न स्ववंबद्धेह्यस्मे। प्रोष्वंस्मै पुरोर्थम्। इन्द्रांय शूषमंर्चत॥३४॥

अभीके चिद् लोकुकृत्। सुङ्गे समर्थ्सु वृत्रहा। अस्मार्कं बोधि चोदिता। नर्भन्तामन्यकेषाम्। ज्याका अधि धन्वसु। इन्ह्रं वयर शुंनासीरम्। अस्मिन् यज्ञे हंवामहे। आ वाजै्रुरुपं नो गमत्। इन्द्रांय शुनासीरांय। सुचा जुंहुत नो हविः॥३५॥

जुषतां प्रति मेधिरः। प्र ह्व्यानिं घृतवंन्त्यस्मै। हर्यश्वाय भरता स्जोषाः। इन्द्रर्तुभिर्ब्रह्मंणा वावृधानः। शुनासीरी ह्विरिदं जुंषस्व। वयः सुपूर्णा उपंसेदुरिन्द्रम्। प्रियमेधा ऋषयो नाधमानाः। अपं ध्वान्तमूर्णुहि पूर्धि चक्षुः। मुमुग्ध्यंस्मान्निधयेऽव बुद्धान्। बृहदिन्द्रांय गायत॥३६॥

मर्रुतो वृत्रहन्तंमम्। येन ज्योतिरजंनयत्रृतावृधंः। देवं देवाय जागृंवि। कामिहेकाः क इमे पंतुङ्गाः। मान्थालाः कुलिपरिमापतन्ति। अनावृतैनान्प्रधंमन्तु देवाः। सौपंण्ं चक्षुंस्तुनुवां विदेय। एवा वंन्दस्व वर्रुणं बृहन्तम्। नुमस्याधीरंमुमृतंस्य गोपाम्। स नः शर्म त्रिवरूथं वियर्भसत्॥३७॥

यूयं पात स्वस्तिभिः सदां नः। नार्के सुपूर्णमुप् यत्पतंन्तम्। हृदा वेनंन्तो अभ्यचंक्षत त्वा। हिरंण्यपक्षं वर्रुणस्य दूतम्। यमस्य योनौं शकुनं भुर्ण्युम्। शं नों देवीर्भिष्टंये। आपों भवन्तु पीतयैं। शं योर्भि स्रंवन्तु नः। ईशांना वार्याणाम्। क्षयंन्तीश्चर्षणीनाम्॥३८॥

अपो यांचामि भेषुजम्। अपसु मे सोमों अब्रवीत्। अन्तर्विश्वांनि भेषुजा। अग्निं चं विश्वशंम्भुवम्। आपश्च विश्वभेषजीः। यद्फ्सु तें सरस्वति। गोष्वश्वेषु यन्मधुं। तेनं मे वाजिनीवति। मुखंमङ्क्षि सरस्वति। या सरंस्वती वैशम्भुल्या॥३९॥

तस्यां मे रास्व। तस्यांस्ते भक्षीय। तस्यांस्ते भूयिष्ठभाजो

भूयास्म। अहं त्वदंस्मि मदंसि त्वमेतत्। ममांसि योनिस्तव योनिरस्मि। ममैव सन्वहं ह्व्यान्यंग्ने। पुत्रः पित्रे लोककुञ्जांतवेदः। इहैव सन्तत्र सन्तं त्वाऽग्ने। प्राणेनं वाचा मनंसा बिभर्मि। तिरो मा सन्तमायुर्मा प्रहांसीत्॥४०॥

ज्योतिषा त्वा वैश्वान्रेणोपितिष्ठे। अयं ते योनिर्ऋत्वियः। यतो जातो अरोचथाः। तं जानन्नंग्र आरोह। अथां नो वर्धया र्यिम्। या ते अग्ने यज्ञियां तन्स्तयेह्यारोहात्माऽऽत्मानम्। अच्छा वसूनि कृण्वन्नस्मे नर्या पुरूणि। यज्ञो भूत्वा यज्ञमा सींद स्वां योनिम्। जातंवेदो भुव आ जायंमानः सक्षय एहि। उपावरोह जातवेदः पुनस्त्वम्॥४१॥

देवेभ्यों हृव्यं वंह नः प्रजानन्। आयुंः प्रजार र्यिम्स्मासुं धेहि। अजंस्रो दीदिहि नो दुरोणे। तिमन्द्रं जोहवीमि मघवानमुग्रम्। स्त्रा दर्धानमप्रतिष्कुत्र शवारंसि। मर्रहिष्ठो गीर्भिरा चं यज्ञियों- ऽव्वर्तत्। राये नो विश्वां सुपर्थां कृणोतु वृज्ञी। त्रिकंद्रुकेषु मिह्षो यवांशिरं तुविशुष्मंस्तृपत्। सोमंमिपबृद्धिष्णुंना सुतं यथाऽवंशत्। स ईं ममाद मिह् कर्म कर्तवे महामुरुम्॥४२॥

सैन ५ सश्चद्देवं देवः सत्यमिन्दु ५ सत्य इन्द्रंः। विदद्यतीं सरमां

षद्वं॥₌

रुग्णमद्रैः। मिह् पार्थः पूर्व्य सम्द्रियंकः। अग्रं नयथ्सुपद्यक्षंराणाम्। अच्छा रवं प्रथमा जानतीगात्। विदद्गव्य स् स्रमां दृढमूर्वम्। येनानुकं मानुषी भोजंते विद। आ ये विश्वाः स्वपृत्यानि चुत्रः। कृण्वानासो अमृतुत्वायं गातुम्। त्वं नृभिनृपते देवहूतौ॥४३॥

भूरीणि वृत्वा हंर्यश्व हर्षा। त्वन्निदंस्युश्चमुंरिम्। धुनिं चा-स्वापयो द्भीतंये सुहन्तुं। एवा पांहि प्रव्नथा मन्दंतु त्वा। श्रुधि ब्रह्मं वावृधस्वोत गीर्मिः। आविः सूर्यं कृणुहि पीपिहीषः। जहि शत्रूरं र्भि गा इंन्द्र तृन्धि। अग्ने बार्धस्व वि मृधो नुदस्व। अपामीवा अप रक्षारंसि सेध। अस्मार्थ्ममुद्राह्मंहतो दिवो नंः॥४४॥

अ्पां भूमान्मुपं नः सृजे्ह। यज्ञ प्रति तिष्ठ सुमृतौ सुशेवा आ त्वा। वसूंनि पुरुधा विंशन्तु। दीर्घमायुर्यजंमानाय कृण्वन्। अथामृतेन जिर्तारमङ्गि। इन्द्रंः शुनावृद्धितंनोति सीरम्। संवथ्सरस्यं प्रतिमाणंमेतत्। अर्कस्य ज्योतिस्तिददांस ज्येष्ठम्। संवथ्सर शुनव्थसीरमेतत्। इन्द्रंस्य राधः प्रयंतं पुरु त्मना। तदंकरूपं विमिमानमेति। द्वादंशारे प्रति तिष्ठतीद्वृषां। अश्वायन्तो ग्व्यन्तो वाजयंन्तः। हवांमहे त्वोपंगन्तवा उं। आभूषंन्तस्त्वा सुमृतौ नवांयाम्। व्यमिन्द्र त्वा शुन हवेम॥४५॥ अर्चत् हविर्णायत य सम्बर्षणीनां वैशम्भुत्या हांसीत्त्वमुरुं देवहूंतौ नुस्त्मना

प्राण उदेहि पुन्रा नों भर युज्ञो रायो वार्त्रहत्याय वसूंनार् स हैं पाह्यष्टो॥८॥ प्राणो रंक्षत्यगृंभीता धाराव्या मुरुतों दीर्घायुत्वाय ज्योतिषा त्वा पश्चंचत्वारिरशत्॥४५॥ प्राणः शुनर हुवेम॥

हरिंः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके पश्चमः प्रपाठकः समाप्तः॥

## ॥षष्ठमः प्रश्नः॥

## ॥ तैत्तिरीयब्राह्मणे द्वितीयाष्टके षष्ठः प्रपाठकः॥

स्वाद्वीं त्वाँ स्वादुनाँ। तीव्रां तीव्रेणं। अमृतांमुमृतेन। मधुंमतीं मधुंमता। सृजामि स॰ सोमेन। सोमौंऽस्यश्विभ्यां पच्यस्व। सरंस्वत्यै पच्यस्व। इन्द्रांय सुत्राम्णे पच्यस्व। परीतो षिञ्चता सुतम्। सोमो य उत्तम॰ हविः॥१॥

द्धन्वा यो नयों अपस्वंन्तरा। सुषाव सोममद्रिभिः। पुनातुं ते परिस्रुतम्। सोम् सूर्यंस्य दुहिता। वारेण शश्वंता तनाः। वायः पूतः प्वित्रेण। प्राङ्ख्सोमो अतिंद्रुतः। इन्द्रंस्य युज्यः सखाः। वायः पूतः प्वित्रेण। प्रत्यङ्ख्सोमो अतिंद्रुतः॥२॥

इन्द्रंस्य युज्यः सखाँ। ब्रह्मं क्ष्रत्रं पंवते तेजं इन्द्रियम्। सुरंया सोमः सुत आसुंतो मदाय। शुक्रेणं देव देवताः पिपृग्धि। रसेनात्रं यजंमानाय धेहि। कुविदङ्ग यवंमन्तो यवंश्चित्। यथा दान्त्यनुपूर्वं वियूयं। इहेहैंषां कृणुत् भोजंनानि। ये बर्हिषो नमोवृक्तिं न ज्ग्मः। उपयामगृंहीतोऽस्यश्विभ्यां त्वा जुष्टं गृह्णामि॥३॥

सरंस्वत्या इन्द्रांय सुत्राम्णैं। एष ते योनिस्तेजंसे त्वा। वीर्याय त्वा बलांय त्वा। तेजोंऽसि तेजो मियं धेहि। वीर्यमसि वीर्यं मियं धेहि। बलंमसि बलुं मियं धेहि। नाना हि वाँ देवहिंत्र सदंः कृतम्। मा स॰सृक्षाथां पर्मे व्योमन्। सुरा त्वमिसं शुष्मिणी सोमं एषः। मा मां हि॰सीः स्वां योनिमाविशन्॥४॥

उपयामगृहीतोऽस्याश्विनं तेर्जः। सार्स्वतं वीर्यम्। ऐन्द्रं बलम्। एष ते योनिर्मोदाय त्वा। आनुन्दायं त्वा महंसे त्वा। ओजोऽस्योजो मियं धेहि। मृन्युरंसि मृन्युं मियं धेहि। महोऽसि महो मियं धेहि। सहोऽसि सहो मियं धेहि। या व्याघ्रं विषूचिका। उभौ वृकं च रक्षंति। श्येनं पंतृत्रिण र सिर्हम्। सेमं पात्व र हंसः। सम्पृचंः स्थ सं मां भुद्रेणं पृङ्का। विपृचंः स्थ वि मां पाप्मनां पृङ्का। ५॥

ह्विः प्रत्यङ्ख्सोमो अतिंद्रतो गृह्णाम्याविशन्विष्चिका पश्चं च॥——[१] सोमो राजाऽमृतर् सृतः। ऋजीषेणांजहान्मृत्युम्। ऋतेनं स्त्यमिन्द्रियम्। विपानरं शुक्रमन्धंसः। इन्द्रंस्येन्द्रियम्। इदं पयोऽमृतं मधुं। सोमम्द्र्यो व्यपिबत्। छन्दंसा हुर्सः शुंचिषत्। ऋतेनं सत्यमिन्द्रियम्। अद्यः क्षीरं व्यपिबत्॥६॥

कुङ्कां क्षिया। ऋतेनं सत्यिमं न्द्रियम्। अन्नांत्पिर्स्रुतो रसम्। ब्रह्मणा व्यंपिबत् क्षत्रम्। ऋतेनं सत्यिमं न्द्रियम्। रेतो मूत्रं विजंहाति। योनिं प्रविशिद्देन्द्रियम्। गर्भो जुरायुणा ऽऽवृंतः। उल्बं जहाति जन्मना। ऋतेनं सत्यिमं न्द्रियम्॥७॥

वेदेन रूपे व्यंकरोत्। सृतासृती प्रजापंतिः। ऋतेनं सृत्यमिन्द्रियम्। सोमेन् सोमौ व्यंपिबत्। सुतासुतौ प्रजापंतिः। ऋतेनं सत्यिमिन्द्रियम्। दृष्ट्वा रूपे व्याकरोत्। सत्यानृते प्रजा-पतिः। अश्रंद्धामनृतेऽदंधात्। श्रद्धाः सत्ये प्रजापतिः। ऋतेनं सत्यिमिन्द्रियम्। दृष्ट्वा पंरि्स्रुतो रसम्। शुक्रेणं शुक्रं व्यंपिबत्। पयः सोमं प्रजापंतिः। ऋतेनं सत्यिमिन्द्रियम्। विपानः श्रक्रमन्धंसः।

इन्द्रंस्येन्द्रियम्। इदं पयोऽमृतं मधुं॥८॥ अन्द्यः क्षीरं व्यंपिबुज्जन्मंनुर्तेनं सत्यमिन्द्रियः श्रुद्धाः सत्ये प्रजापंतिरृष्टौ

पुरांवन्तं बर्ह्षिदर्ं सुवीरम्ं। यज्ञरं हिंन्वन्ति महिषा नमोभिः। दर्धानाः सोमं दिवि देवतासु। मद्मेन्द्रं यजमानाः स्वर्काः। यस्ते रसः सम्भृत ओषधीषु। सोमस्य शुष्मः सुरया सुतस्यं। तेनं जिन्व यजमानं मदेन। सरस्वतीम्श्विनाविन्द्रंम्ग्निम्। यमश्विना नमुंचेरासुरादधि। सरस्वत्यसंनोदिन्द्रियायं॥९॥

ड्रमन्तर शुक्रं मधुंमन्त्मिन्दुम्। सोम्र राजांनिम्ह भंक्षयामि। यदत्रं रिप्तर रसिनंः सुतस्यं। यदिन्द्रो अपिबच्छचींभिः। अहं तदंस्य मनसा शिवेनं। सोम्र राजांनिम्ह भंक्षयामि। पितृभ्यंः स्वधाविभ्यंः स्वधा नमंः। पितामहेभ्यंः स्वधाविभ्यंः स्वधा नमंः। प्रपितामहेभ्यः स्वधाविभ्यंः स्वधा नमंः। अक्षंन्यितरंः॥१०॥

अमीमदन्त पितरंः। अतीतृपन्त पितरंः। अमीमृजन्त पितरंः। पितरंः शुन्धंध्वम्। पुनन्तुं मा पितरंः सोम्यासंः। पुनन्तुं मा पितामहाः। पुनन्तु प्रपितामहाः। पुवित्रेण शतायुंषा। पुनन्तुं मा पितामहाः। पुनन्तु प्रपितामहाः॥११॥

प्वित्रंण श्तायुंषा। विश्वमायुर्व्यंश्ञवे। अग्न आयूर्षेष पवसे-ऽग्ने पर्वस्व। पर्वमानः सुवर्जनः पुनन्तुं मा देवज्ञनाः। जातंवेदः प्वित्रंवद्यत्ते प्वित्रंमर्चिषिं। उभाभ्यां देव सवितर्वेश्वदेवी पुनती। ये समानाः समनसः। पितरों यम्राज्यें। तेषां लोकः स्वधा नमः। यज्ञो देवेषुं कल्पताम्॥१२॥

य संजाताः समंनसः। जीवा जीवेषुं मामकाः। तेषा् श्रीमीयें कल्पताम्। अस्मिँ छोके शतर समाः। द्वे स्रुती अश्रणवं पितृणाम्। अहं देवानांमुत मर्त्यांनाम्। याभ्यांमिदं विश्वमेज्ञथ्समेति। यदंन्तरा पितरं मातरं च। इद १ ह्विः प्रजनंनं मे अस्तु। दर्शवीर १ सर्वगण १ स्वस्तयें। आत्मसनिं प्रजासनिं। प्रशुसन्यंभयसनिं लोकसनिं। अग्निः प्रजां बंहुलां में करोतु। अन्नं पयो रेतों अस्मास् धत्त। रायस्पोष्मिष्मूर्जम्समासुं दीधर्थस्वाहाँ॥१३॥ इन्द्रियायं पितरंः शतायुंषा पुनन्तुं मा पितामृहाः पुनन्तु प्रपितामहाः कल्पता १ स्वस्तये पश्चं च॥

सीसेन तत्रुं मनसा मनीषिणः। ऊर्णासूत्रेणं क्वयों वयन्ति। अश्विनां यज्ञश् संविता सरंस्वती। इन्द्रंस्य रूपं वरुंणो भिषज्यन्। तदंस्य रूपमृमृत्श् शचींभिः। तिस्रोऽदंधुर्देवताः सश्रराणाः। लोमानि शप्पैर्वहुधा न तोकांभिः। त्वर्गस्य माश्समंभवन्न लाजाः। तद्श्विनां भिषजां रुद्रवंर्तनी। सरंस्वती वयति पेशो अन्तरः॥१४॥ अस्थिं मञ्जानं मासंरैः। कारोतरेण दर्धतो गवाँ त्वचि।

सरस्वती मनसा पेशुलं वसुं। नासत्याभ्यां वयति दर्शुतं वर्पुः।

रसं परिस्रुता न रोहिंतम्। नुग्नहुर्धीर्स्तसंरन्न वेमं। पर्यसा शुक्रम्मृतं ज्ञिनत्रम्। सुरंया मूत्रांज्ञनयन्ति रेतः। अपामंतिं दुर्मृतिं बार्धमानाः। ऊर्वध्यं वात र स्बुवन्तदारात्॥१५॥ इन्द्रं: सुत्रामा हृदंयेन सुत्यम्। पुरोडाशेन सिवृता जंजान।

यकृंत्क्रोमानं वर्रणो भिष्ज्यन्। मतंस्रे वाय्व्यैनं मिंनाति पित्तम्। आन्नाणिं स्थाली मधु पिन्वंमाना। गुदा पात्राणि सुद्धा न धेनुः। श्येनस्य पत्रं न ष्रीहा शचींभिः। आसन्दी नाभिरुदरं न माता। कुम्भो विनिष्ठुर्जनिता शचींभिः। यस्मिन्नग्रे योन्यां गर्भो अन्तः॥१६॥

प्राशीर्व्यक्तः श्वाधार् उथ्सः। दुहे न कुम्भी स्वधां पितृभ्यः। मुख् सदंस्य शिर् इथ्सदेन। जिह्वा प्वित्रमिश्वना सर सरंस्वती। चप्पन्न पायुर्भिषगंस्य वालंः। वस्तिर्न शेपो हरसा तरस्वी। अश्विभ्यां चक्षुरमृतं ग्रहाभ्याम्। छागेन् तेजो ह्विषां श्वतेनं। पक्ष्माणि गोधूमैः कंलैरुतानिं। पेशो न शुक्कमसितं वसाते॥१७॥

अविर्न मेषो नसि वीर्याय। प्राणस्य पन्थां अमृतो ग्रहाँभ्याम्। सरंस्वृत्युप्वाकैर्व्यानम्। नस्यानि बुर्हिर्बदंरैर्जजान। इन्द्रंस्य रूपमृष्मो बलाय। कर्णांभ्याः श्रोत्रंममृतं ग्रहाँभ्याम्। यवा न बुर्हिर्भुवि केसंराणि। कुर्कन्धुं जज्ञे मधुं सार्घं मुखाँत्। आत्मन्नुपस्थे न वृकंस्य लोमं। मुखे श्मश्रूणि न व्याघ्रलोमम्॥१८॥

केशा न शीर्षन् यशंसे श्रिये शिखाँ। सि्र्हस्य लोम् त्विषिरिन्द्रियाणि। अङ्गान्यात्मिन्धिषजा तद्धिनाँ। आत्मान्मङ्गेः समंधाथ्मरंस्वती। इन्द्रंस्य रूपर शतमान्मायुंः। चन्द्रेण ज्योतिर्मृतं दर्धाना। सरंस्वती योन्यां गर्भमृन्तः। अधिभ्यां पत्नी सुकृतं बिभर्ति। अपार रसेन् वरुणो न साम्नाँ। इन्द्रई श्रिये जनयंत्रपस् राजाँ। तेजः पश्नार ह्विरिन्द्रियावत्। परिस्रुता पर्यसा सार्घं मधुं। अधिभ्यां दुग्धं भिषजा सरंस्वत्या सुतासुताभ्यांम्। अमृतः सोम् इन्दुः॥१९॥

अन्तरं आराद्नतर्वसाते व्याघ्रलोमः राजां चत्वारि च॥———[४] मित्रोऽसि वरुंणोऽसि। समृहं विश्वैर्द्वैः। क्षुत्रस्य नाभिरसि।

क्षुत्रस्य योनिरसि। स्योनामा सींद। सुषदामा सींद। मा त्वां हिश्सीत्। मा मां हिश्सीत्। निषंसाद धृतव्रंतो वर्रुणः। पुस्त्यांस्वा॥२०॥

साम्राज्याय सुकर्तुः। देवस्यं त्वा सिवृतुः प्रंस्वे। अश्विनौर्बाहुभ्याम्। पूष्णो हस्ताभ्याम्। अश्विनोर्भेषंज्येन। तेजंसे ब्रह्मवर्चसायाभिषिश्चामि। देवस्यं त्वा सिवृतुः प्रंस्वे। अश्विनौर्बाहुभ्याम्। पूष्णो हस्ताभ्याम्। सरंस्वत्ये भैषंज्येन॥२१॥ वीर्यायान्नाद्यांयाभिषिश्चामि। देवस्यं त्वा सिवृतुः प्रस्वे। अश्विनौर्बाहुभ्याम्। पूष्णो हस्ताभ्याम्। इन्द्रंस्येन्द्र्येणं। श्रिये यशंसे बलायाभिषिश्चामि। कोऽसि कत्मोऽसि। कस्मैं त्वा कायं त्वा। सृश्लोकाँ(४) सुमंङ्गलाँ(४) सत्यंराजा(३)न्। शिरों मे श्रीः॥२२॥

यशो मुखम्ँ। त्विषिः केशाँश्च श्मश्रूणि। राजां मे प्राणीं-ऽमृतम्ँ। सम्राद्वक्षुंः। विराद्बोत्रम्ँ। जिह्वा में भुद्रम्। वाङ्गहंः। मनों मन्युः। स्वराङ्कामंः। मोदाः प्रमोदा अङ्गलीरङ्गांनि॥२३॥

चित्तं मे सहंः। बाहू मे बर्लिमिन्ड्रियम्। हस्तौं मे कर्म वीर्यम्। आत्मा क्षत्रमुरो ममं। पृष्टीर्मे राष्ट्रमुदर्म स्मौं। ग्रीवाश्च श्रोण्यौं। कुरू अर्बी जानुनी। विशो मेऽङ्गानि सुर्वतः। नाभिर्मे चित्तं विज्ञानम्। पायुर्मेऽपंचितिर्भुसत्॥२४॥

आन्नद्नन्दावाण्डौ मैं। भगः सौभाँग्यं पसंः। जङ्घाँभ्यां पुद्धां धर्मोंऽस्मि। विशि राजा प्रतिष्ठितः। प्रति क्षत्रे प्रतिं तिष्ठामि राष्ट्रे। प्रत्यक्षेषु प्रतिं तिष्ठामि गोषुं। प्रत्यक्षेषु प्रतिं तिष्ठाम्यात्मन्। प्रतिं प्राणेषु प्रतिं तिष्ठामि पुष्टे। प्रति द्यावापृथिव्योः। प्रतिं तिष्ठामि युज्ञे॥२५॥

त्रया देवा एकांदश। त्रयस्त्रिष्शाः सुराधंसः। बृह्स्पतिंपुरो-हिताः। देवस्यं सिवृतुः सवे। देवा देवैरंवन्तु मा। प्रथमा द्वितीयैंः। द्वितीयांस्तृतीयैंः। तृतीयांः सत्येनं। सत्यं यज्ञेनं। यज्ञो यजुंभिंः॥२६॥

यजूर्षेषु सामंभिः। सामाँन्यृग्भिः। ऋचों याज्यांभिः। याज्यां वषद्भारैः। वषद्भारा आहुंतिभिः। आहुंतयो मे कामान्थ्समंध्यन्तु। भूः स्वाहाँ। लोमांनि प्रयंतिर्ममं। त्वङ्म आनंतिरागंतिः। मार्सं म् उपनितः। वस्वस्थि। मुज्जा म् आनंतिः॥२७॥ पस्त्यांस्वा सरंस्वत्यै भैषंज्येन श्रीरङ्गांनि भसद्यज्ञे यज्ञो यजुंभिंरुपंनितर्द्वे

पुस्त्यांस्वा सरंस्वत्यै भैषंज्येन श्रीरङ्गांनि भुसद्युज्ञे युज्ञो यर्जुर्भिरुपंनितुर्द्वे

यद्वेवा देवहेर्डनम्। देवांसश्चकृमा वयम्। अग्निर्मा तस्मादेनंसः। विश्वांन्मुश्चत्व॰हंसः। यदि दिवा यदि नक्तम्। एना॰सि चकृमा वयम्। वायुर्मा तस्मादेनंसः। विश्वांन्मुश्चत्व॰हंसः। यदि जाग्रद्यदि स्वप्नें। एना॰सि चकृमा वयम्॥२८॥

सूर्यो मा तस्मादेनंसः। विश्वांन्मुश्चत्व रहंसः। यद्ग्रामे यदरंण्ये। यथ्सभायां यदिन्द्रिये। यच्छूद्रे यद्यें। एनंश्चकृमा वयम्। यदेक्स्याधि धर्मणि। तस्यांवयजंनमिस। यदापो अघ्निया वरुणेति शपांमहे। ततो वरुण नो मुश्च॥२९॥

अवंभृथ निचङ्कण निचे्रुरंसि निचङ्कण। अवं देवैर्देवकृंत्मेनों-ऽयाट्। अव मर्त्यैर्मर्त्यंकृतम्। उरोरा नों देव रिषस्पांहि। सुमित्रा न् आप् ओषंधयः सन्तु। दुर्मित्रास्तस्मैं भूयासुः। योंऽस्मान्द्वेष्टिं। यं चं वयं द्विष्मः। द्रुपदादिवेन्म्ममुचानः। स्विन्नः स्नात्वी मलादिव॥३०॥

पूतं प्वित्रेंणेवाऽऽज्यम्। आपः शुन्धन्तु मैनंसः। उद्वयं तमंस्स्पिरं। पश्यंन्तो ज्योति्रुरुत्तंरम्। देवं देवत्रा सूर्यम्। अगंन्म ज्योतिंरुत्तमम्। प्रतियुतो वर्रुणस्य पार्शः। प्रत्यंस्तो वर्रुणस्य पार्शः। एथौंऽस्येधिषीमिहिं। समिदंसि॥३१॥

तेजोंऽसि तेजो मिये धेहि। अपो अन्वंचारिषम्। रसेन् समंसृक्ष्मिह। पर्यस्वा अग्र आगंमम्। तं मा सरसंज वर्चसा। प्रजयां च धनेन च। समावंवित पृथिवी। समुषाः। समु सूर्यः। समु विश्वंमिदं जगंत्। वैश्वान्रज्योंतिर्भूयासम्। विभुं कामं व्यंश्जवै। भूः स्वाहां॥३२॥

स्वप्न एना रेसि चकुमा वयं मुंश्च मलांदिव समिदंसि जगुत्रीणि च॥—[६]

होतां यक्षथ्समिधेन्द्रंमिडस्पदे। नाभां पृथिव्या अधि। दिवो वर्ष्म-थ्सिमध्यते। ओजिंष्ठश्चर्षणी सहान्। वेत्वाऽऽज्यंस्य् होत्यंजं। होतां यक्ष्चत्तनूनपांतम्। ऊतिभिर्जेतांर्मपंराजितम्। इन्द्रं देव॰ सुंवर्विदम्ं। पृथिभिर्मधुंमत्तमैः। नराश॰सेंन् तेजंसा॥३३॥

वेत्वाऽऽज्यंस्य होत्यंजं। होतां यक्ष्विडांभिरिन्द्रंमीडितम्। आजुह्वांनममर्त्यम्। देवो देवैः सवींयः। वज्रंहस्तः पुरन्दरः। वेत्वाऽऽज्यंस्य होत्यंजं। होतांयक्षद्वर्हिषीन्द्रंन्निषद्वरम्। वृष्भं नर्यापसम्। वसुंभीरुद्रैरांदित्यैः। स्युग्भिंब्र्हिरासंदत्॥३४॥ वेत्वाऽऽज्यंस्य होत्र्यजं। होतां यक्षदोजो न वीर्यम्। सहो द्वार् इन्द्रंमवर्धयन्। सुप्रायणा विश्रयन्तामृतावृधंः। द्वार् इन्द्रांय मीढुषें। वियन्त्वाज्यंस्य होत्र्यजं। होतां यक्षदुषे इन्द्रंस्य धेनू। सुदुषे मातरौं मही। सवातरौ न तेजंसी। वथ्समिन्द्रंमवर्धताम्॥३५॥

वीतामाज्यंस्य होत्र्यजं। होतां यक्ष्र्द्दैव्या होतांरा। भिषजा सखांया। ह्विषेन्द्रं भिषज्यतः। क्वी देवौ प्रचेतसौ। इन्द्रांय धत्त इन्द्रियम्। वीतामाज्यंस्य होत्र्यजं। होतां यक्षत्तिस्रो देवीः। त्रयंस्रिधातंवोपसंः। इडा सरंस्वती भारंती॥३६॥

म्हीन्द्रंपत्नीर्ह्विष्मंतीः। वियन्त्वाज्यंस्य होत्र्यजं। होतां यक्षुत्त्वष्टांर्मिन्द्रं देवम्। भिषज्ञं स्युयजं घृत्श्रियम्। पुरुरूपं सुरेतंसं मुघोनिम्। इन्द्रांय त्वष्टा दर्धदिन्द्रियाणि। वेत्वाऽऽज्यंस्य होत्र्यजं। होतां यक्षद्वनस्पतिम्। शुमितारं शृतक्रंतुम्। धियो जोष्टारंमिन्द्रियम्॥३७॥

मध्वां सम्ञञ्जय्िभाः सुगेभिः। स्वदाति ह्वयं मधुना घृतेन। वेत्वाऽऽज्यंस्य होत्र्यजां। होतां यक्ष्विदन्द्र्र् स्वाहाऽऽज्यंस्य। स्वाहां मेदंसः। स्वाहां स्तोकानांम्। स्वाहां स्वाहांकृतीनाम्। स्वाहां ह्व्यसूँक्तीनाम्। स्वाहां देवा अाज्यपान्। स्वाहेन्द्र रेहोत्राञ्जंषाणाः। इन्द्र आज्यंस्य वियन्तु। होत्र्यंजं॥३८॥ तेजंसाऽऽसददवर्धतां भारंतीन्द्रियं जुंषाणा द्वे चं (स्मिधेन्द्रन्तनृनपांत्मिडांभिर्ब्र्ह उषे देव्यां तिस्रस्त्वष्टांरं वनस्पतिमिन्द्रम्॥ समिधेन्द्रं चतुर्वेत्वेकों वियन्तु

द्विर्वीतामेकों वियन्तु द्विर्वेत्वेकों वियन्तु होत्तर्यजं॥)॥———[७]

सिमंद्ध इन्द्रं उषसामनीके। पुरोरुचां पूर्वकृद्वांवृधानः। त्रिभिर्देवैस्त्रिष्शता वर्ज्ञंबाहुः। जघानं वृत्रं वि दुरों ववार। नराशरसः प्रतिशूरो मिमांनः। तनूनपात्प्रतिं यज्ञस्य धामं। गोभिर्वपावान्मधुंना सम्अन्। हिरंण्येश्चन्द्री यंजित प्रचेताः। ईडितो देवैरहरिंवार अभिष्टिः। आजुह्वांनो हविषा शर्धमानः॥३९॥

पुरन्दरो मुघवान् वर्ज्ञबाहुः। आयांतु यज्ञमुपंनो जुषाणः।

जुषाणो बर्हिर्हिरंबात्र इन्द्रंः। प्राचीन र सीदत्र्रदिशां पृथिव्याः। उरुव्यचाः प्रथंमान इस्योनम्। आदित्यैर्क्तं वसुंभिः सजोषाः। इन्द्रं दुरः कव्ष्यो धावमानाः। वृषाणं यन्तु जनयः सुपत्नीः। द्वारो देवीर्भितो विश्रंयन्ताम्। सुवीरां वीरं प्रथंमाना महोभिः॥४०॥ उषासानक्तां बृह्ती बृहन्तम्। पर्यस्वती सुदुघे शूरमिन्द्रम्॥

उषासानक्ता बृह्ती बृहन्तम्। पयस्वती सुदुर्घ शूरिमेन्द्रम्। पेशंस्वती तन्तुंना संव्ययंन्ती। देवानां देवं यंजतः सुरुक्ते। दैव्या मिमाना मनंसा पुरुत्रा। होतांराविन्द्रं प्रथमा सुवाचां। मूर्धन् यज्ञस्य मधुना दर्धाना। प्राचीनं ज्योतिर्ह्विषां वृधातः। तिस्रो देवीर्ह्विषा वर्धमानाः। इन्द्रं जुषाणा वृषंणं न पत्नीः॥४१॥

अच्छिन्नं तन्तुं पर्यसा सरंस्वती। इडां देवी भारंती विश्वतूर्तिः। त्वष्टा दधदिन्द्रांय शुष्मम्। अपाकोचिष्टर्यशसे पुरूणिं। वृषा यजन्वृषंणं भूरिरेताः। मूर्धन् यज्ञस्य समनक्त देवान्। वन्स्पित्रवंसृष्ट्ये न पाशैः। त्मन्यां सम्अञ्छंिमता न देवः। इन्द्रंस्य ह्व्येर्जुठरंं पृणानः। स्वदांति ह्व्यं मधुंना घृतेनं। स्तोकानामिन्दुं प्रति शूर इन्द्रंः। वृषायमाणो वृष्भस्तुंराषाट्। घृतपुषा मधुंना ह्व्यमुन्दन्। मूर्धन् यज्ञस्यं जुषता्र् स्वाहां॥४२॥ शर्धमानो महोभिः पत्नींधृंतेनं चत्वारिं च॥————[८]

आचंर्षणिप्रा विवेष यन्मां। त॰ स्प्रीचींः। स्त्यिमत्तन्न त्वावा॰ अन्यो अस्ति। इन्द्रं देवो न मर्त्यो ज्यायान्। अहुन्नहिं पिर्शयांन्मणिः। अवांसृजोऽपो अच्छां समुद्रम्। प्रसंसाहिषे पुरुहृत शत्रून्। ज्येष्ठंस्ते शुष्मं इह रातिरस्तु। इन्द्रा भेर् दक्षिणेना वसूनि। पितः सिन्धूनामिस रेवतींनाम्। स शेवृंधमिष धाद्युम्नम्से। मिहं क्षत्रं जनाषािडेन्द्र तव्यम्। रक्षां च नो मृघोनः पाहि सूरीन्। राये चं नः स्वपत्या इषे धाः॥४३॥ रेवतींनां चत्वािरं च॥——[९]

देवं ब्र्हिरिन्द्र र् सुदेवं देवैः। वी्रवंथ्स्तीणं वेद्यांमवर्धयत्। वस्तौर्वृतं प्राक्तौर्भृतम्। राया ब्र्हिष्मृतोऽत्यंगात्। वृस्वनें वसुधेयंस्य वेतु यर्जा। देवीर्द्वार् इन्द्र र सङ्घाते। विङ्वीर्यामंत्रवर्धयन्। आ वृथ्सेन तरुणेन कुमारेणं चमीविता अपार्वाणम्। रेणुकंकाटं नुदन्ताम्। वृस्वनें वसुधेयंस्य वियन्तु यर्जा॥४४॥

प्रायांसिष्टाम्। सुप्रीते सुधिते अभूताम्। वृसुवने वसुधेयंस्य वीतां यजं। देवी जोष्ट्री वसुंधिती। देविमन्द्रंमवर्धताम्। अयाँव्यन्याघा द्वेषा रेसि। आन्यावाँक्षीद्वसु वार्याणि। यजंमानाय शिक्षिते॥४५॥

वसुवने वसुधेयंस्य वीतां यजं। देवी ऊर्जाह्ती दुघे सुदुघें।

पयसेन्द्रंमवर्धताम्। इष्मूर्जम्न्याऽवाँक्षीत्। सग्धिः सपीतिम्न्या। नवेन पूर्वं दयमाने। पुराणेन नवम्। अधातामूर्जमूर्जाहुती वसु वार्याणि। यजमानाय शिक्षिते। वसुवने वसुधेर्यस्य वीतां यजी॥४६॥

देवा दैव्या होतांरा। देविमन्द्रंमवर्धताम्। हृताघंशः सावाभाँष्टां वसुवार्याणि। यजंमानाय शिक्षितौ। वसुवनं वसुधेयंस्य वीतां यजं। देवीस्तिस्रस्तिस्रो देवीः। पितिमिन्द्रंमवर्धयन्। अस्पृंक्षद्भारंती दिवम्। रुद्रैर्युज्ञः सरस्वती। इडा वसुंमती गृहान्॥४७॥

वसुवने वसुधेयंस्य वियन्तु यजं। देव इन्द्रो नराशरसंः। त्रिव्रूथस्निवन्धुरः। देविमन्द्रमवर्धयत्। शतेनं शितिपृष्ठानामाहितः। सहस्रेण प्रवंति। मित्रावरुणेदंस्य होत्रमर्हतः। बृह्स्पतिः स्तोत्रम्। अश्विनाऽऽध्वंर्यवम्। वसुवने वसुधेयंस्य वेतु यजं॥४८॥ देव इन्द्रो वनस्पतिः। हिरंण्यपर्णो मधुंशाखः सुपिप्पलः।

देव इन्द्रो वनस्पतिः। हिरंण्यपर्णो मधुंशाखः सुपिप्पृलः। देवमिन्द्रंमवर्धयत्। दिवमग्रेणाप्रात्। आऽन्तरिक्षं पृथिवीमंद्दश्हीत्। वसुवने वसुधेर्यस्य वेतु यजे। देवं बुर्हिवरितीनाम्। देविमिन्द्रंमवर्धयत्। स्वास्स्थिमिन्द्रेणासंत्रम्। अन्या बर्ही इष्य्भ्यं-भूत्। वसुवनं वसुधेयस्यं वेतु यजं। देवो अग्निः स्विष्टकृत्। देविमिन्द्रंमवर्धयत्। स्विष्टं कुर्विन्थ्स्वष्टकृत्। स्विष्टम्द्यं करोतु नः। वसुवनं वसुधेयंस्य वेतु यजं॥४९॥ वियन्तु यजं शिक्षिते शिक्षिते वंसुवनं वसुधेयंस्य वीतां यजं गृहान् वेतु यजांभूथ्यद्वं (देवं बर्हिर्देवीद्वारी देवी उषासानक्तां देवी जोष्ट्री देवी ऊर्जाहुंती देवा दैव्या होतारा शिक्षितौ देवीस्तिस्रस्तिस्रो देवीर्देव इन्द्रो नराशक्सो देव इन्द्रो वनस्पतिर्देवं बर्हिवीरितीनान्देवो अग्निः स्विष्टकृद्देवम्। वेतु वियन्तु चतुर्वीतामेको वियन्तु चतुर्वैत्ववर्धयदवर्धयित्रिरंवर्धतामेकोऽ

वर्धयः श्रृतुरंवर्धयत्। वस्तोरा वृथ्सेन् दैवीरयावीष हृताऽस्पृक्षच्छ्तेन् दिव हं स्वासस्थः स्विष्टः शिक्षिते शिक्षिते शिक्षितौ॥)॥———[१०]

होतां यक्षथ्समिधाऽग्निमिडस्पदे। अश्विनेन्द्र सरंस्वतीम्। अजो धूम्रो न गोधूमैः क्रंलैर्भेषजम्। मधु शष्पैर्न तेजं इन्द्रियम्। पयः सोमः परिस्रुतां घृतं मधुं। वियन्त्वाज्यंस्य होत्र्यजं। होतां यक्षत्तनूनपाथ्सरंस्वती। अविर्मेषो न भेषजम्। पथा मधुंमृताभंरन्। अश्विनेन्द्रांय वीर्यम्॥५०॥

बदेरैरुप्वाकांभिर्भेषुजं तोकांभिः। पयः सोमः परिस्नुतां घृतं मधुं। वियन्त्वाज्यंस्य होत्र्यजं। होतां यक्षुं नराशरसं न नुग्नहुम्। पतिर् सुराये भेषुजम्। मेषः सरस्वती भिषक्। रथो न चन्द्र्यक्षिनौर्वृपा इन्द्रंस्य वीर्यम्। बदेरैरुप्वाकांभिर्भेषुजं तोकांभिः। पयः सोमः परिस्रुतां घृतं मधुं। वियन्त्वाज्यंस्य होत्र्यंजं॥५१॥

होतां यक्षिद्दिडेडित आजुह्वांनः सरंस्वतीम्। इन्द्रं बलेन वर्धयन्। ऋषभेण गवेंन्द्रियम्। अश्विनेन्द्रांय वीर्यम्। यवैंः कर्कन्थुंभिः। मधुं लाजैर्न मासंरम्। पयः सोमः परिस्रुतां घृतं मधुं। वियन्त्वाज्यंस्य होत्र्यजं। होतां यक्षद्वर्हिः सुष्टरीमोर्णम्रदाः। भिषङ्गासंत्या॥५२॥

भिषजाऽश्विनाऽश्वा शिशुंमती। भिषग्धेनुः सरंस्वती। भिषग्दुह इन्द्रांय भेषजम्। पयः सोमः परिस्रुतां घृतं मधुं। वियन्त्वाज्यंस्य होत्यंजं। होतां यक्षद्दुरो दिशः। कुवृष्यो न व्यचंस्वतीः। अश्विभ्यां न दुरो दिशः। इन्द्रो न रोदंसी दुधै। दुहे कामान्थ्सरंस्वती॥५३॥

अश्विनेन्द्रांय भेषजम्। शुक्रं न ज्योतिंरिन्द्रियम्। पयः सोमः परिस्रुतां घृतं मधुं। वियन्त्वाज्यंस्य होत्र्यंजं। होतां यक्षथ्सुपेशंसोषे नक्तं दिवां। अश्विनां सञ्जानाने। समं जाते सरंस्वत्या। त्विषिमिन्द्रे न भेषजम्। श्येनो न रजसा हृदा। पयः सोमः परिस्रुतां घृतं मधुं॥५४॥

वियन्त्वाज्यंस्य होत्यंजं। होतां यक्षद्दैव्या होतांरा भिषजा-ऽश्विनां। इन्द्रं न जागृंवी दिवा नक्तं न भेषजेः। शूष्ट् सरस्वती भिषक्। सीसेन दुह इन्द्रियम्। पयः सोमः परिस्रुतां घृतं मधुं। वियन्त्वाज्यंस्य होत्यंजं। होतां यक्षत्तिस्रो देवीर्न भेषजम्। त्रयंस्त्रिधातंबोऽपसंः। रूपिमन्द्रे हिर्ण्ययम्॥५५॥

दधुरिन्द्रियम्। पयः सोमः परिस्रुतां घृतं मधुं। वियन्त्वाज्यंस्य होत्यर्जः। होतां यक्ष्त्त्वष्टांरमिन्द्रमिश्वनाः। भिषजः न सरंस्वतीम्। ओजो न जूतिरिन्द्रियम्। वृको न रंभसो भिषक्। यशः सुरंया भेषजम्॥५६॥ श्रिया न मासंरम्। पयः सोमः परिस्रुतां घृतं मधुं।

अश्विनेडा न भारती। वाचा सरस्वती। मह इन्द्रांय

श्रिया न मासंरम्। पयः सोमः परिस्रुतां घृतं मधुं। वियन्त्वाज्यंस्य होत्र्यजं। होतां यक्षद्वनस्पतिम्। श्रमितारर्थं श्रतक्रंतुम्। भीमं न मृन्युर राजांनं व्याघ्रं नमंसाऽश्विना भामम्। सरंस्वती भिषक्। इन्द्रांय दुह इन्द्रियम्। पयः सोमः परिस्रुतां घृतं मधुं। वियन्त्वाज्यंस्य होत्र्यजं॥५७॥

होतां यक्षद्ग्निः स्वाहाऽऽज्यंस्य स्तोकानांम्। स्वाहा मेदंसां पृथंक्। स्वाहा छागंमिश्वभ्यांम्। स्वाहां मेषः सरंस्वत्यै। स्वाहंर्ष्भिमिन्द्रांय सिः हाय सहंसेन्द्रियम्। स्वाहाऽग्निः न भेषजम्। स्वाहा सोमंमिन्द्रियम्। स्वाहेन्द्रः सुत्रामांणः सिवतारं वर्रुणं भिषजां पितम्। स्वाहा वनस्पितं प्रियं पाथो न भेषजम्। स्वाहां देवाः आंज्यपान्॥५८॥

स्वाहाऽग्निः होत्राञ्जुंषाणो अग्निर्भेषुजम्। पयः सोमः परिस्रुतां घृतं मधुं। वियन्त्वाज्यंस्य होत्यर्जः। होतां यक्षदिश्विना सरस्वतीमिन्द्रः सुत्रामांणम्। इमे सोमाः सुरामांणः। छागैर्न मेषेर्ऋषभैः सुताः। शष्पैर्न तोक्मंभिः। लाजैर्महंस्वन्तः। मदा मासंरेण परिष्कृताः। शुक्राः पर्यस्वन्तोऽमृताः। प्रस्थिता वो मधुश्रुतंः। तानुश्विना सर्रेस्वतीन्द्रंः सुत्रामां वृत्रहा। जुषन्ता ई सौम्यं मधुं। पिबंन्तु मदंन्तु वियन्तु सोमम्। होतर्यजं॥५९॥ वीर्यं वियन्त्वाज्यंस्य होतर्यज नासंत्या सरंस्वती मधुं हिरण्ययं भेषजं वियन्त्वाज्यंस्य होतर्यजांज्यपानमृताः पश्चं च (समिधाऽग्नि॰ षट्।

तनूनपाँथ्सप्ता नराशरसमृषिंः। इडेडितो यवैर्ष्टौ। बर्हिः सप्ता दुरोऽश्विना नवं। सुपेशसर्षिः। दैव्या होतारा सीसेन रसंः। तिस्रस्त्वष्टारमष्टावंष्टौ। वनस्पतिमृषिः। अग्नित्रयोदश। अश्विना द्वादंश त्रयोदश। सुमिधा-ऽग्निं बदंरैर्बदंरैर्यवैरश्विना त्विषिंमश्विना न भेषज्ञ रूपमश्विनां भीमं

भामम्॥)॥• सिमंद्धो अग्निरंश्विना। तृप्तो घुर्मो विराद्थ्सुतः। दुहे धेनुः सर्रस्वती। सोमर्थ शुक्रमिहेन्द्रियम्। तनूपा भिषजां

सुते। अश्विनोभा सर्रस्वती। मध्वा रजार्र्सीन्द्रियम्। इन्द्राय

पथिभिविहान्। इन्द्रायेन्दु सरंस्वती। नराश सेन नग्नहुं:॥६०॥ अर्थातामृश्विना मर्थु। भेषुजं भिषजां सुते। आजुह्वांना सरस्वती। इन्द्रांयेन्द्रियाणि वीर्यम्। इडांभिरश्विनाविषम्। समूर्जर

सर र्यिं देधुः। अर्थिना नर्मुचेः सुतम्। सोमर्र शुक्रं परिस्रुता। सरंस्वती तमाभंरत्। बुर्हिषेन्द्रांय पातंवे॥६१॥

कवष्यों न व्यचंस्वतीः। अश्विभ्यां न दुरो दिशः। इन्द्रो न

रोदंसी दुघं। दुहे कामान्थ्सरंस्वती। उषासा नक्तंमश्विना। दिवेन्द्र ई सायमिन्द्रियैः। सञ्जानाने सुपेशंसा। समं जाते सरंस्वत्या। पातं नों अश्विना दिवाँ। पाहि नक्तर्र सरस्वति॥६२॥

दैव्यां होतारा भिषजा। पातमिन्द्र सर्चा सुते। तिस्रस्रेधा सरंस्वती। अश्विना भारतीडाँ। तीव्रं परिस्रुता सोमम्। इन्द्रांय सुषवुर्मदम्। अर्थिना भेषुजं मधुं। भेषुजं नः सरस्वती। इन्द्रे त्वष्टा यशः श्रियम्। रूपः रूपमधुः सुते। ऋतुथेन्द्रो वनस्पतिः। शुश्रमानः परिस्रुतां। कीलालंमुश्विभ्यां मधुं। दुहे धेनुः सरस्वती। गोभिर्न सोमंमश्विना। मासंरेण परिष्कृतां। सर्मधाता । सर्रस्वत्या। स्वाहेन्द्रे सुतं मधुं॥६३॥ नुग्रहः पातंवे सरस्वत्यधुः सुतेंऽष्टौ चं॥\_\_\_\_\_

अश्विनां हविरिन्द्रियम्। नमुंचेर्धिया सर्रस्वती। आ शुक्रमांसुराद्वसु। मुघमिन्द्रांय जिभ्रेरे। यमुश्विना सरंस्वती।

हविषेन्द्रमवर्धयन्। स बिभेद वलं मघम्। नमुचावासुरे सचौ। तिमन्द्रं पशवः सर्चां। अश्विनोभा सर्रस्वती॥६४॥

दर्धाना अभ्यंनूषत। ह्विषां यज्ञमिंन्द्रियम्। य इन्द्रं इन्द्रियं द्धुः। सुविता वर्रुणो भगः। स सुत्रामां ह्विष्यंतिः। यजमानाय सश्चत। सविता वर्रुणोऽदर्धत्। यर्जमानाय दाशुषै। आदेत्त नमुंचेर्वसुं। सुत्रामा बर्लमिन्द्रियम्॥६५॥

वरुंणः क्षत्रमिन्द्रियम्। भगेन सिवता श्रियम्। सुत्रामा यशंसा बलम्। दर्धाना युज्ञमांशत। अश्विना गोभिरिन्द्रियम्। अश्वीभिर्वीर्यं

बलम्। ह्विषेन्द्र<u>क्ष</u> सरंस्वती। यजंमानमवर्धयन्। ता नासंत्या सुपेशंसा। हिरंण्यवर्तनी नर्गं। सरंस्वती ह्विष्मंती। इन्द्र कर्मसु नोऽवत। ता भिषजां सुकर्मणा। सा सुदुघा सरंस्वती। स वृंत्रहा शृतक्रंतुः। इन्द्रांय दधुरिन्द्रियम्॥६६॥

उभा सरस्वती बलंमिन्द्रियन्नरा षद्वं॥———[१३]
देवं बुर्हिः सरस्वती। सुदेविमन्द्रें अश्विनां। तेजो न
चक्षरक्ष्योः। बरहिषां दधरिन्द्रियम। वसवने वसधेर्यस्य वियन्त

चक्षुंरक्ष्योः। बर्हिषां दधुरिन्द्रियम्। वसुवनं वसुधेर्यस्य वियन्तु यजं। देवीर्द्वारों अश्विनां। भिषजेन्द्रे सरंस्वती। प्राणं न वीर्यंत्रसि। द्वारों दधुरिन्द्रियम्। वसुवनं वसुधेर्यस्य वियन्तु यजं॥६७॥

देवी उषासांविश्विनां। भिषजेन्द्रे सरंस्वती। बलं न वाचंमास्यें। उषाभ्यां दधुरिन्द्रियम्। वसुवनं वसुधेयंस्य वियन्तु यजं। देवी जोष्ट्री अश्विनां। सुत्रामेन्द्रे सरंस्वती। श्रोत्रं न कर्णयोर्यशंः। जोष्ट्रीभ्यां दधुरिन्द्रियम्। वसुवनं वसुधेयंस्य वियन्तु यजं॥६८॥

देवी ऊर्जाहुंती दुघे सुदुघें। पयसेन्द्र सरंस्वत्यश्विनां भिषजांऽवत। शुक्रं न ज्योतिः स्तनंयोराहुंती धत्त इन्द्रियम्। वसुवनें वसुधेयंस्य वियन्तु यर्ज। देवा देवानांं भिषजां। होतांराविन्द्रंमश्विनां। वृषद्भारेः सरंस्वती। त्विष्ठं न हृदंये मृतिम्। होतृंभ्यां दधुरिन्द्रियम्। वृसुवनं वसुधेयंस्य वियन्तु यजं॥६९॥

देवीस्तिस्रस्तिस्रो देवीः। सर्रस्वत्यश्विना भारतीडाँ। शूष्त्र मध्ये नाभ्याँम्। इन्द्रांय दध्रिन्द्रियम्। वसुवने वसुधेयंस्य वियन्तु यर्जा देव इन्द्रो नराश्र स्मः। त्रिव्रूथः सर्रस्वत्याऽश्विभ्यांमीयते रथः। रेतो न रूपम्मृतं जनित्रम्। इन्द्रांय त्वष्टा दधंदिन्द्रियाणि। वसुवने वसुधेयंस्य वियन्तु यर्जा॥७०॥

देव इन्द्रो वनस्पतिः। हिरंण्यपर्णो अश्विभ्याम्। सरंस्वत्याः सुपिप्पलः। इन्द्रांय पच्यते मधुं। ओजो न जूतिमृष्भो न भामम्। वनस्पतिनीं दर्धदिन्द्रियाणि। वसुवने वसुधेयंस्य वियन्तु यजं। देवं बर्हिवीरितीनाम्। अध्वरे स्तीर्णमृश्विभ्यांम्। ऊर्णम्रदाः सरंस्वत्याः॥७१॥

स्योनमिन्द्र ते सदंः। ईशाये मृन्यु राजांनं बुर्हिषां दधुरिन्द्रियम्। वृसुवने वसुधेयंस्य वियन्तु यजं। देवो अग्निः स्विष्टकृत्। देवान् यंक्षद्यथायथम्। होतांराविन्द्रंमृश्विनां। वाचा वाच् सरंस्वतीम्। अग्निः सोमई स्विष्टकृत्। स्विष्ट इन्द्रंः सुत्रामां सिवता वर्रुणो भिषक्। इष्टो देवो वनस्पितिः। स्विष्टा देवा अांज्यपाः। इष्टो अग्निर्ग्निनां। होतां होत्रे स्विष्टकृत्। यशो न दर्धदिन्द्रियम्। ऊर्जुमपंचितिः स्वधाम्। वसुवने वसुधेयंस्य

वियन्तु यजं॥७२॥

द्वारों दधुरिन्द्रियं वंसुवनें वसुधेयंस्य वियन्तु यज जोष्ट्रीभ्यां दधुरिन्द्रियं वंसुवनें वसुधेयंस्य वियन्तु यज् होतृंभ्यां दंधुरिन्द्रियं वंसुवनें वसुधेयंस्य वियन्तु यजैन्द्रियाणि वसुवने वसुधेयंस्य वियन्तु यज् सरंस्वत्या वनस्पतिः पद्धं (देवं बर्हिर्देवीर्द्वारों देवी उपासांविश्वनां देवी जोष्ट्रीं देवी ऊर्जाहुंती देवा देवानां भिषजां वषट्कारैर्देवीस्तिस्रस्तिस्रो देवीर्देव इन्द्रो नराश॰सों देव इन्द्रो वनस्पतिर्देवं बर्हिर्वारितीनान्देवो अग्निः स्विष्टकृद्देवान्। समिधाऽग्निं देवं बर्हिः सरंस्वत्यश्विना सर्वं वियन्तु। द्वारंस्तिम्नः सर्ववियन्तु। अज इन्द्रमोजोऽग्निं परः सरंस्वतीम्। नक्तं पूर्वः सरंस्वति। अन्यत्र सरंस्वती। भिषक्पूर्वं दुह इन्द्रियम्। अन्यत्रं दधुरिन्द्रियम्। सौत्रामुण्याः सुंतासुती। अञ्जन्त्ययं यर्जमानः॥)॥

अग्निमद्य होतारमवृणीत। अय॰ सुंतासुती यर्जमानः। पर्चन्यक्तीः। पर्चन्युरोडाशान्। गृह्णनग्रहान्। बुध्रन्नश्विभ्यां छागुर् सरंस्वत्या इन्द्रांय। बुध्नन्थ्सरंस्वत्ये मेषिमन्द्रांयाश्विभ्याम्। बध्निन्द्रांयर्षभमिश्वभ्याः सरंस्वत्यै। सूपस्था अद्य देवो वनुस्पतिरभवत्। अश्विभ्यां छागेन सरस्वत्या इन्द्रांय॥७३॥

सरंस्वत्यै मेषेणेन्द्रांयाश्विभ्यांम्। इन्द्रांयर्षभेणाश्विभ्या ५ सरंस्वत्यै। अक्षु इस्तान्में दुस्तः प्रतिपचताग्रंभीषुः। अवीवृधन्त ग्रहैः। अपातामृश्विना सरस्वतीन्द्रेः सुत्रामां वृत्रुहा। सोमान्थ्सुराम्णेः। उपो उक्थामुदाः श्रौद्विमदां अदन्। अवीवृधन्ताङ्ग्षैः। त्वामुद्यर्षं आर्षेयर्षीणान्नपादवृणीत। अय स्ंतासुती यर्जमानः। बहुभ्य आ सङ्गतेभ्यः। एष में देवेषु वसु वार्या येक्ष्यत् इतिं। ता या देवा देवदानान्यदुः। तान्यंस्मा आ च शास्वं। आ चं गुरस्व। इषितश्चं होत्रसिं भद्रवाच्यांय प्रेषितो मानुषः। सूक्तवाकायं सूक्ता ब्रूहि॥७४॥ इन्द्रांय यर्जमानः सप्त चं॥

उशन्तंस्त्वा हवामह् आ नो अग्ने सुकेतुनां। त्वर सोम महे भगं त्वर सोम प्रचिकितो मनीषा। त्वया हि नः पितरः सोम पूर्वे त्वर सोम पितृभिः संविदानः। बर्हिषदः पितर् आऽहं पितृन्। उपहताः पितरोऽग्निष्वाताः पितरः। अग्निष्वातानंतमतो हवामहे।

उपहूताः पितरोऽग्निष्वात्ताः पितरः। अग्निष्वात्तानृतुमतो हवामहे। नराशरसे सोमपीथं य आशुः। ते नो अर्वन्तः सुहवां भवन्तु। शं नो भवन्तु द्विपदे शं चतुष्पदे। ये अग्निष्वात्ता येऽनिग्निष्वात्ताः॥७५॥

अध्होमुर्चः पितरंः सोम्यासंः। परेऽवंरेऽमृतांसो भवंन्तः। अधि ब्रुवन्तु ते अवन्त्वस्मान्। वान्यायै दुग्धे जुषमांणाः कर्म्भम्। उदीरांणा अवंरे परे च। अग्निष्वात्ता ऋतुभिः संविदानाः। इन्द्रंवन्तो ह्विरिदं जुंषन्ताम्। यदंग्ने कव्यवाहन् त्वमंग्न ईडितो जांतवेदः। मार्तेली कव्यैः। ये तांतृपुर्देवत्रा जेहंमानाः। होत्रावृधः स्तोमंतष्टासो अर्कैः। आऽग्ने याहि सुविदत्रेभिर्वाङ्। सत्यैः कव्यैः पितृभिर्घर्म्सद्भिः। हव्यवाहंमुजरं पुरुप्रियम्। अग्निं घृतेनं हविषां

सपुर्यन्। उपांसदं कव्यवाहं पितृणाम्। स नः प्रजां वीरवंती र समृज्यत॥ ७६॥

होतां यक्षिद्विडस्पदे। समिधानं महद्यशंः। सुषंमिद्धं वरेण्यम्। अग्निमिन्द्रं वयोधसम्। गायत्रीं छन्दं इन्द्रियम्। त्र्यविं गां वयो दर्धत्। वेत्वाऽऽज्यस्य होत्र्यज्ञं। होतां यक्षुच्छुचिव्रतम्। तनूनपातमुद्भिदम्। यं गर्भमदितिर्द्धे॥७७॥

शुचिमिन्द्रं वयोधसम्। उष्णिहं छन्दं इन्द्रियम्। दित्यवाहं गां वयो दर्धत्। वेत्वाऽऽज्यंस्य होत्र्यजं। होतां यक्षदीडेन्यम्। ईडितं वृत्रहन्तंमम्। इडांभिरीड्य सहं। सोम्मिन्द्रं वयोधसम्। अनुष्टभं छन्दं इन्द्रियम्। त्रिवथ्सं गां वयो दर्धत्॥७८॥

वेत्वाऽऽज्यंस्य होत्यंजं। होतां यक्षथ्सुबर्ह्षिदम्ं। पूष्णवन्तममंर्त्यम्। सीदंन्तं बर्हिषिं प्रिये। अमृतेन्द्रं वयोधसम्ं। बृह्तीं छन्दं इन्द्रियम्। पश्चांविं गां वयो दर्धत्। वेत्वाऽऽज्यंस्य होत्यंजं। होतांयक्षद्ध्यचंस्वतीः। सुप्रायणा ऋतावृधंः॥७९॥

द्वारों देवीर्हिर्ण्ययीः। ब्रह्माण् इन्द्रं वयोधसम्। पृङ्किं छन्दं इहेन्द्रियम्। तुर्यवाह्ं गां वयो दर्धत्। वेत्वाऽऽज्यंस्य होत्र्यजं। होतां यक्षथ्सुपेशंसे। सुशिल्पे बृह्ती उभे। नक्तोषासा न दंर्शते। विश्वमिन्द्रं वयोधसम्। त्रिष्टुभं छन्दं इन्द्रियम्॥८०॥ पृष्ठवाहुं गां वयो दर्धत्। वेत्वाऽऽज्यंस्य होत्र्यजं। होतां यक्षत्प्रचेतसा। देवानांमुत्तमं यशः। होतांग् दैव्यां कवी। सयुजेन्द्रं वयोधसम्। जगतीं छन्दं इहेन्द्रियम्। अनुङ्गाहुं गां वयो दर्धत्। वेत्वाऽऽज्यंस्य होतर्यजं। होतां यक्षत्पेशंस्वतीः॥८१॥

तिस्रो देवीर्हिर्ण्ययीः। भारतीर्बृह्तीर्म्हीः। पितृमिन्द्रें वयोधसम्। विराजं छन्दं इहेन्द्रियम्। धेनुं गां न वयो दर्धत्। वेत्वाऽऽज्यंस्य होत्यर्यजं। होतां यक्षथ्सुरेतंसम्। त्वष्टांरं पृष्टिवर्धनम्। रूपाणि बिभ्रंतं पृथंक्। पृष्टिमिन्द्रं वयोधसम्॥८२॥

द्विपदं छन्दं इहेन्द्रियम्। उक्षाणं गां न वयो दर्धत्। वेत्वाऽऽज्यंस्य होत्र्यंजं। होतां यक्षच्छ्तक्रंतुम्। हिरंण्य-पर्णमुक्थिनम्। रृश्नां बिभ्रंतं वृशिम्। भगमिन्द्रं वयोधसम्। कुकुमं छन्दं इहेन्द्रियम्। वृशां वेहतं गां न वयो दर्धत्। वेत्वाऽऽज्यंस्य होत्र्यंजं। होतां यक्ष्यस्वाहांकृतीः। अग्निं गृहपंतिं पृथंक्। वरुणं भेषुजं कृविम्। क्षुत्रमिन्द्रं वयोधसम्। अतिंच्छन्दसं छन्दं इन्द्रियम्। बृहदंषमं गां वयो दर्धत्। वेत्वाऽऽज्यंस्य होत्र्यंजं॥८३॥

द्धे दर्धदतावृधं इन्द्रियं पेशंस्वतीर्वयोधस्ं वेत्वाऽऽज्यंस्य होत्र्यंजं सप्त चं (इडस्पदेंऽग्निङ्गांयत्रीत्र्यविम्ं। शुचिंव्रत्र् शुचिंमुण्णिहंन्दित्यवाहम्ं। ईडेन्य्र् सोमंमनुष्टुभं त्रिव्थसम्। सुब्र्हिषदंमृमृतेन्द्रं बृह्तीं पश्चाविम्। व्यचंस्वतीः सुप्रायणा द्वारौं ब्रह्माणंः पुङ्किमिह तुंर्यवाहम्ं। सुपेशंसे विश्वमिन्द्रं त्रिष्टुभं

पष्ठवाहम्। प्रचेतसा स्युजेन्द्रं जगंतीमिहानुङ्गाहम्। पेशंस्वतीस्तिस्रः पतिं विराजंमिह धेनुन्न। सुरेतंसन्त्वष्टांरं पुष्टिमिन्द्रंं द्विपदंमिहोक्षाणन्न। शतर्ऋतुं भगमिन्द्रं ककुर्भमिह वशान्न। स्वाहांकृतीः क्षत्रमितंच्छन्दसं बृहदंषभं गां वयो दर्धदिन्द्रियमृषिं वसु नवं दुशेहें न्द्रियमष्टं नव दश गां न वयो दर्धदिडस्पदे सर्वं वेतृ॥)॥

समिद्धो अग्निः समिधा। सुषंमिद्धो वरेण्यः। गायत्री छुन्दं इन्द्रियम्। त्र्यविर्गीर्वयो दधुः। तनूनपाच्छुचिव्रतः। तुनूपाच् सर्रस्वती। उष्णिक्छन्दं इन्द्रियम्। दित्यवाङ्गोर्वयो दधुः। इडांभिरग्निरीड्यः। सोमों देवो अमर्त्यः॥८४॥

अनुष्टुप्छन्दं इन्द्रियम्। त्रिवथ्सो गौर्वयो दधुः। सुबर्हिरग्निः पूषण्वान्। स्तीर्णबंहिरमंत्र्यः। बृहती छन्दं इन्द्रियम्। पश्चांविर्गौर्वयो दधुः। दुरों देवीर्दिशों महीः। ब्रह्मा देवो बृहस्पतिः। पङ्किश्छन्दं इहेन्द्रियम्। तुर्यवाङ्गौर्वयो दधुः॥८५॥

उषे यह्वी सुपेशंसा। विश्वे देवा अमंर्त्याः। त्रिष्टुप्छन्दं इन्द्रियम्। पृष्ठवाद्गौर्वयो दधुः। दैव्यां होतारा भिषजा। इन्द्रेण सयुजां युजा। जगंती छन्दं इहेन्द्रियम्। अनुङ्गान्गोर्वयो दधुः। तिस्र इडा सरस्वती। भारती मुरुतो विशं:॥८६॥

विराद्धन्दं इहेन्द्रियम्। धेनुर्गौर्न वयो दधुः। त्वष्टां तुरीपो अद्भुंतः। इन्द्राम्नी पुंष्टिवर्धना। द्विपाच्छन्दं इहेन्द्रियम्। उक्षा गौर्न वयो दधुः। शृमिता नो वनस्पतिः। स्विता प्रस्वन्भगम्। कुकुच्छन्दं इहेन्द्रियम्। वृशा वेहद्गौर्न वयो दधुः। स्वाहां युज्ञं वरुणः। सुक्षत्रो भेषुजं करत्। अतिंच्छन्दाश्छन्दं इन्द्रियम्। बृहदंषभो गौर्वयो दधुः॥८७॥ अमर्त्यस्तुर्य्वाङ्गौर्वयो दधुर्विशो वृशा वेहद्गौर्न वयो दधुश्चत्वारिं च॥—[१८]

वसन्तेन्त्नां देवाः। वसंविश्चवृतां स्तुतम्। रथन्तरेण् तेर्जसा। हिविरिन्द्रे वयो दधुः। ग्रीष्मेणं देवा ऋतुनां। रुद्राः पंश्चदशे स्तुतम्। बृह्ता यशंसा बलम्। हिविरिन्द्रे वयो दधुः। वर्षाभिर्ऋतुनां-ऽऽदित्याः। स्तोमें सप्तदशे स्तुतम्॥८८॥

वैरूपेणं विशोजंसा। ह्विरिन्द्रे वयों दधुः। शार्देन्तुंनां देवाः। एक्वि॰श ऋभवंः स्तुतम्। वैराजेनं श्रिया श्रियम्ं। ह्विरिन्द्रे वयों दधुः। हेमन्तेन्तुंनां देवाः। मरुतंस्त्रिण्वं स्तुतम्। बलेन् शक्तंरिः सहंः। ह्विरिन्द्रे वयों दधुः। श्रैशिरेण्तुंनां देवाः। त्र्यस्त्रि॰शेऽमृतः स्तुतम्। सत्येनं रेवतींः क्षत्रम्। ह्विरिन्द्रे वयों दधुः॥८९॥ स्तोमं सप्तद्रशे स्तुत॰ सहों ह्विरिन्द्रे वयों दधुश्चत्वारिं च (वसन्तेनं ग्रीष्मेणं वर्षाभिः शार्देनं हेमन्तेनं शैशिरेण् षद॥)॥———[१९]

देवं ब्रिहिरिन्द्रं वयोधसम्। देवं देवमंवर्धयत्। गायत्रिया छन्दंसेन्द्रियम्। तेज् इन्द्रे वयो दर्धत्। वसुवनं वसुधेर्यस्य वेतु यजं। देवीर्द्वारों देविमन्द्रं वयोधसम्। देवीर्देवमंवर्धयन्। उष्णिहा यर्ज॥९०॥

देवी देवं वंयोधसम्। उषे इन्द्रंमवर्धताम्। अनुष्टुभा छन्दंसेन्द्रियम्। वाचिमन्द्रे वयो दर्धत्। वसुवने वसुधेर्यस्य वीतां यजं। देवी जोष्ट्री देविमन्द्रं वयोधसम्। देवी देवमंवर्धताम्। बृहत्या छन्दंसेन्द्रियम्। श्रोत्रमिन्द्रे वयो दर्धत्। वसुवर्ने वसुधेयंस्य वीतां यजं॥९१॥

देवी ऊर्जाहुंती देविमन्द्रंं वयोधसम्। देवी देवमंवर्धताम्। पङ्क्या छन्दंसेन्द्रियम्। शुक्रमिन्द्रे वयो दर्धत्। वसुवने वसुधेर्यस्य वीतां यजं। देवा दैव्या होतांरा देवमिन्द्रं वयोधसम्। देवा देवमंवर्धताम्। त्रिष्टभा छन्दंसेन्द्रियम्। त्विषिमिन्द्रे वयो दर्धत्। वसुवने वसुधेयंस्य वीतां यजं॥९२॥

देवीस्तिस्रस्तिस्रो देवीर्वयोधसम्। पतिमिन्द्रंमवर्धयन्। जर्गत्या छन्दंसेन्द्रियम्। बलुमिन्द्रे वयो दर्धत्। वसुवने वसुधेयंस्य वियन्तु यजं। देवो नराश १ सो देविमिन्द्रं वयोधसम्। देवो देवमंवर्धयत्। विराजा छन्दंसेन्द्रियम्। रेत इन्द्रे वयो दर्धत्। वसुवर्ने वसुधेर्यस्य वेतु यर्ज॥९३॥

देवो वनस्पतिर्देविमन्द्रं वयोधसम्। देवो देवमंवर्धयत्। द्विपदा छन्दंसेन्द्रियम्। भगमिन्द्रे वयो दर्धत्। वसुवनं वसुधेयस्य वेतु यजं। देवं बर्हिर्वारितीनां देविमन्द्रं वयोधसम्। देवं देवमंवर्धयत्। ककुभा छन्दंसेन्द्रियम्। यश इन्द्रे वयो दर्धत्। वसुवने वसुधेर्यस्य वेतु यर्जा। देवो अग्निः स्विष्टकृद्देवमिन्द्रं वयोधसम्। देवो देवमंवर्धयत्। अतिंच्छन्दसा छन्दंसेन्द्रियम्। क्षत्रमिन्द्रे वयो दर्धत्। वसुवने वसुधेयंस्य वेतु यर्ज॥९४॥

वियन्तु यर्ज वीतां यर्ज वीतां यर्ज वेतु यर्ज वेतु यज् पर्श्व च (देवं बर्हिर्गायत्रिया तेर्जः। देवीर्द्वारं उष्णिहाँ प्राणम्। देवी देवमुषे अंनुष्टुभा वाचम्। देवी जोष्ट्रीं बृहत्या श्रोत्रम्। देवी ऊर्जाहुंती पुङ्ग्या शुक्रम्। देवा दैव्या होतांरा त्रिष्टुभा त्विषिम्ंं। देवीस्तिस्रस्तिस्रो देवीः पतिं जगंत्या बलम्ं। देवो नराश १ सो विराजा रेतः। देवो वनस्पतिंर्द्विपदा भगम्। देवं बर्हिर्वारितीनां ककुभा यशंः। देवो अग्निः स्विष्टकृदतिंच्छन्दसा क्षत्रम्। वेतु वियन्त् चतुर्वीतामेको वियन्तु चतुर्वेत्ववर्धयदवर्धयः श्रुतुरंवर्धतामेको ऽवर्धयः श्चतुरंवर्धयत्॥)॥\_\_\_\_

स्वाद्वीं त्वा सोमः सुरावन्तर् सीसेन मित्रोऽसि यद्देवा होतां यक्षथ्समिधेन्द्रर् सिमंद्ध इन्द्र आचर्षिणप्रा देवं बुर्हिर्होतां यक्षथ्समिधाऽग्निः सिमिद्धो अग्निरिश्वेनाऽश्विनां हुविरिन्द्रियं देवं बुर्हिः सर्रस्वत्यग्निमुद्योशन्तो होतां यक्षद्विडस्पदे समिद्धो अग्निः समिधां वसन्तेनुर्तुनां देवं बुर्हिरिन्द्रं वयोधसं

वि श्वातिः ॥ २०॥

स्वाद्वीं त्वाऽमीमदन्त पितरः साम्राज्याय पूतं पवित्रेणोषासानक्ता बदंरैरधातां देव इन्द्रो वनस्पतिः पष्टवाहुङ्गा देवी देवं वयोधसं चर्तुर्नवतिः॥९४॥

स्वाद्वीं त्वां वेतु यजं॥

हरिः ओम्॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके षष्ठः

प्रपाठकः समाप्तः॥

## ॥सप्तमः प्रश्नः॥

## ॥तैत्तिरीयब्राह्मणे द्वितीयाष्टके सप्तमः प्रपाठकः॥

त्रिवृथ्स्तोमो भवति। ब्रह्मवर्चसं वै त्रिवृत्। ब्रह्मवर्चसमेवावं रुन्धे। अग्निष्टोमः सोमो भवति। ब्रह्मवर्चसं वा अग्निष्टोमः। ब्रह्मवर्चसमेवावं रुन्धे। रथन्तर सामं भवति। ब्रह्मवर्चसं वै रथन्तरम्। ब्रह्मवर्चसमेवावं रुन्धे। परिस्रजी होतां भवति॥१॥

अ्रुणो मिर्मिरस्त्रिश्चंत्रः। एतद्वे ब्रंह्मवर्चसस्यं रूपम्। रूपेणेव ब्रंह्मवर्चसमवं रुन्थे। बृह्स्पतिरकामयत देवानां पुरोधां गंच्छेयमिति। स एतं बृहस्पतिस्वमंपश्यत्। तमाऽहंरत्। तेनायजत। ततो वै स देवानां पुरोधामंगच्छत्। यः पुरोधाकांमः स्यात्। स बृहस्पतिसवनं यजेत॥२॥

पुरोधामेव गंच्छति। तस्यं प्रातः सवने स्त्रेषुं नाराश्र्थसेषुं। एकांदश् दक्षिणा नीयन्ते। एकांदश् माध्यं दिने सवने स्त्रेषुं नाराश्र्थसेषुं। एकांदश तृतीयसवने स्त्रेषुं नाराश्र्थसेषुं। त्रयंस्त्रिश्श्रथसम्पंद्यन्ते। त्रयंस्त्रिश्श्रद्धे देवताः। देवतां एवावं रुन्धे। अश्वंश्रतुस्त्रिश्शः। प्राजापत्यो वा अश्वः॥३॥

प्रजापंतिश्चतुस्त्रिष्त्रशो देवतांनाम्। यावंतीरेव देवताः। ता पुवावं रुन्धे। कृष्णाजिनेऽभिषिश्चिति। ब्रह्मणो वा पृतद्रूपम्। यत्कृष्णाजिनम्। ब्रह्मवर्चसेनैवैन्ष् समर्थयति। आज्येनाभिषिश्चिति। तेजो वा आज्यम्। तेजं पुवास्मिन्दधाति॥४॥ होतां भवति यजेत वा अश्वो दधाति॥—————

यदाँग्रेयो भवंति। अग्निमुंखा ह्यृद्धिः। अथ् यत्पौष्णः। पृष्टिर्वे पषा। पष्टिर्वेष्यंस्य। पष्टिमेवावं रुन्धे। प्रसवायं सावित्रः। अथ

पूषा। पृष्टिवैश्यंस्य। पृष्टिमेवावं रुन्धे। प्रस्वायं सावित्रः। अथ यत्त्वाष्ट्रः। त्वष्टा हि रूपाणि विक्रोतिं। निर्वरुणत्वायं वारुणः॥५॥

अथो य एव कश्च सन्थ्सूयतें। स हि वांरुणः। अथ् यद्वैश्वदेवः। वैश्वदेवो हि वेश्यः। अथ् यन्मांरुतः। मारुतो हि वेश्यः। सप्तैतानिं ह्वीश्षिं भवन्ति। सप्तगंणा वे मुरुतः। पृश्चिः पष्ठौही मांरुत्या लेभ्यते। विश्वे मुरुतः। विशं एवेतन्मध्यतोऽभिषिंच्यते। तस्माद्वा एष विशः प्रियः। विशो हि मध्यतोऽभिषिच्यते। ऋष्भचर्मे-ऽध्यभिषिंश्वति। स हि प्रंजनयिता। द्रप्नाऽभिषिंश्वति। ऊर्ग्वा

उध्यभिषिश्चिति। स हि प्रजनियता। दुधाऽभिषिश्चिति। ऊर्ग्वा अन्नाद्यं दिथे। ऊर्जेवैनंमन्नाद्यंन समर्थयति॥६॥ वारुणो विद्वै मुरुतोऽष्टौ चं॥———[२]

यदाँग्रेयो भवंति। आग्नेयो वै ब्राँह्मणः। अथु यथ्सौम्यः। सौम्यो हि ब्राँह्मणः। प्रस्वायैव सांवित्रः। अथु यद्वार्हस्पृत्यः। एतद्वे ब्राँह्मणस्यं वाक्पृतीयम्। अथु यदंग्नीषोमीर्यः। आग्नेयो वै ब्राँह्मणः। तौ युदा सङ्गच्छेते॥७॥

अर्थ वीर्यावत्तरो भवति। अथु यथ्मारस्वतः। एति प्रत्यक्षं ब्राह्मणस्यं वाक्पतीयम्। निर्वरुणत्वायैव वारुणः। अथो य एव कश्च सन्थ्सूयतें। स हि वारुणः। अथु यद्यांवापृथिव्यः। इन्द्रो वृत्राय वज्रमुदंयच्छत्। तं द्यावांपृथिवी नान्वंमन्येताम्। तमेतेनैव भागधेयेनान्वंमन्येताम्॥८॥

वर्जस्य वा एषोऽनुमानायं। अनुमतवज्रः सूयाता इतिं। अष्टावेतानिं हवी १ षिं भवन्ति। अष्टाक्षंरा गायुत्री। गायत्री ब्रह्मवर्चसम्। गायत्रियेव बंह्मवर्चसमवं हिरण्येन घृतमृत्पुंनाति। तेजंस एव रुचे। कृष्णाजिनें-ऽभिषिञ्चति। ब्रह्मणो वा एतदंख्सामयो रूपम्। यत्कृष्णाजिनम्। ब्रह्मंत्रेवैनंमृख्सामयोरध्यभिषिंश्वति। घृतेनाभिषिंश्वति। तथां वीर्यावत्तरो भवति॥९॥

सङ्गच्छेते भागधेयेनान्वंमन्येता १ रूपं चुत्वारिं च॥-----[३] न वै सोमेन सोमंस्य सर्वों ऽस्ति। हतो ह्येषः। अभिषुंतो ह्येषः। न हि हतः सूयतें। सौमी र सूतवंशामा लंभते। सोमो वै रेतोधाः। रेतं एव तद्दंधाति। सौम्यर्चाऽभिषिश्चित। रेतोधा ह्यंषा। रेतः सोमंः। रेतं एवास्मिन्दधाति। यत्किं चं राजसूर्यमृते सोमम्। तथ्सर्वं भवति। अषांढं युथ्सु पृतंनासु पप्रिम्ं। सुव्रूषाम्पस्वां वृजनंस्य गोपाम्। भरेषुजार सुंक्षितिर सुश्रवंसम्। जयन्तं त्वामनुं मदेम सोम॥१०॥ रेतः सोर्मः सप्त चं॥\_\_\_\_

यो वै सोमेन सूयतें। स देवस्वः। यः पुशुनां सूयतें। स देवसुवः। य इष्ट्यां सूयतें। स मनुष्यसुवः। एतं वै पृथेये देवाः

प्रायंच्छन्। ततो वै सोऽप्यांरुण्यानां पशूनामंसूयत। यावंतीः कियंतीश्च प्रजा वाचं वदंन्ति। तासार सर्वासार सूयते॥११॥

य एतेन् यजंते। य उं चैनमेवं वेदं। नाराश्र्रस्यर्चाऽभिषिश्चित। मनुष्यां वे नराशरसंः। निह्नुत्य वावैतत्। अथाभिषिश्चिति। यत्किं चं राज्मूयंमनुत्तरवेदीकम्। तथ्सर्वं भवित। ये में पश्चाशतंं ददुः। अश्वांनार स्थस्तुंतिः। द्युमदंग्ने मिह् श्रवंः। बृहर्त्कृधि मुघोनांम्। नृवदंमृत नृणाम्॥१२॥

सूयते स्थस्तुंतिस्त्रीणि च॥———[५]

एष गोंस्वः। षृद्धिर्श उक्थ्यों बृहथ्सांमा। पर्वमाने
कण्वरथन्तरं भेवति। यो वै वाजपेर्यः। स सम्माट्थ्सवः। यो

कण्वरथन्तर भवाता या व वाज्ययः। स सम्राट्थ्सवः। या राजसूर्यः। स वरुणस्वः। प्रजापितः स्वाराज्यं परमेष्ठी। स्वाराज्यं गौरेव। गौरिव भवति॥१३॥

य पृतेन् यजेते। य उं चैनमेवं वेदं। उभे बृंहद्रथन्तरे भंवतः। तिद्धे स्वाराज्यम्। अयुत्ं दिक्षंणाः। तिद्धे स्वाराज्यम्। प्रतिधुषाऽभिषिश्चिति। तिद्धे स्वाराज्यम्। अनुद्धते वेद्ये दिक्षणत आहवनीयंस्य बृह्तः स्तोत्रं प्रत्यभिषिश्चिति। इयं वाव रथन्तरम्॥१४॥

असौ बृहत्। अनयोरेवेनमनंन्तर्हितम्भिषिश्चिति। पृशुस्तोमो वा एषः। तेनं गोसवः। षुद्गिर्शः सर्वः। रेवज्ञातः सहंसा वृद्धः। क्षुत्राणां क्षत्रभृत्तंमो वयोधाः। महान्मंहित्वे तंस्तभानः। क्षत्रे राष्ट्रे चं जागृहि। प्रजापंतेस्त्वा परमेष्ठिनः स्वारांज्येनाभिषिश्चामीत्याह। स्वारांज्यमेवेनं गमयति॥१५॥

इव भ्वति र्थन्तरमाहैकं च॥———[६]

सि ५हे व्याघ्र उत या पृदांकौ। त्विषिरुग्नौ ब्राँह्मणे सूर्ये या।
इन्द्रं या देवी सुभगां जजानं। सा न आगुन्वर्चसा संविदाना।
या रांजन्ये दुन्दुभावायंतायाम्। अश्वंस्य क्रन्द्ये पुरुषस्य मायौ।
इन्द्रं या देवी सुभगां जजानं। सा न आगुन्वर्चसा संविदाना। या
हस्तिनि द्वीपिनि या हिरंण्ये। त्विषरश्वंषु पुरुषेषु गोषु॥१६॥

इन्द्रं या देवी सुभगां जजानं। सा न आगृन्वर्चसा संविदाना। रथें अक्षेषुं वृष्भस्य वाजें। वातें पूर्जन्ये वरुणस्य शुष्में। इन्द्रं या देवी सुभगां जजानं। सा न आगृन्वर्चसा संविदाना। राडंसि विराडंसि। सुम्राडंसि स्वराडंसि। इन्द्रांय त्वा तेजंस्वते तेजंस्वन्तः श्रीणामि। इन्द्रांय त्वौजंस्वत् ओजंस्वन्तः श्रीणामि॥१७॥

इन्द्रांय त्वा पयंस्वते पयंस्वन्तः श्रीणामि। इन्द्रांय त्वा-ऽऽयुंष्मत् आयुंष्मन्तः श्रीणामि। तेजोंऽसि। तत्ते प्र यंच्छामि। तेजंस्वदस्तु मे मुखम्ं। तेजंस्वच्छिरों अस्तु मे। तेजंस्वान् विश्वतंः प्रत्यङ्कः। तेजंसा सम्पिंपृग्धि मा। ओजोंऽसि। तत्ते प्र यंच्छामि॥१८॥ ओर्जस्वदस्तु में मुखम्ँ। ओर्जस्वच्छिरों अस्तु मे। ओर्जस्वान् विश्वतः प्रत्यङ्क्। ओर्जसा सं पिंपृग्धि मा। पयोऽसि। तत्ते प्र यंच्छामि। पयंस्वदस्तु में मुखम्ँ। पयंस्वच्छिरों अस्तु मे। पयंस्वान् विश्वतः प्रत्यङ्का पयंसा सं पिंपृग्धि मा॥१९॥

आयुंरिस। तत्ते प्र यंच्छामि। आयुंष्मदस्तु मे मुखम्ँ। आयुंष्मच्छिरों अस्तु मे। आयुंष्मान् विश्वतः प्रत्यङ्कः। आयुंषा सं पिंपृग्धि मा। इममंग्र आयुंषे वर्चसे कृधि। प्रिय॰ रेतों वरुण सोम राजन्। मातेवाँस्मा अदिते शर्म यच्छ। विश्वें देवा जरंदष्टिर्यथाऽसंत॥२०॥

आयुंरिस विश्वायुंरिस। स्वायुंरिस सर्वमायुंरिस। यतो वातो मनोजवाः। यतः क्षरंन्ति सिन्धंवः। तासाँ त्वा सर्वासार रूचा। अभिषिश्चामि वर्चसा। स्मुद्र इंवासि गृह्मनाँ। सोमं इवास्यदाँभ्यः। अग्निरिव विश्वतः प्रत्यङ्कः। सूर्यं इव ज्योतिषा विभूः॥२१॥

अपां यो द्रवंणे रसंः। तम्हम्स्मा आंमुष्यायणायं। तेजंसे ब्रह्मवर्च्सायं गृह्णामि। अपां य ऊर्मी रसंः। तम्हम्स्मा आं-मुष्यायणायं। ओजंसे वीर्याय गृह्णामि। अपां यो मध्यतो रसंः। तम्हम्स्मा आंमुष्यायणायं। पुष्ट्यै प्रजनंनाय गृह्णामि। अपां यो यिज्ञयो रसंः। तम्हम्स्मा आंमुष्यायणायं। आयुषे दीर्घायुत्वायं गृह्णामि॥२२॥

गोष्वोजंस्वन्तः श्रीणाम्योजोंऽसि तत्ते प्रयंच्छामि पर्यसा सम्पिपृग्धि माऽसंद्विभूर्यिज्ञयो रसो द्वे चं॥—————————————————[७]

अभिप्रेहिं वीरयंस्व। उग्रश्चेत्तां सपल्लहा। आतिष्ठ मित्रवर्धनः। तुभ्यं देवा अधिब्रवन्। अङ्कौ न्यङ्कावभित् आतिष्ठ वृत्रहृत्रथम्ं। आतिष्ठन्तं परि विश्वं अभूषन्। श्रियं वसानश्चरित स्वरोचाः। महत्तदस्यासुरस्य नामं। आ विश्वरूपो अमृतानि तस्थौ। अनु त्वेन्द्रों मदत्वनु बृहस्पतिः॥२३॥

अनु सोमो अन्वग्निरांवीत्। अनुं त्वा विश्वें देवा अंवन्तु। अनुं स्प्त राजांनो य उताभिषिक्ताः। अनुं त्वा मित्रावरुंणाविहावंतम्। अनु द्यावांपृथिवी विश्वशंम्भू। सूर्यो अहोंभिरनुं त्वाऽवतु। चन्द्रमा नक्षेत्रैरनुं त्वाऽवतु। द्यौश्चं त्वा पृथिवी च प्रचेतसा। शुक्रो बृहद्दक्षिणा त्वा पिपर्तु। अनुं स्वधा चिंकिता समों अग्निः। आऽयं पृंणक्तु रजंसी उपस्थम्॥२४॥
बृहस्पतिः सोमों अग्निरेकं च॥

प्रजापंतिः प्रजा अंसृजत। ता अंस्माथ्सृष्टाः परांचीरायन्। स एतं प्रजापंतिरोदनमंपश्यत्। सोऽन्नं भूतोंऽतिष्ठत्। ता अन्यत्रान्नाद्यमवित्वा। प्रजापंतिं प्रजा उपावंर्तन्त। अन्नमेवेनं भूतं पश्यंन्तीः प्रजा उपावंर्तन्ते। य एतेन् यजंते। य उं चैनमेवं वेद। सर्वाण्यन्नांनि भवन्ति॥२५॥ सर्वे पुरुषाः। सर्वांण्येवान्नान्यवं रुन्धे। सर्वान्पुरुषान्। राडंसि विराडसीत्यांह। स्वारांज्यमेवैनं गमयति। यद्धिरंण्युं ददांति।

तेज्ञस्तेनावं रुन्धे। यत्तिंसृध्न्वम्। वीर्यं तेनं। यदष्ट्रांम्॥२६॥
पृष्टिं तेनं। यत्कंमुण्डलुम्। आयुष्टेनं। यद्धिरंण्यमा बुध्नाति।

ज्योतिर्वे हिरंण्यम्। ज्योतिरेवास्मिन्दधाति। अथो तेजो वै हिरंण्यम्। तेजं पुवाऽऽत्मन्धंत्ते। यदौद्नं प्राष्ट्रञातिं। पुतदेव सर्वमवुरुध्यं॥२७॥

तदंस्मिन्नेक्धाऽधाँत्। रोहिण्यां कार्यः। यद्गाँह्मण एव रोहिणी। तस्मादेव। अथो वर्ष्मैवैन रे समानानां करोति। उद्यता सूर्येण कार्यः। उद्यन्तं वा एतर सर्वाः प्रजाः प्रतिनन्दन्ति। दिदृक्षेण्यों दर्शनीयो भवति। य एवं वेदं। ब्रह्मवादिनो वदन्ति॥२८॥

कायः। उद्यन्त वा पृतं सवाः प्रजाः प्रातनन्दान्त। दिदृक्षण्या दर्शनीयो भवति। य पृवं वेदं। ब्रह्मवादिनो वदन्ति॥२८॥ अवेत्योऽवभृथा (३) ना (३) इति। यद्दर्भपुञ्जीलैः प्वयंति। तथ्स्वदेवावैति। तन्नावैति। त्रिभिः पंवयति। त्रयं इमे लोकाः।

पुभिरेवेनं लोकेः पंवयति। अथो अपां वा पृतत्तेजो वर्चः। यद्दर्भाः। यद्दर्भपुञ्जीलेः प्वयंति। अपामेवेनं तेजंसा वर्चसाऽभिषिश्चति॥२९॥ भवन्त्यष्ट्रांमवरुध्यं वदन्ति दर्भा यद्दर्भपुञ्जीलेः प्वयत्येकं च॥———[९]

प्रजापंतिरकामयत बहोर्भूयांन्थ्स्यामिति। स पुतं पंश्वशार्दीयंमपश्यत्। तमाऽहंरत्। तेनायजत। ततो वै स बहोर्भूयानभवत्। यः कामयेत बहोर्भूयांन्थ्स्यामिति। स पंश्वशार्दीयेंन यजेत। बहोरेव भूयाँन्भवति। मुरुथ्स्तोमो वा एषः। मरुतो हि देवानां भूयिष्ठाः॥३०॥

बहुर्भविति। य एतेन् यजेते। य उंचैनमेवं वेदं। पृश्चशार्दीयों भविति। पश्च वा ऋतवंः संवथ्सरः। ऋतुष्वेव संवथ्सरे प्रतिं तिष्ठति। अथो पश्चौक्षरा पृङ्किः। पाङ्को यज्ञः। यज्ञमेवावं रुन्थे। सप्तदृशः स्तोमा नातिं यन्ति। सप्तदृशः पृजापंतिः। पृजापंतेरास्यै॥३१॥ भूयिष्ठा यन्ति हे चं॥——[१०]

अगस्त्यो मुरुद्धं उक्ष्णः प्रौक्षंत्। तानिन्द्र आदंत्त। त एंन् वर्ज्रमुद्यत्याभ्यायन्त। तानगस्त्यंश्चैवेन्द्रंश्च कयाशुभीयेंनाशमयताम्। ताञ्छान्तानुपाँह्वयत। यत्कंयाशुभीयं भवंति शान्त्यैं। तस्मांदेत ऐन्द्रामारुता उक्षाणंः सवनीयां भवन्ति। त्रयंः प्रथमेऽह्न्ना लेभ्यन्ते। एवं द्वितीयें। एवं तृतीयें॥३२॥

पुवं चंतुर्थे। पश्चौत्तमेऽहुन्ना लेभ्यन्ते। वर्षिष्ठमिव ह्येतदहैः। वर्षिष्ठः समानानां भवति। य पुतेन यजेते। य उंचैनमेवं वेदे। स्वारौज्यं वा पुष युज्ञः। पुतेन वा एक्या वां कान्दुमः स्वारौज्यमगच्छत्। स्वारौज्यं गच्छति। य पुतेन यजेते॥३३॥

य उं चैनमेवं वेदं। मा्रुतो वा एषः स्तोमंः। एतेन् वै मुरुतों देवानां भूयिष्ठा अभवन्। भूयिष्ठः समानानां भवति। य एतेन् यजेते। य उं चैनमेवं वेदं। पृश्वशारदीयो वा एष यज्ञः। आ पंश्वमात्पुरुंषादन्नंमत्ति। य एतेन् यजंते। य उं चैनमेवं वेदं। स्प्तद्शः स्तोमा नातिं यन्ति। स्प्तद्शः प्रजापंतिः। प्रजापंतेरेव नैतिं॥३४॥

अस्या जरांसो दमा मृरित्राः। अर्चर्द्धमासो अग्नयः पावकाः। श्विचीचर्यः श्वात्रासो भुरण्यवः। वनुरूषदो वायवो न सोमाः। यजां नो मित्रावरुणा। यजां देवार ऋतं बृहत्। अग्ने यिक्षे स्वन्दमम्। अश्विना पिबंतर सुतम्। दीद्यंग्नी शुचिव्रता। ऋतुनां यज्ञवाहसा॥३५॥

द्वे विरूपे चरतः स्वर्थे। अन्याऽन्यां वृथ्समुपं धापयेते। हरिंर्न्यस्यां भवंति स्वधावान्। शुक्रो अन्यस्यां दहशे सुवर्चाः। पूर्वाप्रं चरतो माययैतौ। शिशू क्रीडंन्तौ परिं यातो अध्वरम्। विश्वान्यन्यो भुवनाऽभि चष्टें। ऋतून्न्यो विदधंज्ञायते पुनः। त्रीणि शता त्रीष्हस्राण्यग्निम्। त्रिष्शचं देवा नवं चाऽसपर्यन्॥३६॥

औक्षं घृतैरास्तृंणन्बर्हिरंस्मै। आदिद्धोतांरं न्यंषादयन्त। अग्निनाऽग्निः समिंध्यते। कृविर्गृहपंतिर्युवां। हृव्यवाङ्गुह्वांऽऽस्यः। अग्निर्देवानां जठरम्ं। पूतदंक्षः कृविक्रंतुः। देवो देवेभिरा गंमत्। अग्निश्रियों मुरुतों विश्वकृष्टयः। आ त्वेषमुग्रमवं ईमहे वयम्॥३७॥

ते स्वानिनों रुद्रियां वर्षिनिर्णिजः। सिर्हा न हेषक्रंतवः सुदानंवः। यदुंत्मे मंरुतो मध्यमे वां। यद्वांऽवमे सुंभगासो दिवि छ। ततों नो रुद्रा उत वाऽन्वस्यं। अग्ने वित्ताद्धविषो यद्यजांमः। ईडं अग्निः स्ववंसन्नमोभिः। इह प्रसप्तो वि चं यत्कृतं नंः। रथैरिव प्रभेरे वाजयद्भिः। प्रदक्षिणिन्मरुताः स्तोमंमृद्धाम्॥३८॥

श्रुधि श्रुंत्कर्ण् वह्निंभिः। देवैरंग्ने स्यावंभिः। आसींदन्तु बर्हिषिं। मित्रो वर्रुणो अर्यमा। प्रात्यावाणो अध्वरम्। विश्वेषामदिंतिर्यक्तियांनाम्। विश्वेषामतिंथिर्मानुंषाणाम्। अग्निर्देवाना-मवं आवृणानः। सुमृडीको भवतु विश्ववेदाः। त्वे अंग्ने सुमृतिं भिक्षेमाणाः॥३९॥

दिवि श्रवों दिधरे युज्ञियांसः। नक्तां च चुकुरुषसा विरूपे।
कृष्णं च वर्णमरुणं च सन्धुः। त्वामंग्न आदित्यासं आस्यम्ँ।
त्वां जिह्वाः शुचंयश्चक्तिरे कवे। त्वाः रांतिषाचां अध्वरेषुं
सिश्चरे। त्वे देवा ह्विरंदन्त्याहुंतम्। नि त्वां युज्ञस्य साधंनम्।
अग्ने होतांरमृत्विज्ञम्ँ। वनुष्वदेव धीमिह् प्रचेतसम्। जीरं
दूतममर्त्यम्॥४०॥
युज्जवाहुसासपूर्यन्वयमृद्धां भिक्षंमाणाः प्रचेतसमेकं च॥————[१२]

तिष्ठा हरी रथ आ युज्यमांना याहि। वायुर्न नियुतों नो अच्छी। पिबास्यन्थों अभिसृष्टो अस्मे। इन्द्रः स्वाहां रिग्मा ते मदाय। कस्य वृषां सुते सचां। नियुत्वांन्वृष्भो रंणत्। वृत्रहा सोमंपीतये। इन्द्रं वयं महाधने। इन्द्रमर्भे हवामहे। युजें वृत्रेषुं विज्ञणम्॥४१॥

द्विता यो वृत्रहन्तंमः। विद इन्द्रंः शतकंतुः। उपं नो हरिंभिः सुतम्। स सूर् आजनयं ज्योतिरिन्द्रम्ं। अया धिया तरिण्रिद्रंबर्हाः। ऋतेनं शुष्मी नवमानो अर्कैः। व्यंस्त्रिधो अस्रो अद्रिंबिभेद। उतत्यदाश्वश्वियम्। यदिन्द्र नाहुंषी्ष्वा। अग्ने विक्षु प्रतीदंयत्॥४२॥

भरेष्विन्द्र र सुहवर् हवामहे। अर्होमुचर सुकृतं दैव्यं जनम्। अग्निं मित्रं वरुंणर सातये भगम्। द्यावांपृथिवी मुरुतं स्वस्तयें। मृहि क्षेत्रं पुरुश्चन्द्रं वि विद्वान्। आदिथ्सखिंभ्यश्चरथर् समैंरत्। इन्द्रो नृभिंरजन्दीद्यांनः साकम्। सूर्यमुषसं गातुमृग्निम्। उरुं नो लोकमन्ं नेषि विद्वान्। सुर्वर्वुञ्चोतिरभंयर् स्वस्ति॥४३॥ ऋष्वा तं इन्द्र स्थविंरस्य बाह्य उपंस्थेयाम शरणा बहन्तां।

ऋष्वा तं इन्द्र स्थविंरस्य बाहू। उपंस्थेयाम शर्णा बृहन्तां। आ नो विश्वांभिरूतिभिः स्जोषाः। ब्रह्मं जुषाणो हंर्यश्व याहि। वरींवृज्यस्थिविंरभिः सुशिप्र। अस्मे दधृदृषंण् श्रष्मंमिन्द्र। इन्द्रांय् गावं आशिरम्। दुदुह्ने विज्ञिणे मधुं। यथ्सीमुपह्न्रे विदत्। तास्ते विज्ञन्धेनवों जोजयुर्नः॥४४॥ नाऽऽप्नौत्॥४६॥

प्रजापंतिः पृशूनंसृजतः। तैंऽस्माथ्सृष्टाः परां च आयन्। तानंग्निष्टोमेन् नाऽऽप्नोत्। तानुक्थ्येन् नाऽऽप्नोत्। तान्थ्योंडृशिना नाऽऽप्नोत्। तान्नात्रिया नाऽऽप्नोत्। तान्थ्सन्धिना नाऽऽप्नोत्। सौंऽग्निमंब्रवीत्। इमान्मं ईफ्सेतिं। तानग्निस्निवृता स्तोमेन

स इन्द्रंमब्रवीत्। इमान्मं ईपसेतिं। तानिन्द्रंः पश्चदृशेन् स्तोमेन् नाऽऽप्नौत्। स विश्वौन्देवानंब्रवीत्। इमान्मं ईपस्तेतिं। तान् विश्वेदेवाः संप्तदृशेन् स्तोमेन् नाऽऽप्नुंवन्। स विष्णुंमब्रवीत्। इमान्मं ईपसेतिं। तान् विष्णुंरेकविर्शेन् स्तोमेनाऽऽप्नोत्। वार्वन्तीयेनावारयत॥४७॥

ड्दं विष्णुर्वि चंक्रम् इति व्यंक्रमत। यस्माँत्पृशवः प्रप्रेव भ्रश्शेरन्। स एतेनं यजेत। यदाप्रोँत्। तद्प्तोर्यामंस्याप्तोर्यामृत्वम्। एतेन् वै देवा जैत्वांनि जित्वा। यं काम्मकांमयन्त तमाँऽऽप्नुवन्। यं कामं कामयंते। तमेतेनाँऽऽप्नोति॥४८॥ स्तोमेन् नाऽऽप्नोदवारयत् नवं च॥————[१४] व्याघ्रोंऽयमुग्नौ चंरित प्रविष्टः। ऋषींणां पुत्रो अभिशस्तिपा अयम्। नुमुस्कारेण नर्मसा ते जुहोमि। मा देवानां मिथुयाकंर्म भागम्। सावीर्हि देव प्रस्वायं पित्रे। वृष्मीणंमस्मै विर्माणंमस्मै। अथास्मभ्य सवितः सर्वतांता। दिवेदिव आ सुवा भूरिं पश्चः।

भूतो भूतेषुं चरित प्रविष्टः। स भूतानामधिपतिर्बभूव॥४९॥
तस्यं मृत्यौ चंरित राजसूयम्ं। स राजां राज्यमनुं
मन्यतामिदम्। येभिः शिल्पैः पप्रथानामद्दर्शत्। येभिद्याम्भ्यिपर्थशत्प्रजापितः। येभिर्वाचं विश्वरूपा सम्प्रयाप्तः। तेनेममंग्न इह
वर्चसा समिक्षि। येभिरादित्यस्तपित प्र केतुभिः। येभिः सूर्यो दृदशे
चित्रभानुः। येभिर्वाचं पुष्कुलेभिरव्यंयत्। तेनेममंग्न इह वर्चसा
समिक्षि॥५०॥

आऽयं भांतु शर्वसा पश्चं कृष्टीः। इन्द्रं इव ज्येष्ठो भंवतु प्रजावान्। अस्मा अस्तु पुष्कुलं चित्रभांनु। आऽयं पृंणक्तु रजंसी उपस्थम्। यत्ते शिल्पं कश्यप रोचनावंत्। इन्द्रियावंत्पुष्कुलं चित्रभांनु। यस्मिन्थ्सूर्या अर्पिताः सप्त साकम्। तस्मित्राजांनमधि विश्रयेमम्। द्यौरसि पृथिव्यंसि। व्याघ्रो वैयाघ्रेऽधिं॥५१॥

विश्रंयस्व दिशों मृहीः। विशंस्त्वा सर्वा वाञ्छन्तु। मा त्वद्राष्ट्रमिधं भ्रशत्। या दिव्या आपः पर्यसा सम्बभूवुः। या अन्तरिक्ष उत पार्थिवीर्याः। तासां त्वा सर्वासार रुचा। अभिषिश्चामि वर्चसा। अभि त्वा वर्चसाऽसिचं दिव्येनं। पर्यसा सह। यथासां राष्ट्रवर्धनः॥५२॥

तथाँ त्वा सिवता कंरत्। इन्द्रं विश्वां अवीवृधन्। समुद्रव्यंचसङ्गिरंः। र्थीतंमर रथीनाम्। वाजांनार् सत्पंतिं पितम्। वसंवस्त्वा पुरस्तांदिभिषिश्चन्तु गायत्रेण् छन्दंसा। रुद्रास्त्वां दक्षिण्तोंऽभिषिश्चन्तु त्रैष्टुंभेन् छन्दंसा। आदित्यास्त्वां पश्चादिभिषिश्चन्तु जागंतेन् छन्दंसा। विश्वं त्वा देवा उत्तर्तो-ऽभिषिश्चं त्वाऽनुंष्टुभेन् छन्दंसा। बृह्स्पतिंस्त्वोपरिष्टादिभिषिश्चतु पाङ्कंन छन्दंसा॥५३॥

अरुणं त्वा वृक्षेमुग्रङ्क्षेजङ्करम्। रोचंमानं मुरुतामग्रे अर्चिषंः। सूर्यवन्तं मुघवानं विषासिहम्। इन्द्रंमुक्थेषुं नामहूर्तम् हुवेम। प्र बाहवां सिसृतं जीवसे नः। आ नो गर्व्यातिमुक्षतं घृतेनं। आ नो जने श्रवयतं युवाना। श्रुतं में मित्रावरुणा हवेमा। इन्द्रंस्य ते वीर्युकृतः। बाहू उपावं हरामि॥५४॥

बुभूवाव्यंयत्तेनेममंग्र इह वर्चसा समिक्षु वैयाघ्रेऽधि राष्ट्रवर्धनः पाङ्केन छन्दंसोपावंहरामि॥———[१५]

अभि प्रेहिं वीरयंस्व। उग्रश्चेत्तां सपब्रहा। आतिष्ठ वृत्रहन्तमः। तुभ्यं देवा अधिब्रवन्। अङ्कौ न्यङ्कावृभितो रथं यौ। ध्वान्तं वाताग्रमन् सञ्चरंन्तौ। दूरेहेतिरिन्द्रियावान्यतृत्री। ते नोऽग्नयः पप्रयः पारयन्तु। नर्मस्त ऋषे गद। अव्यंथायै त्वा स्वधायै त्वा॥५५॥

मा नं इन्द्राभित्स्त्वदृष्वारिष्टासः। एवा ब्रह्मन्तवेदंस्तु। तिष्ठा रथे अधि यद्वर्ष्यहस्तः। आ र्श्मीन्देव युवसे स्वर्श्वः। आ तिष्ठ वृत्रहन्नातिष्ठन्तं परि। अनु त्वेन्द्रो मद्त्वन् त्वा मित्रावरुणौ। द्यौश्चं त्वा पृथिवी च प्रचेतसा। शुक्रो बृहद्दक्षिणा त्वा पिपर्तु। अनुं स्वधा चिकिता सोमों अग्निः। अनुं त्वाऽवतु सविता सवेनं॥५६॥

इन्द्रं विश्वां अवीवृधन्। समुद्रव्यंचसङ्गिरंः। र्थीतंम १ रथीनाम्। वाजांना १ सत्पंतिं पतिम्। परिमा सेन्या घोषाः। ज्यानां वृञ्जन्तु गृप्नवंः। मेथिष्ठाः पिन्वंमाना इह। मां गोपंतिम्भि संविंशन्तु। तन्मेऽनुंमित्रिरन्ं मन्यताम्। तन्माता पृंथिवी तित्पता द्यौः॥५७॥

तद्गावांणः सोम्सुतों मयोभुवंः। तदिश्विना शृणुतः सौभगा युवम्। अवं ते हेड उदुंत्तमम्। एना व्याघ्रं पंरिषस्वजानाः। सिः हर हिन्वन्ति महृते सौभंगाय। समुद्रं न सुहुवंन्तस्थिवाः सम्। मृमृ्ज्यन्ते द्वीपिनंम् पस्वंन्तः। उदसावेतु सूर्यः। उदिदं मां मुकं वचंः। उदिहि देव सूर्य। सह वृग्नुना मम। अहं वाचो विवाचंनम्। मिये वागंस्तु धर्णसिः। यन्तुं नृदयो वर्षंन्तु पूर्जन्याः। सुपिप्पुला ओषंधयो भवन्तु। अन्नंवतामोद्नवंतामा मिक्षंवताम्। एषाः राजां भूयासम्॥५८॥

स्वधायै त्वा स्वेन द्यौः सूर्य सप्त चं॥----[१६]

ये केशिनः प्रथमाः स्त्रमासंत। येभिराभृतं यदिदं विरोचंते। तेभ्यो जुहोमि बहुधा घृतेनं। रायस्पोषेणेमं वर्चसा स॰ सृंजाथ। नर्ते ब्रह्मणस्तपंसो विमोकः। द्विनाम्नी दीक्षा वृशिनी ह्युंग्रा। प्र केशाः सुवते काण्डिनो भवन्ति। तेषां ब्रह्मेदीशे वपनस्य नान्यः। आ रोह प्रोष्ठं विषंहस्व शत्रून्। अवास्त्राग्दीक्षा वृशिनी ह्युंग्रा॥५९॥

देहि दक्षिणां प्रतिर्स्वायुः। अथांमुच्यस्व वरुंणस्य पाशाँत्। येनावंपथ्सविता क्षुरेणं। सोमंस्य राज्ञो वरुंणस्य विद्वान्। तेनं ब्रह्माणो वपतेदम्स्योर्जेमम्। र्य्या वर्चसा स॰ सृंजाथ। मा ते केशाननुं गाद्वर्चं पृतत्। तथां धाता करोतु ते। तुभ्यमिन्द्रो बृह्स्पतिः। स्विता वर्च आदेधात्॥६०॥

तेभ्यों निधानं बहुधा व्यैच्छन्। अन्तरा द्यावापृथिवी अपः स्वंः। दर्भस्तम्बे वीर्यकृते निधायं। पौइस्येनेमं वर्चसा सर सृंजाथ। बलं ते बाहुवोः संविता दंधातु। सोमंस्त्वाऽनक्तु पर्यसा घृतेनं। स्त्रीषु रूपमंश्विनैतन्नि धंत्तम्। पौइस्येनेमं वर्चसा सरसृंजाथ। यथ्सीमन्तं कङ्कंतस्ते लिलेखं। यद्वां क्षुरः परिववर्ज् वपईस्ते। स्त्रीषु रूपमंश्विनैतन्नि धंत्तम्। पौइस्येनेमर सर सृंजाथो वीर्येण॥६१॥ अवांस्राग्दीक्षा वृशिनी ह्यंग्राऽदंधाद्ववर्ज् वपई स्ते द्वे चं॥———[१७]

इन्द्रं वै स्वाविशों मुरुतो नापांचायन्। सोऽनंपचाय्यमान पुतं विघनमंपश्यत्। तमाऽहंरत्। तेनायजता तेनैवासान्तर सई स्तम्भं व्यहन्। यद्यहन्। तद्विघनस्यं विघनत्वम्। वि पाप्मानं भ्रातृंव्यर हते। य पुतेन यजते। य उं चैनमेवं वेदं॥६२॥

य र राजांनं विशो नापचायेयुः। यो वाँ ब्राह्मणस्तमंसा पाप्मना प्रावृंतः स्यात्। स एतेनं यजेत। विघनेनैवैनंद्विहत्यं। विशामाधिपत्यं गच्छति। तस्य द्वे द्वांदुशे स्तोत्रे भवतः। द्वे चतुर्विष्शे। औद्भिंद्यमेव तत्। एतद्वै क्षत्रस्यौद्भिंद्यम्। यदंस्मै स्वाविशों बिलिश हर्रन्ति॥६३॥

हर्रन्त्यस्मै विशो बुलिम्। ऐन्मप्रतिख्यातं गच्छति। य पृवं वेदं। प्रबाहुग्वा अग्रें क्षृत्राण्यातेपुः। तेषामिन्द्रः क्षृत्राण्यादंत्त। न वा इमानि क्षृत्राण्यंभूवन्नितिं। तन्नक्षंत्राणां नक्षत्रत्वम्। आ श्रेयंसो भ्रातृंव्यस्य तेजं इन्द्रियं देत्ते। य पृतेन् यजंते। य उं चैनमेवं वेदं॥६४॥

तद्यथां ह् वै संचिक्तिणौ कप्लंकावुपावंहितौ स्याताँम्। एवमेतौ युग्मन्तौ स्तोमौँ। अयुक्षु स्तोमेषु क्रियेते। पाप्मनोऽपंहत्यै। अपं पाप्मानं भ्रातृंव्य हते। य एतेन् यजंते। य उं चैनमेवं वेदं। तद्यथां ह् वै सूंतग्रामृण्यः। एवं छन्दा सि। तेष्वसावांदित्यो बृंहृतीर्भ्यूढः॥६५॥

स्तोबृंहतीषु स्तुवते स्तो बृंहन्। प्रजयां पृशुभिंरसानीत्येव। व्यतिषक्ताभिः स्तुवते। व्यतिषक्तं वै क्षत्रं विशा। विशेवैनं क्षत्रेण व्यतिषज्ञति। व्यतिषक्ताभिः स्तुवते। व्यतिषक्तो वै ग्रांमुणीः संजातैः। सजातैरेवैनं व्यतिषज्ञति। व्यतिषक्ताभिः स्तुवते। व्यतिषक्तो वै पुरुषः पाप्मभिः। व्यतिषक्ताभिरेवास्यं पाप्मनो नुदते॥६६॥

वेद हर्रन्त्येनमेवं वेदाभ्यूंढः पाप्मभिरेकं च॥——[१८]

त्रिवृद्यदाँग्रेयोँऽप्रिमुंखा ह्यद्धिर्यदाँग्रेय आँग्रेयो न वै सोमेन यो वै सोमेनैष गोंसुवः सिर्हेऽभि

प्रेहिं मित्रुवर्धनः प्रजापंतिस्ता ओंदुनं प्रजापंतिरकामयत बुहोर्भूयांनुगस्त्योस्या जरांसुस्तिष्ठा हरीं प्रजापंतिः पुश्-व्याप्रोंऽयमुभिप्रेहिं वृत्रुहन्तंमो ये केशिन इन्द्रं वा अष्टादंश॥१८॥

त्रिवृद्धो वै सोमेनायुरिस बुहुर्भविति तिष्ठा हरीरथु आयं भांतु तेभ्यों निधानुषु पट्थ्यंष्टिः॥६६॥ त्रिवृत्पाप्मनों नुदते॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके सप्तमः प्रपाठकः समाप्तः॥

## ॥अष्टमः प्रश्नः॥

## ॥ तैत्तिरीयब्राह्मणे द्वितीयाष्ट्रके अष्टमः प्रपाठकः॥

पीवौन्ना रियृवधंः सुमेधाः। श्वेतः सिषिक्त नियुतांमिभृशीः। ते वायवे समनसो वितंस्थुः। विश्वेन्नरंः स्वपृत्यानि चकुः। रायेऽनु यञ्जजतू रोदंसी उभे। राये देवी धिषणां धाति देवम्। अधां वायुं नियुतंः सश्चत् स्वाः। उत श्वेतं वस्ंधितिन्निरेके। आ वायो प्रयाभिः। प्र वायुमच्छां बृहती मनीषा॥१॥

बृहद्रंयिं विश्ववारा रथप्राम्। द्युतद्यांमा नियुतः पत्यंमानः। कृविः कृविमियक्षसि प्रयज्यो। आ नो नियुद्धिः शृतिनीभिरध्वरम्। सहस्रिणीभिरुपं याहि यज्ञम्। वायो अस्मिन् ह्विषिं मादयस्व। यूयं पात स्वस्तिभिः सदां नः। प्रजापते न त्वदेतान्यन्यः। विश्वां जातानि परि ता बंभूव। यत्कांमास्ते जुहुमस्तं नो अस्तु॥२॥

वयः स्यांम् पतंयो रयीणाम्। रयीणां पतिं यज्ततं बृहन्तम्ं। अस्मिन्भरे नृतंमं वाजंसातौ। प्रजापतिं प्रथम्जामृतस्यं। यजांम देवमिषं नो ब्रवीतु। प्रजापते त्वन्निधिपाः पुराणः। देवानां पिता जंनिता प्रजानांम्। पतिर्विश्वंस्य जगंतः पर्स्पाः। हृविर्नो देव विह्वे जुषस्व। तवेमे लोकाः प्रदिशो दिशंश्व॥३॥

प्रावतो निवतं उद्वतंश्च। प्रजापते विश्वसृज्जीवधंन्य इदं नो देव। प्रतिहर्य ह्व्यम्। प्रजापतिं प्रथमं युज्ञियानाम्। देवानामग्रे यज्तं यंजध्वम्। स नों ददातु द्रविंण १ सुवीर्यम्। रायस्पोषुं वि ष्यंतु नाभिम्स्मे। यो राय ईशें शतदाय उक्थ्यः। यः पंशूना १ रेक्षिता विष्ठितानाम्। प्रजापंतिः प्रथमजा ऋतस्यं॥४॥

सहस्रंधामा जुषता १ हिवर्नः। सोमांपूषणेमौ देवौ। सोमांपूषणा रजंसो विमानम्। सप्तचंऋ १ रथमविश्वमिन्वम्। विषूवृतं मनंसा युज्यमानम्। तं जिन्वथो वृषणा पश्चरिष्मिम्। दिव्यन्यः सदेनं च्ऋ उच्चा। पृथिव्याम्न्यो अध्यन्तरिक्षे। तावस्मभ्यं पुरुवारं पुरुक्षुम्। रायस्पोषं विष्यंतान्नाभिमस्मे॥ ५॥

धियं पूषा जिंन्वतु विश्वमिन्वः। र्यि सोमों रियपितिर्दधातु। अवंतु देव्यदितिरन्वां। बृहद्वंदेम विदर्थे सुवीराः। विश्वान्यन्यो भुवंना ज्ञानं। विश्वमन्यो अभिचक्षांण एति। सोमांपूषणाववंतं धियं मे। युवभ्यां विश्वाः पृतंना जयेम। उद्तुं त्तमं वं रुणास्तं भाद्याम्। यत्किं चेदं किंत्वासंः। अवं ते हेड स्तत्त्वां यामि। आदित्यानामवंसा न दंक्षिणा। धारयंन्त आदित्यासंस्तिस्रो भूमीर्धारयन्। यज्ञो देवाना शृचिरपः॥६॥ मृनीषाऽस्तुं चुर्तस्यास्मे किंत्वासंश्वत्वारिं च॥———[१]

ते शुक्रासः शुचंयो रश्मिवन्तः। सीदंन्नादित्या अधि बर्हिषिं प्रिये। कामेन देवाः सर्थं दिवो नः। आ यान्तु यज्ञमुपं नो जुषाणाः। ते सूनवो अदितेः पीवसामिषम्। घृतं पिन्वत्प्रतिहर्यन्नृतेजाः। प्र युज्ञिया यर्जमानाय येमुरे। आदित्याः कार्मं पितुमन्तंमुस्मे। आ नः पुत्रा अदितेर्यान्तु युज्ञम्। आदित्यासः पृथिभिर्देवयानैः॥७॥

अस्मे कामं दाशुषे सन्नमंन्तः। पुरोडाशं घृतवंन्तं जुषन्ताम्। स्कुभायत् निर्ऋति सेधतामंतिम्। प्र रुश्मिभिर्यतंमाना अमृधाः। आदित्याः काम् प्रयंतां वर्षद्गृतिम्। जुषध्वं नो ह्व्यदातिं यजन्नाः। आदित्यान्काम्मवंसे हुवेम। ये भूतानिं जन्यंन्तो विचिख्युः। सीदंन्तु पुत्रा अदितेरुपस्थम्ं। स्तीणं ब्रहिर्हंविरद्यांय देवाः॥८॥

स्तीणं बर्हिः सींदता यज्ञे अस्मिन्। भ्राजाः सेथंन्तो अमितिं दुरेवांम्। अस्मभ्यं पुत्रा अदितेः प्र यर्श्सत। आदित्याः कामं हृविषो जुषाणाः। अग्रे नयं सुपथां राये अस्मान्। विश्वानि देव वयुनानि विद्वान्। युयोध्यंस्मज्जंहराणमेनः। भूयिष्ठान्ते नमं उक्तिं विधेम। प्र वंः शुक्रायं भानवें भरध्वम्। हृव्यं मृतिं चाग्रये सुपूंतम्॥९॥

यो दैव्यांनि मानुषा जनूर्षि। अन्तर्विश्वांनि विद्यना जिगांति। अच्छा गिरो मृतयो देवयन्तीः। अग्निं यन्ति द्रविणं भिक्षंमाणाः। सुसन्दशर्र सुप्रतींक्ष् स्वश्रम्। हृव्यवाहंमर्तिं मानुषाणाम्। अग्ने त्वमस्मद्यंयोध्यमीवाः। अनिग्नेत्रा अभ्यंमन्त कृष्टीः। पुनंरस्मभ्यर्र सुवितायं देव। क्षां विश्वंभिर्जरेंभिर्यजत्र॥१०॥

अग्ने त्वं पारया नव्यों अस्मान्। स्वस्तिभिरतिं दुर्गाणि विश्वां। पूर्श्वं पृथ्वी बंहुला नं उर्वी। भवां तोकाय तनयाय शं योः। प्रकारवो मन्ना वृच्यमानाः। देवद्रीचीं नयथ देवयन्तः। दक्षिणावाङ्घाजिनी प्राच्येति। ह्विर्भरंन्त्यग्नये घृताचीं। इन्द्रं नरो युजे रथम्। जुगुभ्णाते दक्षिणमिन्द्र हस्तम्॥११॥

वसूयवो वसुपते वसूनाम्। विद्या हि त्वा गोपंति शर् गोनाम्। अस्मभ्यं चित्रं वृषंण श्रियन्दाः। तवेदं विश्वंमभितः पश्व्यम्। यत्पश्यंसि चक्षंसा सूर्यस्य। गवांमसि गोपंतिरेकं इन्द्र। भृक्षीमहि ते प्रयंतस्य वस्वः। समिन्द्र णो मनसा नेषि गोभिः। सश् सूरिभिर्मघवन्थ्स इस्वस्त्या। सं ब्रह्मणा देवकृतं यदस्ति॥१२॥

सं देवाना र सुमृत्या यज्ञियांनाम्। आराच्छत्रुमपं बाधस्व दूरम्। उग्रो यः शम्बंः पुरुहूत् तेनं। अस्मे धेंहि यवंमुद्गोमंदिन्द्र। कृधीधियं जरित्रे वाजंरत्नाम्। आ वेधस् र स हि शुचिः। बृहुस्पतिः प्रथमं जायंमानः। महो ज्योतिषः पर्मे व्योमन्। स्प्तास्यंस्तुविजातो रवेण। वि सप्तरंश्मिरधमत्तमा रसि॥१३॥

बृह्स्पतिः समंजयद्वसूनि। महो व्रजान्गोमंतो देव एषः। अपः सिषांसन्थ्स्वरप्रंतीत्तः। बृह्स्पतिर्हन्त्यमित्रंमकैः। बृह्स्पते पर्येवा पित्रे। आ नों दिवः पावीरवी। इमा जुह्वांना यस्ते स्तनंः। सरंस्वत्यभि नों नेषि। इय शृष्मंभिर्विस्खा इंवारुजत्। सानुं गिरीणान्तं विषेभिं रूर्मिभिः। पाराव्दप्रीमवंसे सुवृक्तिभिः। सरंस्वतीमा विवासेम धीतिभिः॥१४॥

देवयानैंदेवाः सुपूंतं यजत्र हस्तमस्ति तमाईस्यूर्मिभिद्धे चं॥———[२] सोमो धेनु र सोमो अर्वन्तमाशुम्। सोमो वीरं कर्मण्यं ददातु। सादन्यं विद्थ्य र सभेयम्। पितुः श्रवणं यो ददांशदस्मै। अषांढं

सादन्यं विद्ध्यरं सभेयम्। पितुः श्रवंणं यो ददांशदस्मै। अषांढं युध्सु त्वरं सोम् ऋतुंभिः। या ते धामांनि ह्विषा यजंन्ति। त्विममा ओषंधीः सोम् विश्वाः। त्वमपो अंजनयस्त्वङ्गाः। त्वमातंतन्थोर्वन्तरिक्षम्। त्वं ज्योतिषा वि तमो ववर्थ॥१५॥

या ते धामांनि दिवि या पृंथिव्याम्। या पर्वतेष्वोषंधीष्वपस्। तेभिनीं विश्वैः सुमना अहेंडन्। राजैन्थ्सोम् प्रति ह्व्या गृंभाय। विष्णोर्नुकं तदंस्य प्रियम्। प्र तिद्वष्णुः। प्रो मात्रंया तनुवां वृधान। न तें महित्वमन्वंश्ज्वनित। उभे तें विद्य रजंसी पृथिव्या विष्णों देव त्वम्। प्रमस्यं विथ्से॥१६॥

विचंक्रमे त्रिर्देवः। आ ते महो यो जात एव। अभि गोत्राणि। आभिः स्पृधी मिथतीररिषण्यन्। अमित्रंस्य व्यथया मृन्युमिन्द्र। आभिर्विश्वां अभियुजो विषूंचीः। आर्याय विशोवंतारीर्दासीः। अयश् शृंण्वे अध जयंत्रुत घ्रन्। अयमुत प्र कृंणुते युधा गाः। यदा सत्यं कृंणुते मृन्युमिन्द्रः॥१७॥

विश्वं दृढं भेयत् एजंदस्मात्। अनुं स्वधामंक्षर्न्नापों अस्य। अवर्धत् मध्य आ नाव्यांनाम्। सुधीचीनेन मनसा तिमेन्द्र ओजिंष्ठेन। हन्मेनाहन्नभिद्यून्। मुरुत्वन्तं वृष्भं वांवृधानम्। अर्कवारिं दिव्य शासिमिन्द्रम्। विश्वासाह्मवंसे नूतंनाय। उग्र सहोदामिह त हेवेम। जिनेष्ठा उग्रः सहसे तुरायं॥१८॥

मन्द्र ओजिष्ठो बहुलाभिमानः। अवधिन्निन्द्रं मुरुतंश्चिदत्रं। माता यद्वीरं द्धनृद्धनिष्ठा। क्रंस्यावो मरुतः स्वधाऽऽसीत्। यन्मामेक र समर्धत्ताहिहत्ये। अह इ ह्यंग्रस्तंविषस्तुविष्मान्। विश्वंस्य शत्रोरनंमं वधस्त्रेः। वृत्रस्यं त्वा श्वसथा दीषंमाणाः। विश्वं देवा अजहुर्ये सर्खायः। मरुद्धिरिन्द्र सख्यं ते अस्तु॥१९॥

अथेमा विश्वाः पृतंना जयासि। वधौँ वृत्रं मंरुत इन्द्रियेणं। स्वेन भामेन तिवृषो बंभूवान्। अहमेता मनवे विश्वश्चंन्द्राः। सुगा अपश्चंकर् वज्रंबाहुः। स यो वृषा वृष्णियेभिः समोकाः। महो दिवः पृथिव्याश्चं सम्राट्। सतीनसंत्वा हव्यो भरेषु। म्रुत्वां नो भवत्विन्द्रं ऊती। इन्द्रो वृत्रमंतरद्वृत्रतूर्यं॥२०॥

अनाधृष्यो मघवा शूर इन्द्रंः। अन्वेनं विशो अमदन्त पूर्वीः। अय राजा जगंतश्चर्षणीनाम्। स एव वीरः स उं वीर्यावान्। स एकराजो जगंतः पर्स्पाः। यदा वृत्रमतंर्च्छूर् इन्द्रंः। अथाभवदमिताभिकंतूनाम्। इन्द्रो यज्ञं वर्धयन्विश्ववेदाः। पुरोडाशंस्य जुषता रहिवर्नः। वृत्रं तीत्वी दानवं वर्ज्रबाहुः॥२१॥ दिशोऽद रहदृरहिता द रहिणेन। इमं युज्ञं वर्धयन्विश्व- अर्थंकराजो अंभव्ञनांनाम्। इन्द्रों देवाञ्छंम्बर्हत्यं आवत्। इन्द्रों देवानांमभवत्पुरोगाः। इन्द्रों यज्ञे ह्विषां वावृधानः। वृत्रतूर्नो अभयु शर्म य सत्। यः सप्त सिन्धू रदंधात्पृथिव्याम्। यः सप्त लोकानकृणोदिशंश्च। इन्द्रों ह्विष्मान्थ्सगंणो मुरुद्भिः। वृत्रतूर्नो यज्ञमिहोपं यासत्॥२२॥

वंदाः। पुरोडाशं प्रतिं गृभ्णात्विन्द्रंः। यदा वृत्रमतंरुच्छूर इन्द्रंः।

वृव्धं विथ्सं इन्द्रंस्तुरायाँस्तु वृत्रतूर्ये वर्जवाहः पृथिव्यात्रीणि च॥——[३] इन्द्रस्तरंस्वानिभमातिहोग्रः। हिरंण्यवाशीरिष्टिरः सुंवर्षाः। तस्यं व्यश् सुंमृतौ यृज्ञियंस्य। अपि भुद्रे सौमन्से स्याम। हिरंण्यवर्णो अभयं कृणोतु। अभिमातिहेन्द्रः पृतंनासु जिष्णुः। स नः शर्म त्रिवरूथं वि यशसत्। यूयं पात स्वस्तिभिः सदां

नः। इन्द्रईं स्तुहि वृज्ञिण्ड्ं स्तोमंपृष्ठम्। पुरोडाशंस्य जुषता १ हुविर्नः॥२३॥

ह्त्वाभिमांतीः पृतंनाः सहंस्वान्। अथाभंयं कृणुहि विश्वतों नः। स्तुहि शूरंं वृज्जिणमप्रंतीत्तम्। अभिमातिहनंं पुरुह्तिमन्द्रम्ं। य एक इच्छ्तपंतिर्जनेषु। तस्मा इन्द्रांय ह्विरा जुंहोत। इन्द्रों देवानांमधिपाः पुरोहितः। दिशां पतिरभवद्वाजिनीवान्। अभिमातिहा तंविषस्तुविष्मान्। अस्मभ्यंं चित्रं वृषंणश् र्यिन्दौत्॥२४॥ य इमे द्यावांपृथिवी मंहित्वा। बलेनाद रहिदभिमातिहेन्द्रेः। स नों हुविः प्रतिं गृभ्णातु रातयैं। देवानांं देवो निधिपा नों अव्यात्।

अनंवस्ते रथं वृष्णे यत्तै। इन्द्रंस्य नु वीर्याण्यहुन्नहिम्। इन्द्रो यातो-ऽवंसितस्य राजा। शर्मस्य च शृङ्गिणो वर्ज्रबाहुः। सेदु राजा क्षेति चर्षणीनाम्। अरान्न नेमिः परि ता बंभूव॥२५॥

अभि सि्ध्मो अजिगादस्य शत्रून्। वितिग्मेनं वृष्भेणा पुरोभेत्। सं वर्ज्रेणासृजद्भृत्रमिन्द्रंः। प्र स्वां मृतिमंतिर्च्छाशंदानः। विष्णुं देवं वर्रुणमूतये भगम्। मेदंसा देवा वृपयां यजध्वम्। ता नो यज्ञमागंतं विश्वधेना। प्रजावंदस्मे द्रविणेह धंत्तम्। मेदंसा देवा वपयां यजध्वम्। विष्णुं च देवं वर्रुणं च रातिम्॥२६॥

ता नो अमीवा अप बार्धमानौ। इमं यज्ञं जुषमांणावुपेतम्। विष्णूंवरुणा युवमंध्वरायं नः। विशे जनांय मिह शर्म यच्छतम्। दीर्घप्रयञ्ज्य हिवषां वृधाना। ज्योतिषाऽरांतीर्दहत्नतमा सि। ययोरोजंसा स्किभिता रजा सि। वीर्येभिर्वीरतंमा शविष्ठा। याऽपत्यं ते अप्रतीता सहोभिः। विष्णूं अगुन्वरुणा पूर्वहूंतौ॥२७॥

विष्णूंवरुणावभिशस्तिपावाँम्। देवा यंजन्त ह्विषां घृतेनं। अपामीवार सेधतर रृक्षसंश्च। अथांधत्तं यजंमानाय शं योः। अर्होमुचां वृष्भा सुप्रतूर्ती। देवानां देवतंमा शचिंष्ठा। विष्णूंवरुणा प्रतिहर्यतन्नः। इदं नरा प्रयंतमूतयें ह्विः। मृही नु द्यावांपृथिवी इह ज्येष्ठैं। रुचा भवता । शुचयंद्भिर्कैः॥२८॥

यथ्सीं वरिष्ठे बृह्ती विमिन्वन्। नृवज्योक्षा पंप्रथानेभिरेवैंः। प्रपूर्वजे पितरा नव्यंसीभिः। गीर्भिः कृंणुध्व र सदेने ऋतस्यं। आ नौं द्यावापृथिवी दैव्यंन। जनेन यातं मिहे वां वर्रूथम्। स इथ्स्वपा भुवनेष्वास। य इमे द्यावापृथिवी ज्जानं। उर्वी गंभीरे रजंसी सुमेकैं। अव र्शे धीरः शच्या समैरत्॥२९॥

भूिरं द्वे अचरन्ती चर्रन्तम्। पृद्वन्तं गर्भम्पदीदधाते। नित्यं न सूनुं पित्रोरुपस्थै। तं पिपृत ररोदसी सत्यवाचम्। इदं द्यांवापृथिवी सत्यमस्तु। पित्मांत्यिदिहोपं ब्रुवे वाम्। भूतं देवानांमवमे अवोभिः। विद्यामेषं वृज्ञनं जीरदांनुम्। उवीं पृथ्वी बंहुले दूरे अन्ते। उपं ब्रुवे नमसा यज्ञे अस्मिन्। दर्धाते ये सुभगं सुप्रतूर्ती। द्यावा रक्षतं पृथिवी नो अभ्वात्। या जाता ओषंध्योऽति विश्वाः परिष्ठाः। या ओषंधयः सोमराज्ञीरश्वावती रसोमवतीम्। ओषंधीरिति मातरो-ऽन्या वो अन्यामंवतु॥३०॥ हिवर्नो दाद्वभूव गुतिं पूर्वहूंताव्कैरैरदिस्मन्यश्चं च॥———[४]

शुचिं नु स्तोम् इञर्थद्वृत्रम्। उभा वांमिन्द्राग्नी प्र चंर्षणिभ्यः। आ वृत्रहणा गीर्भिर्विप्रः। ब्रह्मणस्पते त्वमस्य यन्ता। सूक्तस्यं बोधि तनयं च जिन्व। विश्वं तद्भद्रं यदवन्तिं देवाः। बृहद्वंदेम विदर्थं सुवीराः। स ई स्त्येभिः सिखिभिः शुचद्भिः। गोर्धायसं विधंनुसैरंतर्दत्। ब्रह्मंणुस्पतिर्वृषंभिर्वराहैं:॥३१॥

घर्मस्वेदेभिद्रिविणं व्यानट्। ब्रह्मणस्पतेरभवद्यथावृशम्। सृत्यो मन्युर्मिह् कर्मा करिष्यतः। यो गा उदाज्यस दिवे वि चांभजत्। महीवं रीतिः शवंसा सर्त्पृथंक्। इन्धांनो अग्निं वंनवद्वनुष्यतः। कृतब्रह्मा शूश्वद्रातहंव्य इत्। जातेनं जातमित्मृत्प्र सृरंसते। यं यं युजं कृणुते ब्रह्मणस्पतिः। ब्रह्मणस्पते सुयमस्य विश्वहाँ॥३२॥

रायः स्याम रथ्यो विवस्वतः। वीरेषुं वीरा र उपपृक्षि नस्त्वम्। यदीशानो ब्रह्मणा वेषि मे हवम्। स इज्ञनेन स विशा स जन्मना। स पुत्रेवार्जं भरते धना नृभिः। देवानां यः पितरमा विवासित। श्रद्धामेना ह्विषा ब्रह्मणस्पतिम्। यास्ते पूषन्नावो अन्तः। शुक्रं ते अन्यत्पूषेमा आशाः। प्रपंथे पृथामंजिनष्ट पूषा॥३३॥

प्रपंथे दिवः प्रपंथे पृथिव्याः। उभे अभि प्रियतंमे स्थस्थै। आ च परां च चरित प्रजानन्। पूषा सुबन्धंदिव आ पृथिव्याः। इडस्पतिर्म्घवां दस्मवंद्याः। तं देवासो अदंदुः सूर्यायैं। कामेन कृतं त्वस् स्वश्रम्। अजाऽश्वंः पशुपा वाजंबस्त्यः। धियं जिन्वो विश्वे भुवंने अर्पितः। अष्ट्रां पूषा शिथिरामुद्धरीवृजत्॥३४॥

स्श्रक्षांणो भुवंना देव ईयते। शुचीं वो ह्व्या मंरुतः शुचींनाम्। शुचिर्रं हिनोम्यध्वरर शुचिंभ्यः। ऋतेनं सृत्यमृत्सापं आयन्। शुचिंजन्मानः शुचंयः पावकाः। प्र चित्रमुकं गृंणते तुरायं। मारुतायु स्वतंवसे भरध्वम्। ये सहा ५सि सहंसा सहंन्ते। रेजंते अग्ने पृथिवी मखेभ्यंः। अ९सेष्वा मंरुतः खादयों वः॥३५॥

वक्षः सुरुक्ता उपं शिश्रियाणाः। वि विद्युतो न वृष्टिभीं रुचानाः। अनुं स्वधामायुंधैर्यच्छंमानाः। या वः शर्म शशमानाय् सन्ति। त्रिधातूंनि दाशुषे यच्छताधि। अस्मभ्यं तानि मरुतो वियन्त। र्यिं नो धत्त वृषणः सुवीरम्ं। इमे तुरं मुरुतो रामयन्ति। इमे सहः सहंस् आ नंमन्ति। इमे शर्रसंवनुष्यतो नि पान्ति॥३६॥

गुरुद्वेषो अरंरुषे दथन्ति। अरा इवेदचंरमा अहेव। प्रप्रं जायन्ते अकंवा महोभिः। पृश्ञेः पुत्रा उंपमासो रभिष्ठाः। स्वयां मृत्या मृरुतः सं मिमिक्षुः। अनुं ते दायि मृह इन्द्रियायं। सृत्रा ते विश्वमनुं वृत्रहत्यें। अनुं क्षुत्रमनु सहों यजत्र। इन्द्रं देवेभिरनुं ते नृषह्यें। य इन्द्रं शुष्मों मघवन्ते अस्ति॥३७॥

शिक्षा सर्खिभ्यः पुरुहूत् नृभ्यः। त्व १ हि दृढा मंघवन्विचेताः। अपांवृधि परिवृतिं न राधः। इन्द्रो राजा जगंतश्चर्षणीनाम्। अधिक्षमि विषुंरूपं यदस्ति। ततो ददातु दाशुषे वसूंनि। चोद्द्राध् उपंस्तुतश्चिद्वांक्। तमुंष्टुहि यो अभिभूत्योजाः। वन्वन्नवांतः पुरुहूत इन्द्रेः। अषांढमुग्र १ सहंमानमाभिः॥३८॥

गीर्भिर्वर्ध वृष्मं चंर्षणीनाम्। स्थूरस्यं रायो बृंह्तो य ईशें। तम् ष्टवाम विदथेष्विन्द्रम्। यो वायुना जयंति गोमंतीषु। प्र र्थृष्णुया नंयित वस्यो अच्छं। आ ते शुष्मों वृष्भ एंतु पृश्चात्। ओत्तरादंधरागा पुरस्तात। आ विश्वतों अभिसमेंत्वर्वाङ्। इन्द्रं द्युम्न स्ववंदिह्यस्मे॥३९॥

वराहैं विश्वहां ऽजिम् पूषोद्वरीं वृज्जत्खादयों वः पान्त्यस्त्याभिर्नवं च॥—[५]

आ देवो यांतु सिवता सुरत्नः। अन्तिरिक्षप्रा वहंमानो अश्वैः। हस्ते दर्धानो नर्या पुरूणि। निवेशयं च प्रसुवं च भूमं। अभीवृतं कृशंनैर्विश्वरूपम्। हिरंण्यशम्यं यज्तो बृहन्तम्। आस्थाद्रथर् सिवता चित्रभानुः। कृष्णा रजार्रस् तिवेषीं दर्धानः। सर्घा नो देवः संविता स्वायं। आ सांविषद्वसुंपतिवर्वसूनि॥४०॥

विश्रयंमाणो अमंतिमुरूचीम्। मृत्भोजंन्मधंरासतेन। विजनाँ ज्छ्यावाः शितिपादो अख्यन्। रथु हरंण्यप्रउगं वहंन्तः। शश्विद्दशंः सिवृतुर्देव्यस्य। उपस्थे विश्वा भुवंनानि तस्थुः। वि स्पूपणी अन्तरिक्षाण्यख्यत्। गुभीरवेपा असुरः सुनीथः। क्वेदानी ९ सूर्यः कश्चिकेत। कृतमान्द्या १ रिष्मिर्स्या तंतान॥४१॥

भगं धियं वाजयंन्तः पुरंन्धिम्। नराशक्सो ग्रास्पतिनीं अव्यात्। आ ये वामस्यं सङ्ग्थे रंयीणाम्। प्रिया देवस्यं सिवतः स्याम। आ नो विश्वे अस्क्रागमन्तु देवाः। मित्रो अर्यमा वर्रणः सजोषाः। भुवन् यथां नो विश्वे वृधासः। करंन्थ्सुषाहां विथुरं न शवंः। शं नो देवा विश्वदेवा भवन्तु। शक्ष सरंस्वती सह धीभिरंस्तु॥४२॥

शर्मिभ्षाचः शर्मु रातिषाचः। शं नो दिव्याः पार्थिवाः शं नो अप्याः। ये संवितः सृत्यसंवस्य विश्वः। मित्रस्यं व्रते वरुणस्य देवाः। ते सौभंगं वीरवृद्गोमृदप्नः। दर्धातन् द्रविणं चित्रमस्मे। अग्ने याहि दूत्यं वारिषेण्यः। देवा अञ्च्छा ब्रह्मकृतां गणेनं। सरस्वतीं मुरुतो अश्विनापः। युक्षि देवात्रं ब्रध्यांय विश्वान्॥४३॥

द्यौः पिंतुः पृथिवि मात्रभ्रुंक्। अग्नै भ्रातर्वसवो मृडतां नः। विश्वं आदित्या अदिते सृजोषाः। अस्मभ्युः शर्म बहुलं वि यंन्त। विश्वं देवाः शृणुतेमः हवं मे। ये अन्तरिक्षे य उप द्यवि ष्ठ। ये अग्निजिह्वा उत वा यजंत्राः। आसद्यास्मिन्बर्हिषि मादयध्वम्। आ वां मित्रावरुणा हृव्यजुंष्टिम्। नमंसा देवाववंसाऽऽववृत्याम्॥४४॥

अस्माकं ब्रह्म पृतंनासु सह्या अस्माकम्। वृष्टिर्दिव्या सुंपारा। युवं वस्त्राणि पीवसा वंसाथे। युवोरच्छिंद्रा मन्तंवो ह सर्गाः। अवांतिरतमनृंतानि विश्वाः। ऋतेनं मित्रावरुणा सचेथे। तथ्सु वां मित्रावरुणा महित्वम्। ई्मा तस्थुषीरहंभिर्दुदहे। विश्वाः पिन्वथ् स्वसंरस्य धेनाः। अनुं वामेकः पविरा वंवर्ति॥४५॥

यद्व १ हिष्टुन्नाति विदे सुदान्। अच्छिंद्र १ शर्म भुवंनस्य गोपा। ततों नो मित्रावरुणाववीष्टम्। सिषांसन्तो जीगिवा १ संः स्याम। आ नो मित्रावरुणा हृव्यदांतिम्। घृतैर्गव्यूंतिमुक्षत्मिडांभिः। प्रतिं वामत्र वरमा जनाय। पृणीतमुद्रो दिव्यस्य चारौः। प्र बाहवां सिसृतं आ नो जर्ने श्रवयतं युवाना। श्रुतं में मित्रावरुणा हवेमा।

इमा रुद्रायं स्थिरधंन्वने गिरंः। क्षिप्रेषंवे देवायं स्वधाम्नै। अषांढाय शन्तंमेभिः। शुत १ हिमां अशीय भेषुजेभिः। व्यंस्मद्वेषीं वित्रं व्य १ हैं। व्यमीवा इश्चातयस्वा विष्चीः॥ ४७॥

अर्हंन्बिभर्षि मा नंस्तोके। आ तें पितर्मरुतार सुम्नमेंतु। मा नः सूर्यस्य सुन्दशों युयोथाः। अभि नों वीरो अवंति क्षमेत। प्र जांयेमहि रुद्र प्रजाभिः। एवा बंभ्रो वृषभ चेकितान। यथां देव न ह्रंणीषे न हर्श्से। हावनश्रूर्नो रुद्रेह बोधि। बृहद्वंदेम विदर्थे सुवीराः। परिं णो रुद्रस्यं हेतिः स्तुहि श्रुतम्। मीढुंष्ट्रमार्हंन्बिभर्षि। त्वमंग्ने रुद्र आ वो राजानम्॥४८॥ वसूंनि ततानास्तु विश्वान् ववृत्यां ववर्ति घृतेन् विषूंचीः श्रुतन्द्वे चं॥--[६]

सूर्यो देवीमुषस रोचंमानामर्यः। न योषांमभ्येति पश्चात्। यत्रा नरों देवयन्तों युगानिं। वितन्वते प्रतिं भुद्रायं भुद्रम्। भुद्रा अश्वां हरितः सूर्यस्य। चित्रा एदंग्वा अनुमाद्यांसः। नुमुस्यन्तों दिव

आ पृष्ठमंस्थुः। परि द्यावांपृथिवी यंन्ति सद्यः। तथ्सूर्यस्य देवत्वं तन्मंहित्वम्। मध्या कर्तोवितंतुर् सञ्जंभार॥४९॥

यदेदयुंक्त हुरितंः सुधस्थांत्। आद्रात्री वासंस्तन्ते सिमस्मैं।

तिन्मित्रस्य वरुणस्याभिचक्षै। सूर्यो रूपं कृणुते द्योरुपस्थै। अनुन्तमुन्यद्वुशंदस्य पाजः। कृष्णमुन्यद्धरितः सं भंरिन्ति। अद्या देवा उदिता सूर्यस्य। निर॰हंसः पिपृतान्निरंवद्यात्। तन्नो मित्रो वरुणो मामहन्ताम्। अदितिः सिन्धः पृथिवी उत द्यौः॥५०॥

दिवो रुका उरुचक्षा उदेति। दूरे अर्थस्तरणिर्श्राजंमानः। नूनं जनाः सूर्येण प्रसूंताः। आयन्नर्थानि कृणवृन्नपारेसि। शं नों भव चक्षंसा शं नो अहाँ। शं भानुना शर हिमा शं घृणेनं। यथा शम्स्मै शमसंद्रुरोणे। तथ्सूर्य द्रविणं धेहि चित्रम्। चित्रं देवानामुदंगादनीकम्। चक्षंर्मित्रस्य वरुणस्याग्नेः॥५१॥

आप्रा द्यावांपृथिवी अन्तरिक्षम्। सूर्यं आत्मा जगंतस्त्स्थुषंश्च। त्वष्टा दध्तन्नंस्तुरीपम्। त्वष्टां वीरं पिशङ्गंरूपः। दशेमन्त्वष्टंर्जनयन्त् गर्भम्। अतंन्द्रासो युवतयो बिभर्त्रम्। तिग्मानीक्ष् स्वयंशसं जनेषु। विरोचंमानं परिषीन्नयन्ति। आविष्ट्यो वर्धते चारुरासु। जि्ह्यानांमूर्ध्वस्वयंशा उपस्थै॥५२॥

उभे त्वष्टुंर्बिभ्यतुर्जायंमानात्। प्रतीचीं सि्ट्हं प्रतिंजोषयेते। मित्रो जनान्त्र स मित्र। अयं मित्रो नमस्यः सुशेवः। राजां सुक्ष्त्रो अंजनिष्ट वेधाः। तस्यं वयः सुमतौ यज्ञियंस्य। अपि भुद्रे सौमन्से स्याम। अनुमीवास् इडंया मदन्तः। मित्रज्मवो वरिमन्ना पृथिव्याः। आदित्यस्यं वृतमुंपृक्ष्यन्तः॥५३॥ व्यं मित्रस्यं सुमृतौ स्याम। मित्रं न ई१ शिम्या गोषुं गृव्यर्वत्। स्वाधियों विदथे अपस्वजीजनन्। अरेजयता् रे रोदंसी पाजंसा गिरा। प्रतिं प्रियं यंजतं जनुषामवंः। मृहा१ आंदित्यो नमंसोप्सद्यः। यात्यज्ञंनो गृणते सुशेवः। तस्मां पृतत्पन्यंतमाय जुष्टम्। अग्नौ मित्रायं ह्विरा जुंहोत। आ वा१ रथो रोदंसी बद्धधानः॥५४॥

हिर्ण्ययो वृषंभिर्यात्वश्वैः। घृतवंतिनः प्विभीरुचानः। इषां वोढा नृपतिंवींजिनीवान्। स पंप्रथानो अभि पश्च भूमं। त्रिवन्धुरो मन्सायांतु युक्तः। विशो येन् गच्छंथो देवयन्तीः। कुत्रां चिद्याममिश्विना दर्धांना। स्वश्वां यशसाऽऽयांतम्वीक्। दस्रां नििधं मधुमन्तं पिबाथः। वि वार् रथो वृध्वां यादमानः॥५५॥

अन्तां दिवो बांधते वर्तनिभ्यांम्। युवोः श्रियं परि योषांवृणीत। सूरों दुहिता परितक्तियायाम्। यद्देवयन्तमवंथः शचींभिः। परिघ्र र सवां मनावां वयोगाम्। यो हुस्यवार् रथिरावस्तं उस्राः। रथों युजानः परियातिं वर्तिः। तेनं नः शं योरुषसो व्युष्टौ। न्यंश्विना वहतं युज्ञे अस्मिन्। युवं भुज्युमवंविद्ध र समुद्रे॥५६॥

उदूंहथुरणंसो अस्त्रिंधानैः। प्तित्रिभिरश्रमैरंव्यथिभिः। दुर्सनांभिरश्विना पारयंन्ता। अग्नीषोमा यो अद्य वाँम्। इदं वर्चः सपुर्यतिं। तस्मै धत्तर सुवीर्यम्। गवां पोष्ड् स्वश्वियम्। यो अग्नीषोमां ह्विषां सपुर्यात्। देवद्रीचा मनसा यो घृतेनं। तस्य व्रत र रेक्षतं पातम १ हेसः॥ ५७॥

विशे जनांय मिह् शर्म यच्छतम्। अग्नीषोमा य आहुंतिम्। यो वां दाशाँ ख्विष्कृंतिम्। स प्रजयां सुवीर्यम्। विश्वमायुर्व्यश्ववत्। अग्नीषोमा चेति तद्वीर्यं वाम्। यदमुंष्णीतमव्सं पणिङ्गोः। अवांतिरतं प्रथयस्य शेषंः। अविंन्दतं ज्योतिरेकं बहुभ्यः। अग्नीषोमाविम १ स् मेऽग्नीषोमा ह्विषः प्रस्थितस्य॥५८॥ जुभार द्यौर्ग्नेष्टपस्थं उपुक्ष्यन्तों बद्धधानो वध्वां यादंमानः समुद्रेऽ १ हंसः

प्रस्थितस्य॥—————[७]

अहमंस्मि प्रथम्जा ऋतस्यं। पूर्वं देवेभ्यों अमृतंस्य नाभिः। यो मा ददांति स इदेव माऽऽवाः। अहमन्नमन्नंमदन्तंमिद्यः। पूर्वमृग्नेरपिं दह्त्यन्नम्। यृत्तौ हांसाते अहमुत्त्रेषुं। व्यात्तंमस्य पृशवः सुजम्भम्। पश्यंन्ति धीराः प्रचंरन्ति पाकाः। जहाँम्यन्यन्न जहाम्यन्यम्। अहमन्नं वश्मिचंरामि॥५९॥

स्मानमर्थं पर्येमि भुअत्। को मामन्नं मनुष्यों दयेत। परांके अन्नं निहितं लोक एतत्। विश्वैदिवैः पितृभिर्गुप्तमन्नम्। यद्द्यते लुप्यते यत्परोप्यते। शृतृत्मी सा तुनूर्मे बभूव। महान्तौ चुरू संकृद्रुग्धेनं पप्रौ। दिवं च पृश्चिं पृथिवीं चं साकम्। तथ्सम्पिबंन्तो न मिनन्ति वेधसंः। नैतद्भूयो भवंति नो कनीयः॥६०॥

अत्रं प्राणमत्रंमपानमांहः। अत्रं मृत्युं तम् जीवातुंमाहः। अत्रं ब्रह्माणों जरसं वदन्ति। अत्रंमाहः प्रजनंनं प्रजानांम्। मोघमत्रं विन्दते अप्रंचेताः। सृत्यं ब्रंवीमि वध इथ्स तस्यं। नार्यमणं पुष्यंति नो सर्खायम्। केवंलाघो भवति केवलादी। अहं मेघः स्तुनयुन्वर्षंत्रस्मि। मामंदन्त्यहमंद्रयुन्यान्॥६१॥

अह १ सद्मृतों भवामि। मदांदित्या अधि सर्वे तपन्ति। देवीं वाचंमजनयन्त् यद्वाग्वदंन्ती। अनुन्तामन्तादिधे निर्मितां महीम्। यस्यां देवा अंदधुर्भोजंनानि। एकांक्षरां द्विपदा १ षद्दंदां च। वाचं देवा उपं जीवन्ति विश्वं। वाचं देवा उपं जीवन्ति विश्वं। वाचं गन्ध्वाः पृशवों मनुष्याः। वाचीमा विश्वा भुवंनान्यर्पिता॥६२॥

सा नो हवं जुषतामिन्द्रंपत्नी। वागृक्षरं प्रथम्जा ऋतस्यं। वेदांनां माताऽमृतंस्य नाभिः। सा नो जुषाणोपं यज्ञमागाँत्। अवंन्ती देवी सुहवां मे अस्तु। यामृषंयो मत्रुकृतों मनीषिणः। अन्वैच्छं देवास्तपंसा श्रमेण। तान्देवीं वाच हिवषां यजामहे। सा नो दथातु सुकृतस्यं लोके। चत्वारि वाक्परिमिता पदानि॥६३॥

तानि विदुर्बाह्मणा ये मंनीषिणः। गुहा त्रीणि निहिता नेङ्गंयन्ति। तुरीयं वाचो मंनुष्यां वदन्ति। श्रृद्धयाऽग्निः सिमंध्यते। श्रृद्धयां विन्दते हृविः। श्रृद्धां भगस्य मूर्धनिं। वचसा वेदयामिस। प्रियः श्रृंद्धे ददंतः। प्रियः श्रृंद्धे दिदांसतः। प्रियं भोजेषु यज्वंसु॥६४॥ ड्दं मं उदितं कृषि। यथां देवा असुरेषु। श्रृद्धामुग्रेषुं चिक्रिरे। एवं भोजेषु यज्वंसु। अस्माकंमुदितं कृषि। श्रृद्धां देवा यजमानाः। वायुगोपा उपांसते। श्रृद्धाः हृंद्य्यंयाऽऽकूंत्या। श्रृद्धयां हूयते हृविः। श्रद्धां प्रातर्ह्वामहे॥६५॥

श्रृद्धां मध्यन्दिनं परि। श्रृद्धाः सूर्यस्य निम्नुचिं। श्रद्धे श्रद्धांपयेह माँ। श्रुद्धा देवानिधं वस्ते। श्रुद्धा विश्वमिदं जगत्। श्रुद्धां कार्मस्य मातरम्। ह्विषां वर्धयामिस। ब्रह्मं जज्ञानं प्रथमं पुरस्तौत्। वि सीमृतः सुरुचों वेन आवः। स बुध्नियां उप मा अस्य विष्ठाः॥६६॥

स्तश्च योनिमसंतश्च विवंः। पिता विराजांमृष्भो रंयीणाम्। अन्तरिक्षं विश्वरूप् आविवेश। तमकेर्भ्यंचिन्ति वृथ्सम्। ब्रह्म सन्तं ब्रह्मंणा वर्धयंन्तः। ब्रह्मं देवानंजनयत्। ब्रह्म विश्वमिदं जगत्। ब्रह्मंणः क्षत्रं निर्मितम्। ब्रह्मं ब्राह्मण आत्मनां। अन्तरंस्मिन्निमे लोकाः॥६७॥

अन्तर्विश्वमिदं जर्गत्। ब्रह्मैव भूतानां ज्येष्ठम्। तेन कोऽर्हित् स्पर्धितुम्। ब्रह्मन्देवास्त्रयंस्त्रि॰शत्। ब्रह्मन्निन्द्रप्रजापती। ब्रह्मन् ह् विश्वां भूतानि। नावीवान्तः समाहिता। चतंस्र आशाः प्रचंरन्त्वग्नयः। इमं नो युज्ञं नयतु प्रजानन्। घृतं पिन्वंत्रजर्र सुवीरम्॥६८॥

ब्रह्मं स्मिद्भंवृत्याहुंतीनाम्। आ गावों अग्मन्नुत भ्द्रमंक्रन्। सीदंन्तु गोष्ठे र्णयंन्त्वस्मे। प्रजावंतीः पुरुरूपां इह स्युः। इन्द्रांय

पिबंन्तीः षट्वं॥

पूर्वीरुषसो दुहांनाः। इन्द्रो यज्वंने पृण्ते चं शिक्षति। उपेद्दंदाति न स्वं मुंषायति। भूयोभूयो र्यिमिदंस्य वर्धयन्। अभिन्ने खिल्ले नि दंधाति देवयुम्। न ता नंशन्ति न ता अर्वा॥६९॥

गावो भगो गाव इन्द्रों मे अच्छात्। गावः सोमंस्य प्रथमस्यं भक्षः। इमा या गावः सर्जनास् इन्द्रेः। इच्छामीद्धृदा मनंसा चिदिन्द्रम्। यूयं गांवो मेदयथा कृशं चित्। अश्लीलं चित्कृण्था सुप्रतींकम्। भद्रं गृहं कृण्थ भद्रवाचः। बृहद्वो वयं उच्यते स्भास्। प्रजावंतीः सूयवंस रिशन्तीः। शुद्धा अपः स्प्रपाणे पिवंन्तीः। मा वंः स्तेन ईशत् माऽघशर्सः। परिं वो हेती रुद्रस्यं वृश्यात्। उपेदम्पपर्यनम्। आसु गोषूपंपृच्यताम्। उपंर्ष्भस्य रेतंसि। उपेन्द्र तवं वीर्ये॥७०॥
च्राम् कनीयोऽन्यानर्पिता पदान् यज्वंसु हवामहे विष्ठा लोकाः सुवीर्मर्वा

ता सूँर्याचन्द्रमसां विश्वभृत्तंमा महत्। तेजो वसुंमद्राजतो दिवि। सामात्माना चरतः सामचारिणां। ययौर्द्रतं न ममे जातुं देवयोः। उभावन्तौ परिं यात् अर्म्याः। दिवो न र्ष्मी इस्तंनुतो व्यंर्णवे। उभा भुंवन्ती भुवंना क्विक्रंत्। सूर्या न चन्द्रा चरतो हतामंती। पतीं चुमिद्विश्वविदां उभा दिवः। सूर्या उभा चन्द्रमंसा विचक्षणा॥७१॥

विश्ववारा वरिवोभा वरेण्या। ता नोऽवतं मतिमन्ता महिंव्रता। विश्ववपरी प्रतरंणा तर्न्ता। सुवर्विदां दृशये भूरिरश्मी। सूर्या हि

चन्द्रा वसुं त्वेषदंर्शता। मृनस्विनोभानुंचरतोनु सन्दिवम्। अस्य श्रवों नृद्यः सप्त विभ्रति। द्यावा क्षामां पृथिवी दंर्शतं वर्पः। अस्मे सूर्याचन्द्रमसांऽभिचक्षें। श्रद्धेकिमेन्द्र चरतो विचर्तुरम्॥७२॥

पूर्वाप्रं चंरतो माययैतौ। शिशू क्रीडंन्तौ परिं यातो अध्वरम्। विश्वान्यन्यो भुवंनाऽभि चष्टैं। ऋतून्न्यो विदधंज्ञायते पुनंः। हिरंण्यवर्णाः शुचंयः पावका यासा र राजाँ। यासाँ देवाः शिवेनं मा चक्षुंषा पश्यत। आपों भद्रा आदित्पंश्यामि। नासंदासीन्नो सदांसीत्तदानींम्। नासीद्रजो नो व्योमा पुरो यत्। किमावंरीवः कुह् कस्य शर्मन्॥७३॥

अम्भः किमांसीद्गहंनं गभीरम्। न मृत्युर्मृतं तर्हि न। रात्रिया अहं आसीत्प्रकेतः। आनींदवातः स्वधया तदेकम्। तस्माँ द्यान्यं न पुरः किश्चनासं। तमं आसीत्तमंसा गूढमग्रैं प्रकेतम्। स्टिलः सर्वमा इदम्। तुच्छेनाभ्विपिहितं यदासीत्। तमस्तन्महिना जायतैकम्। कामस्तदग्रे समवर्त्ततिधि॥७४॥

मनंसो रेतः प्रथमं यदासींत्। सतो बन्धुमसंति निरंविन्दन्। हृदि प्रतीष्यां क्वयों मनीषा। तिरश्चीनो वितंतो र्श्मिरंषाम्। अधः स्विदासी(३)दुपरि स्विदासी(३)त्। रेतोधा आंसन्महिमानं आसन्। स्वधा अवस्तात्प्रयंतिः पुरस्तांत्। को अद्धा वेंद् क इह प्र वोचत्। कुत् आजांता कुतं इयं विसृष्टिः। अर्वाग्देवा अस्य विसर्जनाय॥७५॥

अथा को वेंद्र यतं आब्भूवं। इयं विसृष्टिर्यतं आब्भूवं। यदिं वा द्धे यदिं वा न। यो अस्याध्यंक्षः पर्मे व्योमन्। सो अङ्ग वेंद्र यदिं वा न वेदं। किङ्स्विद्वनङ्क उ स वृक्ष आंसीत्। यतो द्यावांपृथिवी निष्टतृक्षुः। मनीषिणो मनसा पृच्छतेदुतत्। यद्ध्यतिष्टद्भुवंनानि धारयन्ं। ब्रह्म वनुं ब्रह्म स वृक्ष आंसीत्॥७६॥

यतो द्यावांपृथिवी निष्टतृक्षुः। मनीषिणो मनसा विब्रंवीमि वः। ब्रह्माध्यतिष्ठद्भुवंनानि धारयन्। प्रातरृष्ठिं प्रातिरन्द्र हवामहे। प्रातर्मित्रावरुणा प्रातरृश्विना। प्रातर्भगं पूषणं ब्रह्मणस्पतिम्। प्रातः सोममुत रुद्र ह्वेम। प्रातर्जितं भगमुग्र ह्वेम। व्यं पुत्रमदितेयीं विधर्ता। आध्रिश्वद्यं मन्यमानस्तुरिश्वत्॥७७॥

राजां चिद्यं भर्गं भृक्षीत्याहं। भग् प्रणेतुर्भग् सत्यंराधः। भग्मां धियमुदंव ददन्नः। भग् प्र णो जनय गोभिरश्वैः। भग् प्र नृभिर्नृवन्तः स्याम। उतेदानीं भगवन्तः स्याम। उत प्रपित्व उत मध्ये अह्राँम्। उतोदिता मघवन्थ्सूर्यस्य। व्यं देवाना ५ सुमृतौ स्याम। भर्ग एव भगवा ५ अस्तु देवाः॥७८॥

तेन वयं भगवन्तः स्याम। तं त्वां भगु सर्व इञ्जोहवीमि। स नों भग पुर एता भंवेह। सर्मध्वरायोषसों नमन्त। दुधिकावेव शुचंये प्दायं। अर्वाचीनं वंसुविदं भगं नः। रथंमिवाश्वां वाजिन् आवंहन्तु। अश्वांवतीर्गोमंतीर्न उषासंः। वीरवंतीः सदंमुच्छन्तु भद्राः। घृतं दुहांना विश्वतः प्रपीनाः। यूयं पांत स्वस्तिभिः सदां नः॥७९॥

विचक्षणा विचर्तुर शर्मन्निधि विसर्जनाय ब्रह्म वनं ब्रह्म स वृक्ष आसीत्तुरिश्चेद्देवाः प्रपीना एकं च॥ [९] पोर्वांन्रान्ते शुक्रासः सोमों धेनुमिन्द्रस्तरंस्वाञ्छ्विमा देवो यांतु सूर्यो देवीमहमेस्मि ता सूर्यांचन्द्रमसा नवं॥९॥

पीर्वोन्नामग्ने त्वं पारयानाधृष्यः शुचिं नु विश्रयंमाणो दिवो रुक्जोऽन्नं प्राणमन्नन्ता सूँर्याचन्द्रमसा नवसप्तितः॥७९॥

पीवौन्नां यूयं पांत स्वस्तिभिः सदां नः॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके अष्टमः प्रपाठकः समाप्तः॥ अष्टमः प्रश्नः 159

This PDF was downloaded from  $\mbox{\sc http://stotrasamhita.}$  github.io.

GitHub: http://stotrasamhita.github.io | http://github.com/stotrasamhita

Credits: http://stotrasamhita.github.io/about/